

ISIRELIBAN YARIBU YORUN DI

Ba tire te soka Yaribu yèn sã tera ta sun sãomã nge mε Gusunã u ka Isireliba yara Egibitin di mi ba yoru dimã. N deema gãra ta ka Isireliba da Egibiti mi. Gã ten biru, ba sina mi, ba marura. Adama amεn biru Egibitin sunã u bu yoru diisia, ma Gusunã u ben weeweenu nua. Yera u kparo goo gãsa be sã, u ka bu yara yoo ten di. Kparo wiya Mawisi. Nani swãa dabira Yinni Gusunã u Egibitigibu kpεε ba sere wura ba Isireli be yãsu. Ma ba yara Egibitin min di. Ba da ba wãa gbaburã. Miya u wure u gerua u sire ma ba ko n sãa win tãmbu. Adama ba nùn mεm nã sariru koosi nãn dabinu. Sanam mε Mawisi u yãwa Sinain guurã Yinni Gusunã u nùn woodaba wε ka sere maa win kuu bekurugirun kpunaa. Tire ten wii goberu ta ka kuu bekurugii ten sãmburu yã.

Tire ten kpunaa

1. Mawisin marubu ka win sokuru Gusunãn sãmburu sã, wiru 1n di sere wiru 4.
2. Gusunã u Isireliba yara yorun di, wiru 5n di sere wiru 18.
3. Gusunã u ka Isireliba arukawani bãkua, wiru 19n di sere wiru 31.
4. Isireliba ba mεm nãbu sariru kua, wiru 32n di sere wiru 33:6.
5. Gusunã u wãa Isireliban suunu sã, wiru 33:7n di sere wiru 34.
6. Swaa ye Isireliba ba koo swi bu ka ben toranun suuru wa, wiru 35n di sere wiru 40.

GUSUNO U ISIRELIBA YARA EGIBITIN DI

Isireliba ba yoru dimo Egibito

¹ Yakobu wi ba maa sokumo Isireli, win bibun yisa wee, be ba ka nun na Egibito, ben baawure ka win kuro ka bibu.

² Beya Rubeni ka Simo ka Lefi ka Yuda

³ ka Isakari ka Sabuloni ka Benyame

⁴ ka Danu ka Nefitali ka Gadi ka Ase.

⁵ Yakobun bibu ka win debumii ni, ba sawa tonu wata ka wakuru. N deema Yosefu, wi, u wa Egibito sanam me.

⁶ Sanam doo sanam wure Yosefu ka win maabu ka be ba wa win waati soo kpuro ba gu.

⁷ Ma Isirelin bii be, ba marura ba dabilia ba teria ba yiba tem me soo ba kua dangibu.

⁸ Yen biru suno kpao u bandu di wi u kun Yosefun waarun gari gee ye.

⁹ Yera u win tambu sawa u ne, Isireliba wee, ba sun dabiru kere ba maa sun dam kere. N n men na, kari baka sa tii derie.

¹⁰ Tabu bu n da seewa ba koo besen werobu somi bu ka sun tabu ko. Ba n kpa bu sere sun kisirari bu doona. Yen so, i de su bu bwisi gee kasua su ka ben marubu yorasiasia kpa bu ku maa dabiru sosi.

¹¹ Ma ba bu saman wirugibu gasia be ba koo bu yoo sam sesoginu koosia. Nge meya ba kua ba ka wuu marosu bana si ba sokumo Pitomu ka Ramusesi, si su kua Egibiti sunon dukia beru yenu.

¹² Adama nge me ba bu noni sooma, nge meya ba maa dabiama ba sosimo. Ma Egibitigibu ba bu tusa n banda.

¹³ Ma ba bu yoo samburu doke.

14 Ba birikiba muramɔ ka sɔndu, ba maa gbee sɔma baayere mɔ. Ma ben wāara sēsia domi ka nuku kōsura ba ka bu sɔma ye kpuro koosiamɔ.

Egibiti sunɔ u Isireliba nɔni sɔmɔ

15 Ma Egibiti sunɔ u Heberuban marusio beni, Sifira ka Pua sɔɔwa u nɛɛ,

16 ì n Heberuban kurɔbu marusiamɔ, ì n wa bii tɔn durɔwa ba mara, i nùn goowo. N n tɔn kurɔn na, i nùn derio u n wāa.

17 Adama marusio be, ba Gusunɔ nasie. Yen sɔna ba ñ kue nge mɛ sunɔ wi, u bu yiire. Ba bii be kpuro deriwa.

18 Ma u bu soka u nɛɛ, mban sɔna i ka kua mɛ, i dera bii be, ba wāa.

19 Marusio be, ba nùn wisa ba nɛɛ, Heberuban kurɔbu ba ñ sãa nge Egibitigibu. Ben wasi yi sãu. Ba ra mawa su sere tunuma.

20-21 Ma Gusunɔ u marusio be durɔm kua u ben tii bibu kã yèn sɔ ba nùn nasie. Mɛya maa Heberu be, ba dabiamɔ ba dam sosimɔ.

22 Ma Egibiti sunɔ u win tɔmbu kpuro wooda wɛ u nɛɛ, i Heberuban bii wɛɛ tɔn durɔbu kpuro kpɛɛyɔ daa baka te ba mɔ Nilu sɔɔ, kpa i bii wɛɛ tɔn kurɔbu deri.

Mɔwisin marubu

2

1 Durɔ goo wāa Lefin bweseru sɔɔ, win kurɔ maa sãa win bwese te.

2 Yera saa ye sɔɔ, ye ba mɛnna ka kurɔ wi, ma kurɔ wi, u gura sua u mara bii tɔn durɔ. U wa ma bii wi, u wā, ma u nùn berua suru ita.

3 Saa ye bii wi kun maa berurɔ, u kpakoro bwĩguru kua u tu kɔntaa ka dãa swĩ swĩinu tɛeni,

nim mu ku ka du mi, ma u bii wi sua u kpɛɛ sɔɔ. U da u tu yi naa yarin suunu sɔɔ daa baka ten gooro.

⁴Ma bii win sesu u da mi, u yɔ̄ n desire u ka mɛɛra u wa ye n koo bii wi deema.

⁵Saa ye sɔ̄ra Egibiti sunɔn bii tɔn kurɔ u na daaru mi, u ka wobure. Ma win yoba bɔsu daa ten bɔɔwɔ. Ye u kpakoro bwĩgii te wa, ma u yoo ben turo gɔra u ka tu na.

⁶Yera u tu wukia u deema bii wɛɛra ta wãa mi, tɔn durɔ, ta sumɔ. Ma wɔn wɔnda nùn mwa u nɛɛ, Heberuban biiwa.

⁷Yera bii win sesu besirama u sunɔn bii wi sɔɔwa u nɛɛ, a kĩ n da n nun goo kasuama Heberuban kurɔbu sɔɔ wi u koo nun bii wi nɔria?

⁸Ma sunɔn bii wi, u nɛɛ, oo, a doo.

Yera wɔndia wi, u da u bii wɛɛ ten mero sokuma.

⁹Ye u na, yera sunɔn bii wi, u nɛɛ, a bii wi mɔɔ a man nɔria, kon da nun yen kɔsiaru wɛ.

Kurɔ wi, u bii wɛɛ te sua u ka da u nɔri.

¹⁰Sanam mɛ bii wi, u bɔm karabu tura, yera u ka nùn wura, ma sunɔn bii wi, u nùn kua nge win tiin bii maruro. U tii sɔɔwa u nɛɛ, na nùn yaramawa nim di. Yen sɔ̄, win yĩsira Mɔwisi.

Mɔwisi u yakura u da Madianiɔ

¹¹Sanam dɔɔ sanam wure, Mɔwisi u kpɛa. Yera u win mero bisibu Heberuba beram da, u wa ba sɔm sɛsɔginu mɔ. Ma u mam Egibitigii goo wa u ben turo soomɔ u kĩ u go.

¹²Yera Mɔwisi u mɛɛra gee ka giɔ, u n̄ goo wa. Ma u Egibitigii wi so u go. U nùn sikua yani sɛeri sɔɔ.

¹³Yen sisiru u kpam wura mi. Yera u deema Heberuba yiru ba sannamɔ. Ma u bu yakiana u wi

u kun gem mǎ sǎwa u nεε, mban sǎna a wunen beruse soomǎ.

¹⁴ Ma durǎ wi, u Mǎwisi wisa u nεε, wara nun kua bεsen wirugii a ka sun siri. A kǐ a man gowa nge mε a Egibitigii wi go?

Ye Mǎwisi u nua mε, berum nùn mwa. U nεε, ñ n men na, tǎmbu kpuro ba gari yi nua.

¹⁵ Saa ye Egibiti sunǎ u nua ye ya koorǎ yera u swaa kasu u ka Mǎwisi go. Adama Mǎwisi u yakura u doona min di u da u wǎa Madianin temǎ.

Sǎo teeru u da u sǎ dǎkǎ gaan bǎkuǎ.

¹⁶ Yera Madianin yǎku kowon bii wǎndiaba nǎǎba yiru ba nim takam na dǎkǎ mi, ma ba nim yibia sabenun nim nǎru yerǎ ben baaban sabenu nu ka nǎ.

¹⁷ Ma kparobu gaba na ba bu gire. Adama Mǎwisi u seewa u bu sanna u ben sabenu nim kǎ.

¹⁸ Saa ye ba gǎsira yenuǎ, ben tundo Rewelin mi, wi ba maa mǎ Yetoro, u nεε, amǎna i ka yellu wǎma mε gisǎ.

¹⁹ Ba nùn wisa ba nεε, Egibitigii goowa u ka sun yina ye kparo be, ba sun gire, sere u mam sun nim taka u bεsen sabenu kǎ.

²⁰ Yera u win bii be bikia u nεε, mana durǎ wi, u sere wǎa. Mban sǎna i ñ ka nùn nε. I doo i nùn sokuma u na u di.

²¹ Ye Mǎwisi u na u di ma u wura u ka sina durǎ win mi. Ma u nùn bii ben turo kǎ kurǎ, wi ba mǎ Sefora.

²² Kurǎ wi, u gura sua u Mǎwisi bii tǎn durǎ marua. Yera Mǎwisi u nùn yǐsiru kǎ ka win barum Gεεsǎmu, yen tubusiana, sǎo, domi u nεε, u sǎawa sǎo tem tukumǎ.

Gusunǎ u Mǎwisi soka u ka Isireliba wǎra

²³ Sanam dɔɔ sanam wure, Egibiti sunɔ wi, u gu. Saa ye sɔɔ, Isireliba ba weeweenu mɔ ba wuri mɔ ben yoo sɔma yen sɔ. Ben wuri yi, yi Gusunɔ girari,

²⁴ ma u ben weeweenu nua. N deema u n̄ win arukawani duari ye u ka ben baababa Aburhamu ka Isaki ka Yakɔbu bɔkua.

²⁵ Yera u bu mɛɛrima u ben wɔnwɔndu wa.

3

¹ Saa ye sɔɔ, Mɔwisi u win dokiri Yetoro, Madianin yāku kowon sabenu kpare. U ka nu da yakasɔ sɔɔ duu yeru gia. Ma u tura sere guu te ba mɔ Hɔrebuɔ te ba maa sokumɔ Sinai te Gusunɔ u tii gɔsia.

² Yera Yinni Gusunɔn gɔrado * u ka n̄n gari kua dɔɔ yarin di yi yi wāa awīi gɛɛn suunuɔ. Mɔwisi u mɛɛra u wa wee, awīi yi kpuro yi dɔɔ mɔ, adama yi n̄ dɔɔ mwaaramɔ.

³ Ma u nɛɛ, kon gɛra n kāsɔ baka te wawa, kpa n wa yèn sɔ awīi yi, yi n̄ dɔɔ mwaaramɔ.

⁴ Ye Yinni Gusunɔ u wa ma u gɛra u ka wa, yera u n̄n soka saa awīi yin suunu sɔɔn di u nɛɛ, Mɔwisi, Mɔwisi.

Ma Mɔwisi u wura u nɛɛ, nɛ wee.

⁵ Gusunɔ u nɛɛ, a ku susima mini. A wunɛn salubata ye poto domi nɛna na wāa mini,

⁶ nɛ wi na sāa wunɛn sikadoba Aburhamu ka Isaki ka Yakɔbun Yinni.

Ma Mɔwisi u win wuswaa berua domi bɛrum n̄n mɔ u ka Gusunɔ mɛɛri.

* **3:2 Yinni Gusunɔn gɔrado** - Heberuba ba ku ra kā bu Gusunɔn yīsiru soku. Yen sɔna ba yorua Yinni Gusunɔn gɔrado. N deema Gusunɔn tii tiwa u ka n̄n gari kua.

⁷ Yinni Gusunɔ u kɔam nɛɛ, na nɛn tɔmbun nɔni swāaru wa be ba wāa Egibitiɔ. Na maa ben weeweenu nua dam mɛ ba bu dɔremɔn sɔ. Na ben nuku sankiranu yɛ.

⁸ Yera na sarama n ka bu wɔra Egibitigibun nɔman di, kɔa n ka bu da tem bakam gam sɔɔ mɛ mu gea sāa mu tim ka bom yiba. Tem mɛ sɔɔra Kananiba ka Hɛtiba ka Amɔreba ka Feresiba ka Hefiba ka Yebusiba ba wāa.

⁹ Wee, na Isireliban weeweenu nua. Na maa dam mɛ wa mɛ Egibitigiba bu dɔremɔ.

¹⁰ A doo n nun gɔri tɛ Egibiti sunɔn mi, a nɛn tɔmbu Isireliba yarama win tem di.

Gusunɔ u win yĩsiru Mɔwisi tubusia

¹¹ Mɔwisi u nùn wisa u nɛɛ, wara ra n nɛ n ka da Egibiti sunɔn mi, n Isireliba yara win tem di.

¹² Gusunɔ u nɛɛ, ko na n ka nun wāa. Sanam mɛ a tɔn be yarama Egibitin di, guu tenin miya i ko na i man sã. Yeniwa ya ko n sãa yĩreru a n ka yɛ ma nɛna na nun gɔra.

¹³ Mɔwisi u Gusunɔ sɔɔwa u nɛɛ, n n men na, kon da Isireliban mi, n bu sɔ n nɛɛ, bɛɛɛn sikadoban Yinniwa u man gɔrima ben mi. Adama bà n man bikia, amɔna win yĩsiru, mba kon gere.

¹⁴ Gusunɔ u nùn wisa u nɛɛ, nɛna wi na ra n wāa. A Isireliba wisio a nɛɛ, wi u tii sokumɔ Wi u ra n wāa, wiya u nun gɔrima ben mi.

¹⁵ Meniwa nɛn yĩsiru sere ka baadommaɔ. Mɛya ba ko n da man soku sere ka ben bweserun bibɔ. Ma u kɔam Mɔwisi sɔɔwa u nɛɛ, ameniwa kaa Isireliba sɔ a nɛɛ, nɛ wi na ra n wāa na sãa bɛɛn sikadoba Aburhamu ka Isaki ka Yakɔbun Yinni, na maa nun gɔrima ben mi.

16 A doo a Isireliban guro gurobu mænna a bu sō a nεε, nε wi na ra n wāa, na sāa bεen sikadoba Aburhamu ka Isaki ka Yakɔbun Yinni, na maa nun kure na ka nun gari kua na nεε, na bu wa, na maa wa ye ba bu kuamme Egibitiɔ.

17 Ma na nεε, kon bu yara Egibitin di mi ba nɔni swāaru waamɔ. Kpa n ka bu da Kananiba ka Hetiba ka Amɔreba ka Feresiba ka Hefiba ka Yebusiban temɔ mε mu tim ka bom yiba.

18 Ba koo wunen gari wura kpa wunε ka Isireliban guro gurobu i da Egibiti sunɔn mi, i nεε, nε wi na ra n wāa na sāa bεε Heberuban Yinni, na maa ka bεε gari kua. U de i da gɔbaburɔ i tonda nge sōɔ itan sanum saka kpa i nε bεen Yinni yākuru kua mi.

19 Na yē ma Egibiti sunɔ ù n nua mε, u ù wuramɔ i da ma n kun mɔ na nùn nen dam sōsi.

20 Yen sō, kon nen nɔmu demia kpa n sɔm maamaaki bwese bweseka dabinu ko Egibitiɔ. Yen biru ba koo bεε gira i doona.

21 Sanam mε ba koo doona ba ù doonɔ nɔm dira. Domi kon de nen tɔmbu bu kīi geeru wa Egibitigibun mi.

22 Bεen tɔn kurɔ baawurewa u koo win beruse ù kun mε ka wi ba wāa yenu teu sɔɔ bura yāa ni ba kua ka wura ka sii geesu kana, ka maa beka kpa bu ye kpuro ben bibu dokea. Nge mεya i ko ka Egibitigibun arumani gura.

Mɔwisi u kī u Gusunɔn sokuru yina

4

1 Ma Mɔwisi u wisa u nεε, na tɔn be yē. Ba ù koo man naane ko. Ba ù gari yi swaa dakimɔ. Ba koo nεε, wunε Yinni Gusunɔ a ù man kure a ka man gari kue.

2 Yinni Gusunɔ u nùn bikia u nεε, mba a neni wunen nɔmuɔ mi.

Mɔwisi u nεε, dεka.

3 Ma Yinni Gusunɔ u nεε, a ye kɔɔwɔ temɔ. Ma u ye kɔ temɔ, ma ya gɔsia waa. Yera Mɔwisi u duka sua yen min di.

4 Yinni Gusunɔ u kpam nùn sɔɔwa u nεε, a wunen nɔmu dɛmiɔ kpa a yen siru nεnε a sua.

Ma u win nɔmu dɛmia u yen sii te nɛnuu u sua, ma ya kpam gɔsia dεka win nɔmuɔ.

5 Yinni Gusunɔ u maa nεε, yeniwa kaa ko, kpa bu gia ma nε wi na ra n wãa na ka nun gari kua, nε wi na sãa ben baababa Aburhamu ka Ísaki ka Yakɔbun Yinni.

6 Ma Yinni Gusunɔ u kpam nεε, a wunen nɔmu dokeo wunen yaberun sɔɔwɔ tororɔ.

Ma u doke, yen biru u wuna. Wee ga burura nge wɛsu, ga bara disigiru wa.

7 Yinni Gusunɔ u kpam nεε, a maa wunen nɔmu ge wesio mi.

U wesia, ma u ge wuna. Ma ga kpam kua nge mε ga raa sãa.

8 Yinni Gusunɔ u nεε, bà kun nun naanε kue, bà kun yĩre gbiikiru wure, ba koo yiruseru wura.

9 Bà kun maa wure baa mε ba yĩrenu yiru ye wa, bà n wunen gari yina, a daa baka ten nim sɔko a yari temɔ. Nim mε a sɔka mi, mu koo gɔsiawa yem temɔ.

Gusunɔ u Aroni gɔsa u ka Mɔwisi somi

10 Yera Mɔwisi u Yinni Gusunɔ wisa u nεε, Yinni, gari gerubu bu ra n ka man sɛ yellun di, baa ka tɛ ye a ka man gari mɔ, domi nɛn yara bunu.

11 Ma Yinni Gusunɔ u nùn sɔɔwa u nεε, wara tɔnun nɔɔ kua. Wara ra tɔnu ko soso. Wara ra

yam waasie. Wara ra tɔnu ko wɔko. N n̄ nɛ, Yinni Gusunɔ wi ro?

¹² N n̄ mɛn na, a doo tɛ. Kon nun somi. Kon nun sɔɔsi ye kaa gere.

¹³ Adama Mɔwisi u nɛɛ, aawo, a goo gɔsio a gɔri.

¹⁴ Saa yera Yinni Gusunɔ u ka Mɔwisi mɔru kua. Ma u nɛɛ, n n̄ Aroni Lefi u sãa wunen mɔɔ? Na yɛ ma gari gerubu kun ka n̄n sɛ. Win tii wee, u nun senna sisi. U n̄ nun wa, win nukura koo dora.

¹⁵ A ka n̄n gari koowo, kpa a n̄n sɔ ye u koo gere. Nɛna kon wunen nɔɔ ka win nɔɔ dendi, kpa n̄ bɛɛ sɔɔsi ye i ko ko.

¹⁶ Wiya u koo tɔmbu wunen gari tusia. U ko n̄ sãa nge wunen nɔɔ, kpa a n̄ sãa nɛn kɔsire win sɔ.

¹⁷ Tɛ, a dɛka ye suo ye kaa ka yĩreru ko, kpa a n̄ ye nɛni wunen nɔmuɔ.

Mɔwisi u gɔsira Egibitiɔ

¹⁸ Yen biru Mɔwisi u doona min di. U gɔsira u da win dokiri Yetoron mi. Ye u tura mi, u n̄n sɔɔwa u nɛɛ, a de n̄ da n̄ nɛn dusibu wa mɛ ba ka wãa Egibitiɔ.

Ma Yetoro u n̄n sɔɔwa u nɛɛ, a doo ka bɔri yendu.

¹⁹⁻²⁰ Ma Mɔwisi u win kurɔ ka win bibu sua u bu ketekunu yɔɔsia ba da Egibitin temɔ. U maa dɛka ye sua ye Gusunɔ u n̄n sɔɔwa u n̄ nɛni mi. Domi Yinni Gusunɔ u raa n̄n sɔɔwa u nɛɛ, be ba raa kasu bu n̄n go, be kpuro ba gu. Yen sɔ, u gɔsiro u da Egibitiɔ.

²¹ Yinni Gusunɔ u kɔam Mɔwisi sɔɔwa u nɛɛ, tɛ, a doo Egibiti mi, kpa a n̄ yaaye yĩre ni na nun nɔmu beria, a ka nu ko Egibiti sunɔn wuswaaɔ. Adama kon win gɔru bɔbiasia. U n̄ wuramɔ u tɔn be deri bu doona.

22 Kpa a nùn sã a nεε, a meniwa nε, Yinni Gusunɔ na gerua, Isirelin bweseru ta sãawa nge nen bii yeruma.

23 Yen sã, u de nen bii wi, u doona u ka man sã. U n ma yina, kon win bii yeruma go.

24 Swaa sɔɔ mi Mɔwisi u yɔra u kpuna, miya Yinni Gusunɔ u nùn sɛre, u kɔ u nùn go.

25 Ma Sefora u kpee nɔɔ durorugiru sua u win bii bango kua, ma u win sen sarusu sua u ka Mɔwisi tiin tɔn dururu baba u nεε, wee, na wunen woro yemgiri kua.

26 Bango yen sãna u gerua mε. Sanam mε sɔra Yinni Gusunɔ u Mɔwisi deri.

27 N deema Yinni Gusunɔ u raa Aroni sɔɔwa u nεε, a seewo a Mɔwisi sennɔ da gɔburɔ.

Aroni u seewa u da ma u ka Mɔwisi yinna guu ten mi, te Gusunɔ u tii gɔsia. Ma ba gabana ba bɔkasina nuku doɔn sɔ.

28 Yen biru Mɔwisi u Aroni saaria kpuro ye Yinni Gusunɔ u ka nùn gɔrima, ka yɛre ni u nùn sɔɔwa u ko.

29 Ma Mɔwisi ka Aroni ba gurena ba da Egibitiɔ, ba Isireliban guro gurobu menna.

30 Ma Aroni u bu gari yi kpuro saaria yi Yinni Gusunɔ u Mɔwisi sɔɔwa mi. Ma Mɔwisi u tɔn be yɛre ni kua.

31 Yera, ba naane doke. Ba gia ma Yinni Gusunɔ u wa nge mε ba bu nɔni sɔmɔ. Tɛ u kɔ u bu faaba ko. Ma ba yiira ba nùn sãwa.

Mɔwisi ka Aroni ba da Egibiti sunɔn mi

5

¹ Yen biru Mɔwisi ka Aroni ba seewa ba da Egibiti sunɔn mi ba nɛɛ, amɛniwa Isireliban Yinni wi ba mɔ̀ Wi u ra n wãa, u gerua. U nɛɛ, a de win tɔmbu bu da gɓaburɔ bu sãaru ko.

² Ma Egibiti sunɔ u nɛɛ, wara ba mɔ̀ Wi u ra n wãa, n ka sere nùn mɛm nɔɔwa, n de bɛɛ Isireliba i doona. Na n̄ nùn yɛ. Na n̄ maa derimɔ i doona.

³ Yera ba nɛɛ, bɛɛɛ Heberuban Yinniwa u sun kure u ka sun gari kua. Yen sɔ̀, a de su da gɓaburɔ nge sɔ̀ itan sanum saka su ka nùn yākuru kua, kpa u ku raa sun bara bakaru kpɛɛ su gbi, n̄ kun mɛ u de bu sun go tabu sɔ̀.

⁴ Ma Egibiti sunɔ u bu sɔ̀wa u nɛɛ, wunɛ Mɔwisi ka Aroni, mban sɔ̀na i tɔn be sɔmburu yɔ̀rasia. I doo i bɛɛn sɔma ko.

⁵ Wee, ye tɔn be, ba marura ba dabia tɛ tem meni sɔ̀, yera i k̄i i ben sɔmburu yɔ̀rasia?

Ba Isireliba sɔmburu sosia

⁶ Dɔma teya Egibiti sunɔ u wigii be ba tɔn be kpare sɔma ye sɔ̀, ka Isireliban swaa gɓiobu sɔ̀wa u nɛɛ,

⁷ i ku ra maa tɔn be taka nɔɔ wɛ nge yellu bu ka birikiba ko. I de ben tii bu da bu taka nɔɔ kasu.

⁸ Ka mɛ, i ku ben birikiban geeru kawa mɛ ba ra raa ko yellu. Domi yikura ta bu mɔ̀. Yen sɔ̀na ba weeweenu mɔ̀ ba mɔ̀, bu da bu ben Yinni yākuru kua.

⁹ I de tɔn ben sɔmburu tu sɛsɔ̀ sosi, kpa ba n tu mɔ̀. Sanam mɛ, ba n̄ koo maa weesu swaa daki.

¹⁰ Ma be ba tɔn be kpare sɔma ye sɔ̀ mi, ka Isireliban swaa gɓiobu ba na ba bu sɔ̀wa ba nɛɛ,

ameniwa Egibiti suno u gerua. U nee, u n maa bee taka noo weemo.

¹¹ N n men na, i doo i been taka noo kasu mi i ko wa. Adama ka me, sa n gaanu kawamo been sama soo.

¹² Ma ton be, ba yarina baama Egibitin tem soo, ba yakasu kasu bu ka taka noo ko.

¹³ Be ba bu kpare sama ye soo, ba bu baasi ba mo, i been sama yibio toru baatere nge me i ra raa ko, sanam me ba bee taka noo weemo.

¹⁴ Ma ba Isireliban swaa gbio be Egibiti sunon tamba wuna soomoo ba bu bikiamoo, mban sōna i n been birikiban geeru yibie gāa ka giso nge me i ra raa ko.

¹⁵ Sanam me soora Isireliban swaa gbio be, ba da ba Egibiti suno wuri koosimoo ba mo, mba n kua, yinni, a ka sun yenin bweseru kuamme.

¹⁶ Ba ku ra maa sun taka noo we. Kpa ba n mo su birikiba muro. Yen biru sa kun kue, kpa ba n sun soomoo. N sere deema, wunen tambun taarewa.

¹⁷ Ma Egibiti suno u bu wisa u nee, yikurobu bee, i n garu kobu ki. Yen sōna i gerumoo, n de i da i Yinni Gusuno yakuru kua.

¹⁸ I doo ten te ge i been samburu ko. Goo kun maa bee taka noo weemo. Adama birikiban gee tee tera i ko n muramoo mi.

¹⁹ Isireliban swaa gbio be, ba wa ma ben wahala ya sosimowa domi ba nee, bu ku raa ben birikiban geeru kawe. Toru baatere ka ten sambura.

²⁰ Ye ton be, ba yarima Egibiti sunon min di, ba Mowisi ka Aroni deema ba yo ba bu mara.

²¹ Yera ba bu soowa ba nee, Yinni Gusuno u bee waamoo. U koo maa bee siri. Beya i sun tusiru kasua

Egibiti suno ka win tambun mi. Wee, i takobi doke ben nomuo bu ka sun go.

²² Ma Mowisi u wura Yinni Gusunon mi, u nee, Yinni, mba n dera a ton be kosa kuammɛ. Mban sɔna a man gorima ben mi.

²³ Saa min di na da Egibiti sunon mi, na ka wunen yisiru nun gari sɔwa, u wunen tambu goba kuammewa, a n maa bu wɔre sere ka tɛ.

6

¹ Yinni Gusunɔ u Mowisi sɔwa u nee, tɛ kaa wa ye kon Egibiti suno kua. Kon nun tilasi ko u ka bu yosu bu doona. U koo mam bu girawa win tem di.

Gusunɔ u kɔam ka Mowisi gari kua

² Ma Gusunɔ u kɔam ka Mowisi gari kua u nee, nena Wi u ra n waa.

³ Na Aburhamu ka Isaki ka Yakabu kure na ka bu gari kua. Ba maa gia ma nena na saa Gusunɔ Dam kpurogii. Adama ba n tuba ma nen yisira Wi u ra n waa.

⁴ Na maa ka bu arukawani bokua ma kon bu Kananin tem wɛ mu ko begim mɛ sɔ ba sina nge sɔbu.

⁵ Na Isireliban weeweenu nua mi ba yoru dimo Egibitigibun mi, na maa nen arukawani ye yaaye.

⁶ Yen sɔ, a Isireliba sɔwo a nee, nena Wi u ra n waa, na kon maa bu wɔra saa wahala ye Egibitigiba bu koosiamon di. Kon bu yakia ben yorun di, kpa n nen dam sɔsi n Egibitigibu wahala doke, kpa n nen tambu faaba ko.

⁷ Kon bu mwa bu ko nen tambu, kpa n ko ben Yinni, kpa bu gia ma nena Wi u ra n waa, na maa sawa ben Yinni ne wi na bu yakiamo ben yoo sama ye Egibitigiba bu koosiamon di.

8 Na kon bu duusia tem me sɔɔ, me na Aburhamu ka Isaki ka Yakɔbu nɔɔ mweɛru kua na neɛ, kon bu wɛ ba n mɔ. Ne wi na ra n wɔa nɛna na gerua me.

9 Yera Mɔwisi u da u Isireliba gari yi sɔɔwa. Adama ba n nɔn swaa daki, domi ben yoo sɔm sɛsɔgii ni, nu kpɛa sere ba mwia kpanamɔ.

10 Ma Yinni Gusunɔ u Mɔwisi sɔɔwa u neɛ,

11 a seewo a da a Egibiti sunɔ sɔ u be de Isireliba bu doona win tem di.

12 Ma Mɔwisi u Yinni Gusunɔ wisa u neɛ, wee Isireliba ba n nɛn gari swaa daki. Amɔna Egibiti sunɔ u koo ka man swaa daki. Na n daa nun sɔɔwa ma gari gerubu ra n ka man sɛ?

13 Yen biru Yinni Gusunɔ u Mɔwisi ka Aroni wooda wɛ ye ba koo Isireliba ka Egibiti sunɔ sɔ kpa bu ka Isireliba yara Egibitin di.

Mɔwisi ka Aronin bwese kɛra Isireliba sɔɔ

14 Isirelin bii gbiikoo wi ba mɔ Rubɛni, win bibun yiɛa wee, Enɔku ka Paalu ka Hɛsironi ka Kaami. Ben min diya Rubɛnin bwese kɛri marura.

15 Be ba maa sɔa Simɛɔba, beya Yɛmuɛli ka Yamini ka Ohadi ka Yakini ka Sokaa ka Sɔɔlu win mɛro sɔa Kananigii. Ben min diya Simɛɔn bwese kɛri marura.

16 Be ba maa sɔa Lefin bibu, beya Gɛsɔni ka Kehati ka Mɛrari. Ben min diya Lefin bwese kɛri maa marura. Ben baaba Lefi wi, u kuawa wɔɔ wunaa weeru ita sari u sere gu.

17 Ma Gɛsɔni u seewa u bii tɔn durɔbu yiru mara. Beya Libini ka Simɛi. Ma ba marura ba kua Gɛsɔnin bweseru.

18 Be ba maa sɔa Kehatiba, beya Amuramu ka Yisehari ka Heboroni ka Usieli. Ma ben baaba

Kehati wi, u kua wɔɔ wunaa teeru ka wəkura ita u sere kpuna u gu.

¹⁹ Be ba maa sãa Mɛrariba, beya Makili ka Musi. Beni kpurowa ba kua Lefin bwese kɛri.

²⁰ Amuramu u win tiɔ Yokebedi sua kurɔ. Wiya u ka Aroni ka Mɔwisi mara. Amuramu wi, u kuawa wɔɔ wunaa weeru ita sari u sere kpuna u gu.

²¹ Be ba maa sãa Yiseharin bibu, beya Kore ka Nɛfɛgi ka Sikiri.

²² Be ba maa sãa Usielin bibu, beya Mikali ka Elisafani ka Sitiri.

²³ Aroni u Eliseba, Abinadabun bii sua kurɔ. Kurɔ wi, u sãawa Nasonin sesu. Ma u ka Aroni bibu mara. Bera Nadabu ka Abihu ka Eleasaa ka Itamaa.

²⁴ Be ba maa sãa Koren bibu, beya Asiri ka Elikana ka Abiasafu. Ben min diya Koren bwesera marura.

²⁵ Ma Eleasaa, Aronin bii wi, u Putielin bii wɔndia turo sua kurɔ. U ka nùn bii tɔn durɔ mara. Bii win yĩsira Finɛsi. Be sa wa mi kpuro, beya ba sãa Lefin bwese kɛrin wirugibu.

²⁶ Be sɔɔra Yinni Gusunɔ u Mɔwisi ka Aroni gɔsa bu ka Isireliba yara saa Egibitin di. U nɛɛ, bà n yariɔ bu de ba n swĩinɛ bweseru ka bweseru ba n sɔka sãa SWɛɛ SWɛɛ.

²⁷ Ma Mɔwisi wi ka Aroni wi, ba wura ba da ba Egibitin sina boko wi kana u de Isireliba bu yari win tem di.

Yinni Gusunɔ u win nɔɔ mwɛɛru sire

²⁸ Sanam mɛ Yinni Gusunɔ u ka Mɔwisi gari kua Egibitiɔ,

²⁹ u nùn sɔɔwa u nɛɛ, nɛna Wi u ra n wãa. A Egibiti sunɔ sɔɔwɔ kpuro ye na nun sɔɔmɔ mini.

³⁰ Ma Məwisi u Yinni Gusunə wisa u nəε, wee, gari gerubu ra n ka man sē. Egibiti sunə u koo wura u man swaa daki?

7

¹ Yinni Gusunə u Məwisi sɔɔwa u nəε, wee, na nun kua nən kəsire Egibiti sunən sɔ. Wunenə mɔə Aroni u ko n maa sãa wunenə gari gero.

² Wuna kaa nùn sɔ ye na nun sɔmɔ kpuro. Wiya u koo maa Egibiti sunə sɔ, kpa u de Isireliba bu doona win tem di.

³⁻⁴ Kon de Egibiti sunən gɔru gu bɔbia sere u n bεε swaa dakimɔ, baa mε kon yĩre nanumgii dabinu ko win temə. Yen sɔ, na kon nùn nən dam sɔsi n win tambu wahala doke, kpa n nən tambu Isireliba yara win tem di, ba n saka sãa swεε swεε nge tabu kowobu.

⁵ Sanam mε na nən dam sɔsi tem mi, ma na Isireliba yara min di, sanam mɛya Egibitigiba koo gia ma nena Yinni Gusunə.

⁶ Ma Məwisi ka Aroni ba kua mam mam nge mε Yinni Gusunə u bu sɔɔwa.

⁷ Sanam mε ba ka Egibiti sunə gari yiba mɔ, Məwisi u mɔwa wɔɔ wεnε, ma Aroni u mɔ wɔɔ wεnε ka ita.

Egibiti sunə u yina u Məwisi ka Aroni swaa daki

⁸ Yen biru Yinni Gusunə u Məwisi ka Aroni sɔɔwa u nəε,

⁹ Egibiti sunə ù n bεε sɔɔwa u nəε, i nùn yĩreru kuo te ta sɔsi ma nena na bεε gɔrima, saa ye sɔɔra wunε Məwisi kaa Aroni sɔ u win dɛka suo u ye kɔ sunə win wuswaaɔ. Ya koo gɔsia waa.

¹⁰ Ma ba seewa ba da Egibiti sunən mi, ba kua ye Yinni Gusunə u bu sɔɔwa. Aroni u win dɛka ye

kɔ̃ sunɔ wi ka win bwãabun wuswaaɔ. Ma ya gɔsia waa.

¹¹⁻¹² Yera Egibiti sunɔ u win bwisigibu ka win timgibu ka win sɔrobu soka. Ben baawure u dobo dobo kua, u win deka kɔ̃ ma ya gɔsia waa. Adama Aronigia ya begii mwεeki.

¹³ Ka mε, Egibiti sunɔn gɔru ga bɔbia, u n̄ maa Mɔwisi ka Aronin gere swaa daki, nge mε Yinni Gusunɔ u raa gerua.

Wahala gbiikaa ye Gusunɔ u Egibitigibu doke, yεm

¹⁴ Yinni Gusunɔ u kɔam Mɔwisi sɔɔwa u nεε, Egibiti sunɔn gɔru ga bɔbia. U yina tɔn be, bu doona.

¹⁵ Wee u koo da daarɔ buru buru yellu. A doo a ka n̄n yinna daarun goorɔ kpa a n̄ deka ye neni, ye ya raa gɔsia waa mi.

¹⁶ Kpa a n̄n sɔ a nεε, nε Gusunɔ Heberuban Yinniwa na nun gɔrima win mi. U de nen tɔmbu bu da bu man sã gbaburɔ. Na wa ma sere ka tẽ u n̄ gari yi swaa sue.

¹⁷ Yèn sɔ u nεε, u n̄ man yẽ, yen sɔna na nεε, ameniwa u koo ka man gia, nε wi na ra n̄ wãa. A daa ten nim soowo ka deka ye a neni mi, kpa n̄ nim mε gɔsia yem.

¹⁸ Swẽε yi yi wãa daa te sɔɔ, kpa yi gbi, kpa daa ten nim mu sankira sere Egibitigibu bu kpana bu mu nɔ.

¹⁹ Yera Yinni Gusunɔ u Mɔwisi sɔɔwa u nεε, a Aroni sɔɔwɔ u win deka suo u ye t̄fi Egibitin nim kpuron wɔllɔ mε mu wãa daanɔ ka yerusɔ ka sere kotosɔ ka wekenɔ. Mi nim mu wãa kpuro gesi mu koo gɔsiawa yem, kpa yem mu n̄ wãa Egibitin tem kpuro sɔɔ.

20 Ma Mɔwisi ka Aroni ba kua nge me Yinni Gusunɔ u bu sɔɔwa. Aroni u win deka ye sua, ma u daa ten nim so Egibiti sunɔ ka win bwāabun wuswaaɔ. Ma mu gɔsia yem.

21 Swɛɛ yi yi wāa daa te sɔɔ, yi gu. Ma daa ten nim mu sankira. Egibitigiba kpɔna bu mu nɔ. Ma nim me mu wāa tem me kpuro sɔɔ mu kua yem.

22 Adama Egibitin sɔrobu ba maa kua me ka ben dobo dobo. Ye Egibiti sunɔ u wa me, ma win gɔru ga bɔbia, u n Mɔwisi ka Aronin gari swaa daki nge me Yinni Gusunɔ u raa gerua.

23 Egibiti sunɔ u gɔsira win yenuɔ. Gari yi, yi n mam nùn nande.

24 Ma Egibitigibu kpuro ba tem gba gba daa ten goorɔ bu ka nim wa bu nɔ, domi ba n kpɛ bu daa ten nim nɔ.

25 Ma daa ten nim me, mu gɔsire yem n ka kua sɔɔ nɔɔba yiru saa dɔma tèn di Yinni Gusunɔ u dera ba mu so.

Wahala yiruse, surenu

26 Yen biru Yinni Gusunɔ u kpam Mɔwisi sɔɔwa u neɛ, a doo Egibiti sunɔn mi, a nùn sɔ a neɛ, ne Yinni Gusunɔ na neɛ, u de nen tɔmbu bu da bu man sã.

27 U n maa yina u bu kara bu doona, kon de surenu yibu nu wahala doke win tem sɔɔ kpuro.

28 Surenu koo marura daa baka ten di, kpa nu gasirima sere win yenuɔ ka win dii sɔɔwɔ ka win kpinu wɔllɔ n ka da win bwāabu ka win tɔmbun diaɔ. Nu koo mam du sere doo koo yenɔ ka sonɔ.

29 Sure ni, nu ko nu n kabirimɔ kpa nu win tii ka win tɔmbu ka win bwāabu makiri.

8

¹ Ma Yinni Gusunɔ u Mɔwisi sɔɔwa u nɛɛ, a Aroni sɔ u doo u win nɔmu demia u deka ye t̄i daanu ka yerusun wɔllɔ kpa surenu nu gasirima nu na nu n wãa Egibitin tem sɔɔ.

² Yera Aroni u win nɔma demia Egibitin daanu gia, ma surenu nu gasirima nu Egibitin tem wukiri.

³ Adama Egibiti sunɔn sɔro be, ba maa kua mɛ, ka ben dobo dobo. Ba dera surenu nu gasirima Egibitin temɔ.

⁴ Ma Egibiti sunɔ u Mɔwisi ka Aroni soka u nɛɛ, i Yinni Gusunɔ kanɔ u sure ni doonasia nɛ ka nɛn tɔmbun min di, kpa n de tɔn be, bu doona bu n̄n yākuru kua.

⁵ Sanam mɛya Mɔwisi u Egibiti sunɔ sɔɔwa u nɛɛ, na wunɛn gere mara, a man sɔ saa yerà dim dim kon Yinni Gusunɔ kana wunɛ ka wunɛn tɔmbu ka wunɛn bwāabun sɔ, u ka de sure ni, nu tonda bɛɛ ka bɛɛn yɛnusun di, kpa nu kun maa tie ma n kun mɔ daa bakaru sɔɔ.

⁶ U wisa u nɛɛ, sia.

Ma Mɔwisi u nɛɛ, n koo kooru mɛ, kpa a gia ma goo sari wi u sãa nge Gusunɔ besɛn Yinni.

⁷ Sure ni, nu koo ka nun tonda nu gɛɛra wunɛn bwāabu ka wunɛn tɔmbu ka bɛɛn yɛnusun di. Daa bakaru tɔna sɔɔra nu ko nu n tie.

⁸ Yen biru Mɔwisi ka Aroni ba yara Egibiti sunɔn min di. Ma Mɔwisi u Yinni Gusunɔ nɔɔgiru sue u sure ni gira ni u Egibiti sunɔ wisi mi.

⁹ Ma Yinni Gusunɔ u kua nge mɛ Mɔwisi u bikia. Yera sure ni, nu gbisuka diaɔ ka yenu yaariɔ ka gbeaɔ.

10 Ba nu gura ba menna menna. Ma nin nubura yiba tem me sɔɔ.

11 Ye Egibiti sunɔ u wa ma wahala ya dwiiya yera u kpam win gɔru bɔbiasia. U n̄ maa Mɔwisi ka Aroni swaa daki, nge me Yinni Gusunɔ u raa gerua.

Wahala itase, gaanikunu

12 Yen biru Yinni Gusunɔ u Mɔwisi sɔɔwa u neɛ, u Aroni sɔɔwɔ u win dɛka suo u tem so, kpa tua yu gɔsia gaanikunu Egibitin tem kpuro sɔɔ.

13 Ma ba kua nge me. Tua kpuro ya gɔsia gaanikunu tem me kpuro sɔɔ. Gaanikuu ni, nu dua tɔmbu ka yaa sabenu sɔɔ.

14 Ma sɔrobu ba dobo dobo kua bu ka maa gaanikunu ko. Adama ba kpana. Gaanikuu ni, nu wãawa baama.

15 Yera sɔro be, ba Egibiti sunɔ sɔɔwa ba neɛ, Gusunɔn tiin dama mini.

Adama ka me, Egibiti sunɔn gɔru ga bɔɔbu. U n̄ Mɔwisi ka Aronin gari swaa daki nge me Yinni Gusunɔ u raa gerua.

Wahala nnese, gbabu swɛɛ

16 Yen biru Yinni Gusunɔ u maa Mɔwisi sɔɔwa u neɛ, a seewo buru buru yellu a da a ka Egibiti sunɔ yinna sanam me u dɔɔ daarɔ, kpa a n̄n sɔ a neɛ, ameniwa ne Yinni Gusunɔ na gerua. U de nen tɔmbu bu da bu man sã.

17 U n̄ maa yina nen tɔmbu bu doona kon n̄n gbabu swɛɛ surema yi yi koo wi ka win bwãabu ka win tɔmbu kuni. Egibitigibun yenusu kpurowa su ko n̄ gbabu swɛɛ yiba kpa yi tem wukiri.

18 Adama dɔma te, na n̄ derimɔ gbabu swɛɛ yi da Goseniɔ mi nen tɔmba wãa, kpa u gia ma ne, Yinni Gusunɔ na wãa tem me sɔɔ.

19 Kon nen tɔmbu ka win tɔmbu wunana. Siawa yĩre te, ta koo sɔ̄sira.

20 Yinni Gusunɔ u kua nge mε. Gbabu swɛε wuuru ta Egibiti sunɔ ka win bwāabun yenusu wɔri. Ma Egibitin tem kpuro mu sankira gbabu swɛε yin saabu.

21 Yera Egibiti sunɔ u Mɔwisi ka Aroni sokusia u nεε, i doo i bεen Yinni yāku te kua tem mε sɔ̄, i ku yari.

22 Adama Mɔwisi u wisa u nεε, n n̄ koorɔ mε domi bεen yākununu ko n sāa taare Egibitigibun n̄ni sɔ̄. Sà n maa yāku taareginu kua ben n̄ni biru, ba n̄ koo sun kpenu kasuku?

23 Yen s̄, sa ko dawa gbaburɔ mi n toma nge s̄ɔ̄ itan sanum saka su ka Gusunɔ bεen Yinni yākuru kua, nge mε u sun s̄ɔ̄wa su ko.

24 Egibiti sunɔ u nεε, kon de i da i Gusunɔ bεen Yinni yākuru kua gbaburɔ, adama i ku tonda. Yen s̄, i kanaru koowo nen s̄.

25 Ma Mɔwisi u n̄n wisa u nεε, wee, na doonɔ wunen min di, n ka Yinni Gusunɔ kana wunen s̄. Sia gbabu swɛε yi, yi koo doona wunε ka wunen bwāabu ka wunen tɔmbun min di. Adama a ku maa sun yaakoru ko a yina su da su Gusunɔ bεen Yinni yākuru kua.

26 Yera Mɔwisi u yara Egibiti sunɔn min di, u da u Yinni Gusunɔ suuru kana.

27 Ma Yinni Gusunɔ u kua nge mε Mɔwisi u n̄n bikia. Gbabu swɛε yi, yi tonda Egibiti sunɔ ka win bwāabu ka win tɔmbun min di. Yī n̄ maa tie mi, baa tia.

28 Adama ka mε kpuro, Egibiti sunɔn ḡru ga bɔbia kpam maa, ma u yina t̄n be, bu doona.

*Wahala nɔɔbuse, yaa sabenun gɔɔ***9**

¹ Yen biru kparam Yinni Gusunɔ u Mɔwisi sɔɔwa u nɛɛ, a doo Egibiti sunɔn mi kpa a nùn sã a nɛɛ, amɛniwa nɛ Heberuban Yinni Wi u ra n wãa na gerua. Na nɛɛ, u de nɛn tɔmbu bu doona bu man sã.

² Adama ù kun bu yɔsu, ma u yen yina yinaminu mɔ kparam,

³ wee, kon nɛn nɔm damguu doke win dumi ka ketɛkunu ka yooyoosu ka ketɛba ka yãanu sɔɔ, win yaa sabenu kpuro gesi ni ba kparamɔ gberɔ. Adumgbeku baka ya koo nu wɔri.

⁴ Saa ye sɔɔ, kon Isireliban sabenu ka Egibitiginu wunana. Ye ya sãa Isireliban sabenu, yen gaa kun gbimɔ.

⁵ Ma Yinni Gusunɔ u tãru yi u nɛɛ, ù kun bu yɔsu, siawa kon yabu ye ko tem mɛ sɔɔ.

⁶ Yen sisiru Yinni Gusunɔ u kua mɛ. Egibitigibun sabenu ghisuka kpuro, adama Isireliban sabenu sɔɔ, baa teeru ta ñ gu.

⁷ Egibiti sunɔ u ye ya kooran labaari bikia. U nua ma Isireliban sabenu sɔɔ baa teeru ta ñ gu. Ka mɛ, win gɔru ga kparam bɔbia, u ñ wure tɔn be, bu doona.

Wahala nɔɔba tiase, bwisinu

⁸ Yinni Gusunɔ u kparam Mɔwisi ka Aroni sɔɔwa u nɛɛ, i torom sɔko doowɔ i n nɛni, kpa Mɔwisi u mɛ yɛka wɔllɔ Egibiti sunɔn wuswaaɔ.

⁹ Torom mɛ, mu koo gɔsia nge tua, kpa mu Egibitin tem kpuro wukiri. Mu koo bwisinu wisi tɔmbu ka sabenu sɔɔ, kpa nu booboosu ko.

10 Yera ba torom me saka ba da Egibiti sunan wuswaa. Ma Mawisi u torom me yekana wallo, ma nu kua bwisinu tambu ka sabenun wasi so.

11 Saa ye so, saro ba kpana bu yarima Mawisin wuswaa bwisi nin so. Domi nu ben tii wisiwa nge Egibitigii be ba tie.

12 Egibiti suna u n Mawisi ka Aronin gari swaa daki. Yinni Gusuna u dera win goru ga babia ga sosi nge me u raa Mawisi sowa.

Wahala naba yiruse, guru kpenu

13 Yera Yinni Gusuna u kpan Mawisi sowa u nee, a seewo buru buru yellu a da Egibiti sunan mi, kpa a nun so a nee, ameniwa ne Gusuna Heberuban Yinni ne wi na ra n waa na gerua. U de nen tambu bu doona bu man sa.

14 Domi te, n n ma win bwabu ka win tambu tona kon wahala doke ye ya koo nen dam bakam so. Ka win tiiwa kpa u gia ma goo sari nge ne handunia so.

15 Na n daa nen nam danguu demia na wi ka win tambu bara kosuru kpe, u n ko n daa maa waa handunia.

16 Adama na dera u waa u ka nen dam wan so, kpa nen yisiru tu ka nara handunia kpuro so.

17 Wee u ka nen tambu seewa sere ka te. U n dere bu doona.

18 Yen so, sia amadaare kon de guru kpenu nu nera ka dam nin bweseru nu n koore Egibitin temo saa yen toren di sere n ka giso girari.

19 N n men na, a de bu win yaa sabenu kuku yeru kua, ka yabu ye u ma kpuro gbera. Domi guru kpee ni, nu koo tambu kpuro so gbea ka yaa sabenu

kpuro ni nu ñ kuku yeru wa, kpa sabe ni, ka tən be, bu kam ko.

²⁰ Yera Egibiti sunən bwāabu gabu be ba Yinni Gusunən gari nasie, ba dera ben yobu ba ka ben sabenu wəma yenuə fuuku fuuku.

²¹ Be ba kun maa Yinni Gusunən gari gara, ba ben yobu ka yaa sabenu deri gbeaə.

²² Ma Yinni Gusunə u Məwisi sɔwa u nεε, a wunen noma suo wəllə kpa guru kpenu nu yēkama Egibitin tem kpuro sɔɔ, tambu ka sabenu ka ye ya kpia gbeaə kpuron wəllə.

²³ Yera Məwisi u win deka sua u tīi wəllə, ma Yinni Gusunə u dera guru kpenu nεmə. Guru maakinu m̀ nu girarimə sere temə.

²⁴ Gura yen bwesera kun nεere Egibitin tem sɔɔ saa yen toren di.

²⁵ Ma guru kpee ni, nu baayere kpuro so nu go ye ya wāa gbeaə Egibitin tem sɔɔ, saa tambu sere ka sabenu ka ye ya kpia kpuro. Ma dānu kpuro nu bεsikira.

²⁶ Gosenin bera mi Isireliba ba wāa tənawa guru kpee ni, nu ñ na.

²⁷ Yera Egibiti sunə u Məwisi ka Aroni sokusia u nεε, na wa ma nena na tora. Gusunə wi u ra n wāa u gem mə. Nε ka nen tambu sa taare kua.

²⁸ A Yinni Gusunə kanə domi guru gbāsuku ni, ka guru kpee ni, nu den tura. Kon de i doona, na ñ maa bεε nenumə.

²⁹ Ma Məwisi u nùn wisa u nεε, nà n yara wuun di kon nen noma sua wəllə n Yinni Gusunə kana, kpa guru gbāsukunu ka guru kpenu nu mari a ka gia ma wiya handunia mə.

³⁰ Adama na yē ma wunε ka wunεn bwāabu i ñ Yinni Gusunō nasiam kpa.

³¹ Saa ye gura ye, ya na, wēsu ka əsu kam kua yèn sō əsu ya nə kusia, wēsu maa wēsu sāa.

³² Adama alikama ya ñ kam kue yèn sō ya ñ sanam mε kpā.

³³ Yen biru Məwisi u yara Egibiti sunən min di u da wuun biruō. Ma u win noma sua wəllō u Yinni Gusunō kana, ma guru gbāsukunu ka guru kpee ni, nu mari. Gura kun maa nεmō.

³⁴ Ye Egibiti sunō u wa mε, u win toraru sosi. Wi ka win bwāaba ben gōrusu bəbiasia.

³⁵ U ñ wure Isireliba bu doona nge mε Yinni Gusunō u raa gerua saa Məwisin nən di.

Wahala nəba itase, twee

10

¹⁻² Yinni Gusunō u kpam Məwisi sōwa u nεε, na dera Egibiti sunō ka win bwāabun gōrusu bəbia, kpa n ka nεn yīre ni sōsi ben suunu sō. Kpa wunεn tii a ka wunεn bibu ka wunεn debuminu sō nge mε na ka Egibitigibu yaakoru kua, ka yīre ni na sōsi ben suunu sō kpa i n ka yē ma nena Gusunō wi u ra n wāa. N n mεn na, a doo Egibiti sunən mi.

³ Məwisi ka Aroni ba da sunō win mi, ba nεε, ameniwa bεε Heberuban Gusunō wi u ra n wāa u gerua. U nεε, sere domma kaa n yine a tii kawa win wuſwaa. A de win tambu bu doona bu nùn sā.

⁴ À n maa yina a bu kara, wee, sia u koo de twee yi na wunεn tem kpuro sō.

⁵ Yi koo tēria yi tem wukiri. Baa tem bau ba ñ wasi. Yi koo dīa ni nu tie di ni guru kpenu kun sankā, kpa yi bεεn gbean dāa wurusu kpuro di.

⁶ Yi koo wunε ka wunen bwãabu ka Egibitigibu kpuron dia duuri yi yibu. Wunen baababa ka wunen sikadoba ba ñ yen bweseru waare saa mìn di ba wãa handunia sɔɔ sere ka gisɔ.

Ma Mɔwisi u seewa u yara Egibiti sunən min di.

⁷ Yera Egibiti sunən bwãaba nùn bikia ba nεε, sere domma durɔ wini u ko n sun wahala mɔ. A de tən be, bu doona bu da bu Gusunɔ ben Yinni sã. A ñ wa ma bεsɛn tem mu kam kobu dɔɔ?

⁸ Ma ba dera Mɔwisi ka Aroni ba wurama Egibiti sunən mi. Ye ba tura mi, yera u bu sɔɔwa u nεε, i doo i Gusunɔ bεɛn Yinni sã, adama bεε sɔɔ berà ba koo da.

⁹ Mɔwisi u wisa u nεε, bεsɛ kpurowa, bibu ka bukurobu ka bεsɛn yaa sabenu. Sanna sa ko da. Domi tɔɔ bakara sa ko Yinni Gusunɔ kua.

¹⁰ Ma Egibiti sunɔ u bu yaakoru kua u nεε, Yinni Gusunɔ u ka bεε da baani, nà n dera i da ka bεɛn kurɔbu ka bibu. Domi gãa kɔsuna i bwisikumɔ.

¹¹ Adama bεε tən durɔbu tənawa i ko da. Domi meya i bikia.

Yera u dera ba bu gira win min di.

¹² Ma Yinni Gusunɔ u Mɔwisi sɔɔwa u nεε, a wunen dεka suo a t̄i Egibitin tem sɔɔ kpa twee yi na yi tem mε wukiri, yi kpuro di ye ya kpia mi, ye guru kpenu nu deri.

¹³ Yera Mɔwisi u win dεka ye sua u t̄i mi. Ma Yinni Gusunɔ u dera woo gaga seema saa sɔɔ yari yerun di tem mε sɔɔ. Woo ge, ga kuawa saa sɔɔ sɔɔn di sere ka wɔkuru kpuro. Sisi bururu ba deema twee wee yam kpuro yi woo ge, ga ka na.

¹⁴ Twee yi, yi na wuunu ka wuunu yi pusa Egibitin tem baama. Yi dabia yi sara yi ba raa waare. Meya ba ñ maa yin bweseru wasi.

15 Tem kpuro mu tīra twee yin saabu. Ma yi yakasu ka dāa binu kpuro di, ni guru kpenu kun daa sankā. Wuru gaga kun maa tie Egibitin tem sōo dāa ka dāa kikisō.

16 Yera Egibiti sunō u Mōwisi ka Aroni sokusia fuuku u nēē, na Gusunō bēēn Yinni tora, mēya, na maa bēēn tii tora.

17 Tē, i man suuru kuo nōn tee teni kpa i Gusunō bēēn Yinni kana u man wahala gōōgia yeni wunari.

18 Ma Mōwisi u yara min di u da u Yinni Gusunō suuru kana.

19 Yera Yinni Gusunō u dera woo damguu ga seema saa sōo duu yerun di ga ka twee yi doona ga gure nim wōku sōo ge ba mō Naa yari. Baa yin tia kun tiare tem mē kpuro sōo.

20 Adama Yinni Gusunō u kpam dera Egibiti sunōn gōru ga bōbia, u n wure Isireliba bu doona.

Wahala nōōba nnese, yam wōkuru

21 Yen biru Yinni Gusunō u Mōwisi sōōwa u nēē, a wunen dēka tīiyō wōllō kpa yam wōku sinumgiru tu Egibitin tem wukiri, sere bu tu baba.

22 Yera Mōwisi u win dēka ye tii wōllō ma yam wōkura kua Egibitin tem kpuro sōo sōo ita.

23 Egibitigiba kun waanamō, goo kun seere win yenun di sere sōo ita ye. Adama mi Isireliba ba wāa kpuro, yam bururam mu wāawa.

24 Egibiti sunō u Mōwisi sokusia u nēē, i doo i Yinni Gusunō sā ka bēēn kurōbu ka bibu sannu. Adama i ku ka bēēn yaa sabenu da.

25 Mōwisi u wisa u nēē, n n mēn na, a sun yaa sabenu wēeyō domi n n koo koorā sa kun nu mō su ka Gusunō bēēn Yinni yāku dōō mwaararuginu ka yākunu ganu kua.

²⁶ Yen sã, sa ko ka besen yaa sabenu dawa, baa samu sa ñ derimɔ. Domi miya sa ko gɔsi ye sa ko ka nùn sã. Sa ñ maa gina yen geeru yɛ ka yen ye sa ko gɔsi sere sà n tura mi.

²⁷ Adama Yinni Gusunɔ u dera Egibiti sunɔn gɔru ga bɔbia, u ñ wure bu doona.

²⁸ Ma sunɔ wi, u Mɔwisi sɔɔwa u nɛɛ, a gesiro nɛn bɔkun di. A ku ra maa na nɛn wuswaaɔ, domi dɔma te na maa nun wa, a guwa.

²⁹ Mɔwisi u nɛɛ, too, ya wã, a ñ maa man wasi.

Mɔwisi u wahala wɔkurusen gari mɔ

11

¹ N deema Yinni Gusunɔ u raa Mɔwisi sɔɔwa u nɛɛ, n tie wahala tia ye kon Egibitigibu ka ben sunɔ doke. Yera ya koo de u bɛɛ yɔsu. U koo mam bɛɛ girawa minin di ka dam.

² A tɔn durɔ ka tɔn kurɔ baawure sɔɔwɔ u bura yã wuraginu ka sii geesuginu kana win beruse Egibitigiin mi.

³ N deema Yinni Gusunɔ u dera Egibitigibu ba ka Isireliba nɔnu geu mɛɛra. Mɔwisi u maa sãa tɔn boko sunɔn bwãabu ka Egibitigii be ba tien nɔni sɔɔ.

⁴ Mɔwisi u sere doona Egibiti sunɔn min di, u nùn sɔɔwa u nɛɛ, ameniwa Yinni Gusunɔ u gerua. Wɔkurun bɔnun sakawa u koo Egibitin tem bukiana.

⁵ Bii yerumaba kpuro ba koo gbi, saa wunɛn bii yeruman di, wi u koo wunɛn sina gɔna tubi di sere ka yoo tɔn kurɔn bii tɔn durɔ gbiikoowɔ. Yaa sabenun bii gbiikii dwanu nu koo maa gbi.

⁶ Wuri beke yi ko n wāa Egibitin tem kpuro sō dōma te, yìñ bweseru yi ñ koore. Meya yi ñ koo maa wure yi ko.

⁷ Adama beεε Isireliban mi, baa bōō ga ñ sun worimō sere ka beεεn yaa sabenō, kpa i n ka yē ma Yinni Gusunō u sun wunanε ka beε Egibitigibu.

⁸ Ma Mōwisi u kpam nεε, wunen bwāabu kpuro ba koo na bu kpuna nen wuswaaō bu man sō bu nεε, n yario ka nen tōmbu kpuro be ba man swīi. Yen biru na kon den yari n doona.

Ye u gari yi gerua u kpa, ma u yara Egibiti sunən min di ka mōru baka.

⁹ Yinni Gusunō u raa nùn sōōwa u nεε, Egibiti sunō kun wunen gari swaa dakimō. Yera ya koo de n maa sōm maamaakiginu ganu ko Egibitin temō.

¹⁰ Mōwisi ka Aroni ba sōm maamaakigii ni kpuro kua Egibiti sunən wuswaaō adama Yinni Gusunō dera win gōru ga bōbia ma u ñ wure Isireliba bu doona win tem di.

Gō sararibun tōō bakaru

12

¹ Mōwisi ka Aroni bu sere yari Egibitin di Yinni Gusunō u bu sōōwa u nεε,

² suru winiwa u koo ko beεεn suru gbiikoo wōō sōō.

³ I Isireliba kpuro sōōwō i nεε, suru winin sōō wōkuru, ben yenu yēro baawure u yāa kinε kpendu gōsi win yenun sō.

⁴ Yenu yēro win tōmba kun dabiru tura bu ka yāa giriru tem, wi ka win beruse bu yāaru gōsio te begiba koo kpī bu tem bu kpe.

⁵ I ko kpī i yāaru ñ kun mε boō gōsi, adama i de ya n sāa kinεru te ta wōō tia mō, kpa ta kun alebu mō.

⁶ I ko nu berewa sere suru win sɔɔ wəkura nne, kpa beɛ Isireliba kpuro i nu go dama ten yoka kpa.

⁷ I ko nin yem sua i tɛniwa dinu mi i ko nin yaa tem kɔnnɔsun beri berika ka sin wɔllɔ.

⁸ Wɔku tera ba koo yaa ye wɔ kpa bu ye di ka pɛɛ ye ba n seeyatia doke ka kpee wuru si su sosu sannu.

⁹ I ku yen gɔma tem, n kun mɛ ye ba yikua. I ye wɔɔwɔ girum girum ka yen wiru ka taanu ka bɔsɔ yānu.

¹⁰ Yà n maa tiara i ko ye wisiwa dɔɔ sɔɔ. I ku de yen gaa yu yam sāra.

¹¹ Wee mɛ i ko i n sāa i ka ye di. I n sɔɔru sāa i ka swaa wəri, i n gbaburun yānu doke, i n bokunu neni, kpa i di ka wasi kasanu, domi ya sāawa tɔɔ bakaru te i ko man diiya Gɔɔ sararibun sɔ.

¹² Wɔku tera kon Egibitin tem bukiana kpa n bii tɔn durɔ gbiikoo baawure go, tɔmbun bibu ka yaa sabenun binu. Mɛya kon ka sɔɔsi ma Egibitigibun bñnu nu n dam mɔ. Ne, Yinni Gusunɔwa kon ye ko.

¹³ Yem mɛya mu koo ko yĩreru te ta yenusu sɔɔsimɔ mi i wāa. Nà n yem mɛ wa, kon beɛ sarariwa. Kɛsi te, ta n beɛ babamɔ te kon ka Egibitigibu wahala ko.

¹⁴ I ko i n da tɔɔ te yaayewa wɔɔ ka wɔɔ, kpa i man tɔɔ bakaru diiya. Beɛn bibun bweseru ba ko n da maa tu yaayewa sere ka baadommaɔ.

Pɛɛ ye ba n seeyatia doken tɔɔ bakaru

¹⁵ Yinni Gusunɔ u maa neɛ, i ko kowa sɔɔ nɔɔba yiru i ku pɛɛ di ye ba seeya. Tɔɔ gbiikiru i ko pɛɛ seeyatia yara beɛn yenusun di. Domi beɛn goo ù n gāanu di ni nu seeyatia mɔ sɔɔ nɔɔba yiru ye, yu sere yibu, ba koo yẽro gowa.

16 Tõo gbiikiru ka tõru nãba yiruse, i ko mennawa i man sã. I ku ra samburu garu ko tõnu yiru ye sã, ma n kun mã been dĩa ni i ko din kobu.

17 I ko n da pẽe ye ba ñ seeyatia doken tõo bakaru di, domi tõo te sãra na been bweseru kpuro yara Egibitin tem di. Yen sã, been bibun bweseru ba ko n da tõo bakaru diwa tõo te sã, sere ka baadommao.

18 Suru gbiikoon são wãkura nnesen yokan di, pẽe ye ba ñ seeyatia dokewa i ko i n dimã sere ka win são yenda tiasen yokaã.

19 São nãba yiru yen baa sã, bu ku raa pẽe seeyatia wa been yenusã. Domi wi u gãanu di ni ba seeyatia doke, ba koo yẽro gowa, baa ù n sãon na.

20 N n men na, been yenusu kpuro sã, i ku ra gãanu di ni ba seeyatia doke.

Gão sararibun torubu

21 Yen biru Mõwisi u Isireliban guro gurobu sokusia u nee, i yãa kinẽ kpennu gãsiã nge me been yenusu ne, kpa i nu go gão u ka bee sarari.

22 Kpa been baawure u dãa kiku ge ba m̀ isõpu sua u wasi yãa yem sã me mu ko n wãa gbẽerã, kpa u tẽeni win dii kãnnãn beri berikaã ka gen wõllã. Been goo u ku raa yari dirun di ma n kun mã yam sãra mam mam.

23 Sanam me Yinni Gusunã u koo tem me bukiana u ka Egibitigibu go, u koo yem me wa been dii kãnnãsun beri berikaã ka sin wõllã, kpa u been dia sarari. U ñ wuramã gãon gãrado u du u bee go.

24 Bee ka been bibun bweseru, meya i ko i n da tõo baka te di sere ka baadommao.

25 Sanam me i tem me dua, me Yinni Gusuno u koo beε we nge me u naō mweeru kua, i de tōo baka te, tu ko beεn wororu.

26 Beεn bibu ba n beε woro ten tubusianu bikia,

27 i ko bu wisi i neε, Goo sararibun yākura te sa ka Yinni Gusuno sāamō, domi u beε Isireliban dia sarari, u n sun go sanam me u Egibitigibu goomō.

Yen biru Isireliba ba yiira ba Gusuno sāwa.

28 Ma ba da ba kua dee dee ye Yinni Gusuno u Mōwisi ka Aroni sōwa.

Bii gbiikobun gōo

29 Ye n kua wōkurun bonu, Yinni Gusuno u bii gbiikobu kpuro go Egibitin temō, saa Egibiti sunon tiin bii gbiikoon di wi u koo win sina gōna tubi di, sere ka be ba wāa pirisam sōon bii gbiikobu, n ka da yaa sabenun bii gbiikinō.

30 Egibiti sunō ka win bwāabu ka tōn be ba tie Egibiti ye sōo kpuro, ba seewa wōkuru ba wuri beke kua domi yenu gagu sari gēn mi tōn tia tia kun gu.

31 Wōku tee te sōo, Egibiti sunō u Mōwisi ka Aroni soka, u neε, i seewo i doona nen tōmbun min di, beε ka beεn tōmbu Isireliba. I doo i Yinni Gusuno sā nge me i gerua.

32 I ka beεn yāanu ka beεn keteba doo nge me i gerua, kpa i maa man domaru kana beεn Yinnin mi.

33 Ma Egibitigiba Isireliba baasi bu ka yari ben tem di fuuku, ba neε, domi sa ko gbi su kpe.

34 Ma Isireli be, ba ben pēε kpīi te ta n seeyatia mō sua gbēa sōo ba tu beka wukiri ba sōwa.

35 N deema Isireliba ba raa kua nge me Mōwisi u gerua, ba Egibitigibu bura yāa ni ba kua ka wura ka sii geesu kana, ka maa beka.

³⁶ Yinni Gusunə u maa dera tən be, ba kī geeru wa Egibitigii ben mi. Ma ba bu wē ye ba bikia kpuro. Nge meya ba ka Egibitigibun yānu wa ba gura.

Isireliba ba yara Egibitin di

³⁷ Isireliba ba swaa wəri ka naasu saa Ramusesin di ba də Sukətuə. Ben geera sāa nərəbun suba natan saka (600.000), tən kurəbu ka bibu ka durə təkənu baasi.

³⁸ Ma ba ka ben yaa sabenu da dabi dabinu, keteba ka yāanu ka bonu. Tən tuko dabira maa bu swīi.

³⁹ Ba pēε kua ka pēε kpīi te ba n seeyatia doke, domi ba bu girawa Egibitin di ba yara ka sendaru. Ba n maa fεε wa bu dīa kusenu sua.

⁴⁰⁻⁴¹ Gusunən tambu Isireliba ba kuawa Egibitio wəo neeru ka tena (430). Dəma te wəo neeru ka tena ye, ya yiba, yera be kpuro ba yara Egibitin di.

⁴² Wəku te səo, Yinni Gusunə u Isireliba kəsū ba ka yara Egibitin di. Yen sōna wəo ka wəo Isireliba ba ko n da dom se wəku te. Kpa bu Yinni Gusunə təo bakaru diiya, be ka ben bibun bweseru sere ka baadommaə.

Gəo sararibun təo bakarun yaa dibun wooda

⁴³ Yinni Gusunə u Məwisi ka Aroni səowa u neε, wooda ye na beε wεεmə Gəo sararibun təo bakarun sō wee.

Səo goo u ku raa ten yaa dibu di.

⁴⁴ Adama yoo tən tuko be i dwa ka gobi, ma i bu bango kua, ba koo kpīi bu di.

⁴⁵ Səo wi u sarə, n kun mε tən tuko goo wi u səmburu mə been mi, u ka gobi wa, be yiru yen goo kun yaa dii bi dimə.

⁴⁶ Dirɔwa i ko tɔɔ baka ten yaa dibu di. I ku ra ka yen yaa yari tɔɔwɔ.

Baa yen yaa kuku teeru i ku ra kɔra.

⁴⁷ Isireliba kpurowa ba koo tɔɔ baka te di.

⁴⁸ Sɔɔ goo ù n tem yarima u wãa bɛɛn mi, ù n kɪ u tɔɔ baka ten yaa dibu di, i nùn bango koowo ka win yɛnun tɔn durɔbu kpuro i sere yaa dii bi di ka wi sannu. Domi u ñ ko n maa sãa nge sɔɔ.

Adama bango sarirugii goo kun bu dimɔ.

⁴⁹ Wooda tia ye, ya ka bɛɛ kpuro yã, bɛɛ Isireliba ka sere sɔɔ be ba wãa bɛɛn mi.

⁵⁰ Ma Isireliba ba kua nge mɛ Yinni Gusunɔ u Mɔwisi ka Aroni sɔɔwa.

⁵¹ Yen tɔɔ tera u maa Isireliba yara Egibitin di bwese kɛra ka bwese kɛra.

Gɔɔ sararibun tɔɔ bakarun woodaba

13

¹ Yinni Gusunɔ u Mɔwisi sɔɔwa u nɛɛ,

² a de Isireliba bu ben bii tɔn durɔ gbiikobu ka ben yaa sabenun bii gbiikii dwanu wuna nenɛm kpa ye kpuro ya n sãa nɛgia.

³ Mɔwisi u Isireliba sɔɔwa u nɛɛ, i n da tɔɔ te yaaye tɛ sɔɔ Gusunɔ u bɛɛ yarama ka win dam bakam saa Egibitin di, mi i yoru di. Yen sã, ì n tɔɔ ten yaa dibu dimɔ, i ku ra pɛɛ ye ba seeyatia doke di.

⁴ Suru wì sɔɔ ba ra gɛɛbu tore, wi ba mɔ Abibu, win tɔɔ gbiikiru sɔɔra i yara.

⁵ Yinni Gusunɔ u bɛɛn baababa nɔɔ mwɛɛru kua ka bɔri sannu u nɛɛ, u koo bu tem gem wɛ mi tim ka bom yiba. Tem miya Kananiba ka Hetiba ka Amɔreba ka Hefiba ka Yebusiba ba wãa. U n ka bɛɛ

tura tem mi, i n da tɔɔ baka teni di i ka nùn sã suru win tɔɔ gbiikuru sɔɔ.

⁶ Sɔɔ nɔɔba yirun baa sɔɔra i ko pɛɛ di ye ba ñ seeyatia doke. Yen nɔɔba yirusen tii sɔɔra i ko Yinni Gusunɔ tɔɔ bakaru diiya.

⁷ Sɔɔ nɔɔba yiru ye sɔɔ, i ku maa de pɛɛ ye ya seeyatia mɔ ñ kun mɛ seeyatia gaa ya n wãa bɛɛn suunu sɔɔ tem mɛ kpuro sɔɔ.

⁸ Dɔma te i tɔɔ baka te mɔ, i bɛɛn bibu sɔɔwɔ i nɛɛ, sa yeni mɔwa su ka yaaya ye Yinni Gusunɔ u sun kua sanam mɛ sa yara Egibitin di.

⁹ Yeni ya ko n sãawa nge yĩre te ba yorua nɔmaɔ, ñ kun mɛ sirikanaɔ, kpa i n Yinni Gusunɔn woodaba yaayamɔ bɛɛn faagi sɔɔ. Domi wiya u bɛɛ yarama ka win dam bakam Egibitin di.

¹⁰ Yen sɔna n weene i tɔɔ baka ten wooda yibia wɔɔ baagere, ten saa yà n tura.

¹¹ Saa ye Yinni Gusunɔ u dera bɛɛ Isireliba i dua Kananin temɔ, mɛ u bɛɛ ka bɛɛn baababa nɔ mwɛɛru kua ka bɔri ma u bɛɛ mu wɛ,

¹² i ko nùn bɛɛn bii tɔn durɔ gbiikobu ka bɛɛn yaa sabenun bii gbiikii dwanu yiyawa nenem n sãa wigia.

¹³ Adama bɛɛn goo ù n kĩ u win keteku buu gbiikuu nenɛ, u koo gu yakiawa ka yãa buu. U kun maa kue mɛ, u koo gen wĩi suma buawa u go. I ko maa bɛɛn bii tɔn durɔ gbiikoo baawure yakiawa ka gobi.

¹⁴ Baa sia bɛɛn bibu bà n da bɛɛ bikia ba nɛɛ, mba yenin tubusianu, kpa i bu wisi i nɛɛ, tɔɔ te Yinni Gusunɔ u sun yarama ka win dam bakam Egibitin di, mi sa raa yoru di, tera sa yaayamɔ mi.

¹⁵ Domi saa ye Egibiti sunɔ u yina mam mam su

yari tem min di, yera Yinni Gusunɔ u dera tem min bii tɔn durɔ gbiikoba gu gu ka maa yaa sabenun bii gbiikii dwanu. Yen sɔna sa ra ka bɛsɛn yaa sabenun bii gbiikii dwanu Yinni Gusunɔ yākuru kue, kpa su bɛsɛn bii tɔn durɔ gbiikobu yakia.

¹⁶ Yeni ya ko n sãawa nge yĩre te ba yorua nɔmɔɔ ka sirikanɔɔ kpa ta n sun yaayasie ma dam bakama Yinni Gusunɔ u ka sun yara saa Egibitin di.

Yinni Gusunɔ u dera guru wii wurora Isireliba kpare

¹⁷ Sanam mɛ Egibiti sunɔ u dera Isireliba ba doona, Yinni Gusunɔ u n wure bu kpe ka swaa ye ya dɔɔ Filisitiban temɔ, baa mɛ ya turuku bo. Domi u nɛɛ, u n kĩ bu gɔru gɔsia bu wura Egibitiɔ sanam mɛ ba bu tabu wɔri.

¹⁸ Yen sɔna u ka bu gbaburun swaa bɛeri nim wɔkun bera gia, ge ba mɔ Naa yari. Tɔn be, ba yarawa Egibitin di ka tabun sɔru.

¹⁹ Ma Mɔwisi u Yosefun goru sua ba ka da, nge mɛ Yosefu u raa Isireliba bɔrusia bu ko. U nɛɛ, bu de bu ka win goru yari sanam mɛ Yinni Gusunɔ u koo bu yakia.

²⁰ Isireliba ba doona Sukɔtun di ba da ba ben sansani kua Etamuɔ gbabu dirirun nɔɔwɔ.

²¹ Yinni Gusunɔ u bu swaa gbiie guru wii wuroru sɔ sɔ sɔ ka wɔkuru. Wɔkuru kpa ta n sãa nge dɔɔ yari bakaru ta n ka bu yam bururasie.

²² Sɔ sɔ ka wɔkuru guru wii wuro te, ta ku ra biare tɔn ben wuswaaɔ.

Ba nim wɔku ge ba mɔ Naa yari tɔbura

14

¹ Yen biru Yinni Gusunɔ u Mɔwisi sɔɔwa u nɛɛ,

² a Isireliba sɔɔwɔ bu wuro Pihɔ Hiroton bera gia bu ben sansani gira Migidoli ka nim wɔkun baa sɔɔ, Baali Sefonin deedeeru. Miya i ko gina yɔra nim wɔkun bɔkuɔ,

³ kpa Egibiti sunɔ u n tamaa bɛɛ Isireliba i kɔɔrawa tem mɛ sɔɔ, mi gbaburu ta bɛɛ sikerene,

⁴ kpa n win gɔru bɔbiasia u bɛɛ naa swi. Adama kon wi ka win tabu kowobu dendi n ka nen yi-iko sɔɔsi kpa Egibitigibu bu ka gia ma nena Yinni Gusunɔ.

Ma Isireliba ba kua mɛ.

⁵ Sanam mɛ ba Egibiti sunɔ sɔɔwa ma tɔn be, ba yakurawa, yera wi ka win bwɔabu ba ben himba gɔsia. Ba nɛɛ, mban bwesera sa kua mini. Dami sa dera Isireliba ba besen yoru yara ba doona.

⁶ Ma Egibiti sunɔ u win tabu keke sɔɔru kua ka win tabu kowobu sannu.

⁷ U tabu keke nata (600) sua yi yi gia sɔa ka sere Egibitin tabu kekeba kpuro, yen baayere ka yen tabu kowo damgii.

⁸ Saa yera Yinni Gusunɔ u sunɔ win gɔru bɔbiasia, ma u Isireliba naa gira baa mɛ u yɛ ma Yinni Gusunɔwa u bu yara.

⁹ Egibitigibun tabu kowobu ka ben maasɔbu ka dumi, ka tabu kekeba ba bu naa gira ma ba bu naamwe mi ba yɔra nim wɔkun bɔkuɔ ba ben sansani gira Pihɔ Hiroton bera gia Baali Sefonin deedeeru.

¹⁰ Sanam mɛ Egibiti sunɔ u turuku kua, Isireliba ba nɔni seeya ba wa wee, Egibitigiba kekua ba wee.

Ma berum bu mwa gem gem, ma ba Yinni Gusunɔ nɔɔguru sue.

¹¹ Ba Mɔwisi sɔɔwa ba nɛɛ, siku yeru sariwa Egibitiɔ? Yen sɔna a ka sun na su gbi gbaburu mini? A wa ye a ka sun deema ye a sun yarama Egibitin di?

¹² Sa n̄ daa nun sɔɔwa mɛ Egibitiɔ sa nɛɛ, a sun derio su Egibitigibu yoru diiya? Domi sa k̄iru bo su bu yoru diiya ka sere ye sa ko gbi gbaburu mini.

¹³ Yera Mɔwisi u tɔn be wisa u nɛɛ, i ku berum ko, i yɔro sɛɛ, kpa i wa nge mɛ Yinni Gusunɔ u koo bɛɛ faaba ko gisɔ. Domi Egibitigii be i waamɔ mini, i n̄ maa bu wasi sere ka baadommaɔ.

¹⁴ I yɔro sɛɛ, Yinni Gusunɔwa u koo bɛɛ sanna.

Yinni Gusunɔ u nim wɔku burana

¹⁵ Ma Yinni Gusunɔ u Mɔwisi bikia u nɛɛ, mban sɔna i man nɔɔguru m̄. A Isireliba sɔɔwɔ bu seewo bu da wuswaaɔ.

¹⁶ Wunɛ maa, a wunɛn dɛka suo a t̄i nim wɔku wɔllɔ kpa gu bɔnu ko yiru Isireliba bu ka du bu tɔbura ge sɔɔ, ga n tem gbere.

¹⁷ Nɛna kon Egibitigibun gɔrusu bɔbiasia bu ka bu sw̄i mi. Kpa n ben sunɔ kamia ka win tabu kowobu ka win tabu kekɛba ka win maasɔbu, kpa bu nɛn yiiko wa.

¹⁸ Saa ye sɔra ba koo gia ma nɛna na Yinni Gusunɔ.

¹⁹ Sanam mɛ sɔɔ, Gusunɔn gɔrado wi u Isireliba gbiiye u gɔsira ben biru gia ma guru wii wuro te, te ta raa bu gbiiye, ta maa wurama biruɔ.

²⁰ Ma ta da Egibitigibu ka Isireliban sansani yiru yen baa sɔɔ. Ta yam t̄iri Egibitigibun bera gia ma

ta yam buriri Isireliban mi gia. Ma Isireliba ka Egibitigibu ba ñ susine wōku te kpuro.

21 Ye ba tura nim wōku gen mi, yera Mōwisi u win dēka tīi gen wōllō ma Yinni Gusunō u woo damguu seeya sōō yari yerun di wōku giriru sōō, ga dera nim wōku gen nim mu bōnu kua yīru, ma gen suunu sōō mi, n gbera.

22 Nim mu kpaasine bera ka bera ben nōm geuō ka nōm dwarō. Ma Isireliba ba sīa tem gbebum sōō, ba tōbura.

23 Egibitigibu ba bu naa swīi ba dua nim wōku gen suunu sōō, ka ben sunōn dumi ka win tabu kekēba ka win maasōbu.

24 Ye n kua buru buru yellu, ma Yinni Gusunō u bu mērima saa guru wii wuro ten min di, ma u bu nandasia. Be kpuro ba yōsuna.

25 U dera ben kekēban naasu wōoramō, ba kpana bu sī fuuku. Ma ba nēē, su duki gōsira Isireliban min di, domi Yinni Gusunō u ka sun sannamōwa ben sō.

26 Ma Yinni Gusunō u kram Mōwisi sōōwa u nēē, a wunen dēka tīiyō nim wōku mi, kpa nim mē, mu wurama mu Egibitigibu ka ben tabu kekēba ka maasōbu wukiri.

27 Mōwisi u win dēka ye tīi nim wōku gen mi. Ye n kua yam sāreru, ma nim mē, mu wurama nge mē mu raa sāa. Egibitigibu ba kī bu nim mē suuri, adama Yinni Gusunō u bu sure mēn suunu sōō.

28 Nim mē, mu wurama mu Egibiti sunōn tabu kekēba ka win maasōbu ka tabu kowobu kpuro wukiri be ba Isireliba naamwem da nim wōku gen suunu sōō. Baa ben turo, u ñ yara.

29 Adama Isireliba ba sĩa tem gbebum sɔɔ nim wɔ̄ku gen suunuɔ. Domi nim mu kpaasinεwa bera ka bera ben nɔm geuɔ ka nɔn dwareɔ.

30-31 Ye Isireliba ba sɔm damgiru wa te Yinni Gusunɔ u Egibitigibu koosi ma ba ben gonu wa nim wɔ̄kun goorɔ, yera ba gia ma Yinni Gusunɔwa u bu faaba kua dɔma te, saa Egibitigibun nɔman di. Ma ba nùn nasia ba sosi, ba nùn naanε kua ka maa win goro Mɔwisi.

Mɔwisi ka Isireliban womu

15

1 Saa yera Mɔwisi ka Isireliba ba Yinni Gusunɔ siarabun womu kua. Ba nεε, kon Yinni Gusunɔ tɔma ka womu domi u win wεrɔbu tabu di. U dumi ka yin maasɔbu sure nim wɔ̄ku sɔɔ.

2 Yinni Gusunɔwa nɛn dam, wiya na siaramɔ ka nɛn womu.

Wiya u man faaba kua.

Wiya nɛn Yinni, kon nùn bεεε wě.

Wiya nɛn baaban Yinni, kon nùn wɔlle sua.

3 U sɔawa tabu kowo ka gem.

Win yĩsira Yinni Gusunɔ.

4 U Egibiti sunɔn tabu kekeba ka win tabu kowo damgibu sure

nim wɔ̄ku sɔɔ ge ba mɔ Naa yari.

Win tabu kowo gisonkoba ba nim diira.

5 Nim mε, mu bu wukiri, ma ba numa temɔ nge kperu.

6 Yinni Gusunɔ, wunɛn nɔm geu ga dam yiikogim mɔ.

Geya ga wunɛn wεrɔbu munku muku muku.

7 Wunen sinandun kp̄aru ta ra wunen wer̄obu taare.

Wunen m̄aru yà n seewa,
a ra de bu d̄ɔ mwaarewa nge w̄i.

8 A w̄eru wura ma nim mu kpaasina
mu sinum kua bera ka bera nge gb̄araru.

9 Wer̄ɔ u neɛ, u koo bu naa sw̄i kpa u bu naamwe.
U koo m̄aru k̄asia be s̄ɔ nge m̄e u k̄i,
kpa u takobi woma u bu go ka win n̄oma,
kpa u ben dukia b̄onu ko.

10 Adama a wunen wom w̄esia,
ma nim mu bu wukiri.
Ba numa ba kpuna nge d̄ɔ kpenu mi nim mu duku.

11 Yinni Gusun̄ɔ, mba n ka nun weene
ye t̄amba s̄am̄ɔ kpuro s̄ɔ.
Mba n ka nun d̄eraru ne, wun̄e wi a nanum m̄ɔ.
Mba n ka nun weene, wun̄e wi ba koo siara.
Mba n ka nun weene, wun̄e wi a ra s̄am
maamaakiginu ko.

12 Domi a wunen dam s̄ɔsi, ma tem bu mwe.

13 Wunen w̄onw̄ondu s̄ɔra
a wunen t̄ambu sw̄aa s̄ɔsi be a yakia.
A maa bu kparama ka wunen dam
a ka d̄ɔ sere w̄aa yee te a bu n̄ɔ mw̄eru kua s̄ɔ.

14 T̄ɔn tukobu ba ye nua, ma ba diirum̄ɔ.
Filisitiba ba berum soora.

15 Ed̄mun sinambun toronu kara.
Ma M̄abun tabu dur̄obu ba diirum̄ɔ.
Kananiba kpuro, ben wasi dwiia.

16 Berum ka nandabu koo bu deema subaru s̄ɔ.
Wunen dam saabu ba koo mari s̄ɔ s̄ɔ nge kperu.
Sere wunen t̄ɔn be a yakia yorun di
bu ka nim w̄ku t̄abura, Yinni Gusun̄ɔ.

17 Kaa ka bu da kpa a bu t̄asisia

wunen tiin guuru wälla,
 mi a wunen wãa yeru sɔɔru kua.
 Tera ta sãa wunen sãa yeru te a tii kua.

18 Wunε Yinni Gusunɔ, kaa n bandu diiwa ka
 baadommaɔ.

19 Sanam mε Egibiti sunɔn dumi ka win tabu
 kekεba ka maasɔbu ba dua nim wɔku sɔɔ, Yinni
 Gusunɔ u dera nim mu wurama mu bu wukiri.
 Adama u dera tem mu gbera nim wɔku gen suunu
 sɔɔ, ma Isireliba ba tɔbura.

20 Yen biruwa Aronin sesu Mariamu wi u sãa
 Gusunɔn sɔmɔ, u bara kpãru sua ma tɔn kurɔbu
 kpuro ba nùn swĩi ba bara kpãnu soomɔ ba yaamɔ.

21 Mariamu u bu womu geni kua u nεε,
 i Yinni Gusunɔ tɔmɔ ka womu,
 domi u nasara wa ka win yiiko.

Dumi ka yin maasɔbu u sure nim wɔku sɔɔ.

ISIRELIBAN SANUM GBABURɔ

Nim sosuram

22 Yen biru Mɔwisi u Isireliba kpara saa nim
 wɔku ge ba mɔ Naa yarin di ba da gbaburɔ te ba mɔ
 Suri. Sɔɔ itawa ba sãa gbabu te sɔɔ ba n̄ nim wa.

23 Ma ba tura Maraɔ adama nim mε ba wa mi, mu
 sosu, ba n̄ kpãa bu nɔ. Yen sɔna ba yam mi soka
 Mara. Yen tubusiana sosura.

24 Ma tɔn be, ba Mɔwisi wɔkisi ba nεε, mba sa ko
 nɔ.

25 Mɔwisi u Yinni Gusunɔ nɔɔgiru sue. Ma Yinni
 Gusunɔ u nùn dεka gaa sɔɔsi. Ye u dεka ye sua u kare
 nim mε sɔɔ, ma mu dɔra.

Miya Yinni Gusunɔ u win tɔmbu woodaba wε ka
 woronu. Miya u maa ben laakari mεεra.

26 U nεε, ì n nε Gusunɔ bεen Yinnin gere nua sãa
 sãa, ma i mɔ ye n man wεre ma i nεn woodaba

mɛm nɔ̀wɔ, na ñ ka bɛɛ bara ni sɛɛyasiamɔ ni na Egibitigibu kpɛɛ. Nɛna Yinni Gusunɔ nɛ wi na ra n bɛɛ bɛkiamɔ.

²⁷ Yen biru ba tura Elimuɔ mi nim bwii wɔkura yiru ya wɔa ka kpakpa bɛɛ wata ka wɔkuru. Ma ba ben sansani gira bwii yin bɔkuɔ.

Manna ka kusunu

16

¹ Ma Isireliban wuu te kpuro ta seewa Elimun di ta da gɓaburuɔ te ba mɔ̀ Sini te ta wɔa Elimu ka Sinain baa sɔɔ. Saa dɔma tɛn di ba doona Egibitin di, ba kuawa suru tia ka sɔɔ wɔkura nɔɔbu ba sere tura mi.

² Ma be kpuro ba Mɔwisi ka Aroni wɔkisiru wɔri gɓaburu mi.

³ Ba nɛɛ, n daa sanɔ bo Yinni Gusunɔ u sun go Egibitiɔ mi sa ra raa sinɛ su dɛanu di ni sa kɛ ka yaa. Adama wee, i ka sun na gɓabu teni sɔɔ gɔɔru tu ka sun go bɛsɛ kpuro.

⁴ Yen biru Yinni Gusunɔ u Mɔwisi sɔɔwa u nɛɛ, tɛ kon de dɛanu nu nɛɛra wɔllun di nge gura bɛɛ kpuron sɔ, kpa tɔmbu ba n da yari bu gure baadomma mɛn bukata ba mɔ tɔɔ te. Nge mɛya kon ka ben laakari mɛɛri n wa bɔ n koo nɛn woodaba mɛm nɔ̀wɔ.

⁵ Sɔɔ nɔɔba tiase, mɛ ba ra guren nɔn yiruwa ba koo gura kpa bu yen sɔmburu ko.

⁶ Ma Mɔwisi ka Aroni ba Isireliba kpuro sɔɔwa ba nɛɛ, yoka ye, i ko gia ma Yinni Gusunɔwa u bɛɛ yarama Egibitin di.

⁷⁻⁸ Domi u koo bɛɛ yaa wɛ i tem yɛn sɔ u nua i nɔn wɔkisiru. I n yɛ ma wiya i wɔkisiru, n ñ mɔ bɛsɛ.

Sia bururu u koo maa bεε dīanu wē i di i debu, kpa i win yiiko wa.

⁹ Ma Mōwisi u Aroni sōwa u nεε, a Isireliban wuuru kpuro sōwa a nεε, bu susima Yinni Gusunō mi, yèn sō u ben wōkinu nua.

¹⁰ Saa ye Aroni u ka Isireliban wuu te gari m̀, ba sīra gbaburu gia ba wa wee, Yinni Gusunōn yiikon girima sōsira guru wii wuro te sō.

¹¹ Ma Yinni Gusunō u Mōwisi sōwa u nεε,

¹² na Isireliban weeweenu nua. A bu sōwa ma yoki yam bere berebu ba koo yaa tem kpa sia bururu bu dīanu di bu debu kpa bu gia ma nena na Gusunō ben Yinni.

¹³ Ye n kua yoka yera kusu wuu bakara na ta tēria sansani ye kpuro sō. Sisuru bururu ma tem kpuro mu kakoru s̄a.

¹⁴ Saa ye kako te, ta gbera ḡa piiminu tērie temō nge dīa bimi. N s̄a nge guru kpenu nu tem wukiri.

¹⁵ Ye Isireliba ba ye wa, ba sōna ba nεε, mba yeni. Domi ba ñ ye yē.

Mōwisi u bu sōwa u nεε, yeniwa dīa ni Yinni Gusunō u bεε wēema i di.

¹⁶ U nεε, yenu yēro baawure u koo gurawa m̀n nō win yenugibu ba koo di sō teeru nge mε ben geera nε.

¹⁷ Ma Isireliba ba kua mε. Gaba gura n kp̄a n kere gabu.

¹⁸ Yen biru ba ye yīra. Ma ba deema wi u gura n kp̄a u ñ saka sare. Wi u maa gura fiiko u ñ saka kōmiε. Baawure u wa dee dee nge m̀n nō u koo di.

Mannan wooda

19 Məwisi u bu sōwa u nεε, bεen goo u ku de yu tiara sere sisiru bururu.

20 Adama ba n̄ Məwisigia nua. Ben gaba dera ya tiara sere sisiru bururu ma ya kōsa ya kəkənu kua. Yera Məwisi u ka bu m̄aru bara.

21 Bururu baatere ba ra gurewa m̄en n̄o ba koo di, adama sōo ù n ye, ya ra yandewa.

22 Alusuman sōo n̄oɓa tiase, ben sōo yirun dim sakawa ba gura. Ben guro gurobu kpuro ba na ba Məwisi sōwa ba nεε, ba kua mε.

23 Ma u bu sōwa u nεε, Yinni Gusun̄o u gerua u nεε, sia t̄o w̄erarugira te sa ra n̄un derie, i s̄onw̄o ye i k̄i i s̄omε, kpa i yike ye i k̄i i yike. Kpa i sukum yi sere sia bururu.

24 Ba ye yi sere sisiru bururu nge mε Məwisi u gerua. Ya n̄ maa kōsa, yu sere kəkənu ko.

25 Məwisi u nεε, i ye dio domi t̄o w̄erarugira te i ko Yinni Gusun̄o deria. Gis̄o i n̄ ye wasi tem̄o.

26 Sōo n̄oɓa tia i ko n da ye gure. Adama sōo n̄oɓa yiruse, t̄o w̄erarugira. Te s̄ora i n̄ ko ye wa i gura.

27 Ka mε, sōo n̄oɓa yiruse te, t̄on ben gaba yara bu wa bu ka gura adama ba n̄ ḡānu wa.

28 Yera Yinni Gusun̄o u Məwisi sōwa u nεε, sere domma i ko i n n̄en gere ka n̄en woodaba yinam̄o.

29 I yaayo ma nε, Yinni Gusun̄o na bεε t̄o w̄erarugiru w̄ē. Yen s̄ōna na ra bεε sōo yirun d̄ianu w̄ē sōo n̄oɓa tiase. I de bεen baawure u sina u ku yari win w̄ā yerun di u s̄omburu ko sōo n̄oɓa yiruse te s̄o.

30 Ma t̄on be, ba w̄era t̄o te s̄o.

31 Isireliba ba d̄ia ni soka ka ben barum manna. Yen tubusiana, mba yeni. Ya s̄āwa nge d̄ia bima

kpika piiibu. À n denda, ya dowa nge kira te ba kua ka tim.

³² Sɔɔ teeru Mɔwisi u nɛɛ, wooda wee ye Yinni Gusunɔ u bɛɛ wɛɛmɔ. I manna beruo, sɔɔ teerun dim saka bɛɛn bibun bweserun sɔ bu ka wa dĩa ni u bɛɛ wɛ i di gbaburɔ sanam mɛ u bɛɛ yarama Egibitin di.

³³ Mɔwisi u maɔ Aroni sɔɔwa u nɛɛ, a wekeru garu tama a manna doke sɔɔ teerun dim saka, kpa a tu yi Yinni Gusunɔn sãa yerɔ, kpa ya n berua bɛɛn bibun bweserun sɔ.

³⁴ Ma Aroni u ye sua u yi woodan kpakororun wuswaaɔ kpa ya n berua nge mɛ Yinni Gusunɔ u Mɔwisi wooda wɛ u ko.

³⁵ Isireliba ba manna ye diwa wɔɔ weeru, sere ba ka tura Kananin tem nɔɔ bura yerɔ, tem mɛ sɔɔ ba koo du ba n wãa.

³⁶ Mannan sɔɔ teerun dim sakawa ba ra soku omeri. Omeri ye, ya sãawa ditiri nnɛn saka. Omeri wɔkurun sakawa ba ra soku efa.

Nim mu yara kperun di

17

¹ Isireliban wuu te kpuro ta sãima saa gbaburun di te ba mɔ Sini, ta ka ten sanum dɔɔ nge mɛ Yinni Gusunɔ u bu sɔɔwa. Ye ba tura Refidimuɔ ma ba ben sansani gira, adama ba ñ nim wa mi, bu nɔ.

² Miya ba Mɔwisi nɔɔ kuurim wɔri ba nɛɛ, a sun nim wɛɛyɔ su nɔ.

Mɔwisi u bu sɔɔwa u nɛɛ, mban sɔna i ka man nɔɔ kuurimɔ. Nge mba n kua i ka Yinni Gusunɔn laakari mɛɛrimɔ.

³ Adama nim nɔru ga tɔn be baasi gia ma ba Mɔwisi wɔkisimɔ ba mɔ, mban sɔna a sun yarama

Egibitin di. Kaa ka de nim naru gu sun go, beɛ ka beɛn bibu ka beɛn yaa sabenu.

⁴ Ma Mawisi u Yinni Gusunɔ nɔɔgiru sue u nɛɛ, mba kon tɔn beni kua. Wee, ba kɔ bu man kpenu kasuku.

⁵ Yinni Gusunɔ u nɔn sɔɔwa u nɛɛ, i saro i da i n tɔn be gbiiye wunɛ ka ben guro gurobu sannu, kpa a n wunen deka ye neni ye a ka daa ten nim so.

⁶ Wee, kon yɔra wunen wuswaaɔ kperu garun wɔllɔ Horebun guurɔ, te ba maa sokumɔ Sinai, kpa a kpee te so. Nim mu koo yari min di tɔn be, bu ka nɔ.

Ma Mawisi u kua mɛ, Isireliban guro gurobun wuswaaɔ.

⁷ Yera u yam mi yɔsinu yiru kɔ Teera Masa domi miya Isireliba ba nɔn nɔɔ kuura. Yiruse maa Meriba domi miya ba Yinni Gusunɔn laakari mɛɛra ba nɛɛ, Yinni Gusunɔ u wɔa beɛn suunu sɔɔ? Nge u sari.

Isireliba ba ka Amalekiba tabu kua

⁸ Sanam mɛ sɔara Amalekiba ba na ba Isireliba tabu wari Refidimuɔ.

⁹ Yera Mawisi u Yosue sɔɔwa u nɛɛ, a durɔbu gabu gɔsio kpa i yari i da i ka Amalekiba tabu ko sia. Nen tii kon da n yɔ guuru wɔllɔ na n deka ye sue wɔllɔ ye Gusunɔ u nɛɛ, na n neni.

¹⁰ Yosue u Amalekiba tabu wari nge mɛ Mawisi u nɔn sɔɔwa. Ma Mawisi ka Aroni ka Huri ba da guu ten wɔllɔ.

¹¹ Mawisi u n win noma sue wɔllɔ, Isireliba ba ra n kamiamɔwa, adama u n ye sura temɔ, Amalekibara ba ra n bu kamiamɔ.

¹² Mawisin noma ya mɔnya ma ba kperu garu sua ba yi win kɔkɔrɔ ma u tu sinari. Ma Aroni ka Huri

ba win nɔma sue wɔllɔ, turo nɔm geuɔ, turo ma nɔm dwarɔ. Ma win nɔma suare wɔllɔ dim dim sere sɔɔ ka dua.

¹³ Ma Yosue u Amaleki ka win tɔmbu kamia mam mam.

¹⁴ Ma Yinni Gusunɔ u Mɔwisi sɔɔwa u nɛɛ, a yeni yoruo tireru sɔɔ i ka ye yaaya, kpa a Yosue sɔ ma kon de bu Amalekiba duari mam mam handunia sɔɔ.

¹⁵ Yen biru Mɔwisi u yɔku yeru gira ma u tu yɔsiru kɔ Yinni Gusunɔwa nɛn tuuta. Domi wiya u bu nasara wɛ.

¹⁶ U nɛɛ, yɛn sɔ Amalekiba ba Yinni Gusunɔ seesi, yen sɔna u koo ka bu tabu ko sere ka baadommaɔ.

Yetoro u Mɔwisi beram da

18

¹ Saa ye sɔɔ, Yetoro Madianiban yɔku kowo, wi u sɔa Mɔwisin dokiri, u nua kpuro ye Yinni Gusunɔ u Mɔwisi ka win tɔmbu Isireliba kua sanam mɛ u bu yarama Egibitin di.

²⁻³ Ma u seewa u da Mɔwisin mi ka Mɔwisin kurɔ Sefora ka win bibu yiru be u raa deri wi, Yetoron mi. N deema, ye Mɔwisi u bii be mara, u turo yɔsiru kɔ Gɛɛsɔmu yɛn sɔ u wɔa tem tukumɔ u ka nɔn mara.

⁴ Ma u yiruse yɔsiru kɔ Eliesɛɛ yɛn sɔ Gusunɔ win baaban Yinniwa u nɔn somi u nɔn wɔra Egibiti sunɔn nɔmun di.

⁵ Ma Yetoro ka Mɔwisin kurɔ ka win bii be, ba tura mi Isireliba ba ben sansani gire guu te ba mɔ Sinaiɔ.

⁶ Saa yera Yetoro u Mɔwisi gɔria u nɛɛ, bu nɔn sɔ wee, u ka nɔn win kurɔ naawa ka win bibu yiru ye.

⁷ Ye Mɔwisi u nua mɛ, yera u yara u win dokiri sennɔ da. Ye u tura mi, ma u yiira win wuswaaɔ.

Yen biru u seewa ba bɔkasina ba tɔbirina. Ma Mɔwisi u ka nùn da win dii bekurugirɔ.

⁸ Ma u win dokiri wi saaria kpuro ye Yinni Gusunɔ u Egibitigibu ka ben sunɔ kua be Isireliban sɔ, ka sere nɔni swāa te ba wa swaa sɔɔ, ka nge mɛ Yinni Gusunɔ u bu yara te sɔɔn di.

⁹ Durom mɛ Yinni Gusunɔ u Isireliba kua mi, sanam mɛ u bu yara Egibitigibun nɔman di, ya Yetoro dore.

¹⁰ Yera u nɛɛ, na Yinni Gusunɔ siara wi u bɛɛ wɔra saa Egibiti sunɔ ka win tɔmbun yorun di.

¹¹ Tɛ na gia ma wiya u bũnu kpuro kere. Domi u dera Egibitigibun nuku kɔsura wɔri ben tii sɔɔ.

¹² Ma u Gusunɔ yāku dɔɔ mwaararugiru kua ka yākunu ganu. Yera Aroni ka Isireliban guro gurobu ba na ba di ka Mɔwisin dokiri wi sannu ba ka Gusunɔ sāwa.

Yetoro u Mɔwisi bwisi kã

¹³ Yen sisiru bururu yera Mɔwisi u sina u ka Isireliba siria, ma tɔn be, ba yɔ win wuswaaɔ saa bururun di sere ka yokaɔ.

¹⁴ Ye Yetoro u wa mɛ, yera u Mɔwisi sɔɔwa u nɛɛ, mba a tɔn be kuammɛ mɛ. Mban sɔna a sɔ wunɛ turo a bu siriammɛ saa bururun di sere ka yokaɔ.

¹⁵ Ma Mɔwisi u nùn sɔɔwa u nɛɛ, tɔn be, ba naamɔwa nɛn mi, n ka bu Gusunɔ bikia ye u kĩ bu ko.

¹⁶ Bà n maa gari gɛɛ mɔ ben tii tiinɛ sɔɔ kpa n bu siria n bu sɔɔsi ye Yinni Gusunɔ u kĩ.

¹⁷ Yera win dokiri wi, u nɛɛ, ye a mɔ mi, ya n wã.

¹⁸ Kaa ra tii mɛɛra kowa mi, ka sere maa tɔn be ba nun sikerenɛ mini. Domi sɔmbu te, ta kpã. A n kpɛ a tu ko wunɛ turo.

19 Tē a nēn gari nōwō, kpa Gusunō u nun somi. Bwisi yi kon nun kē wee. A koowo tōn ben wirugii Gusunōn wuswaa, kpa a n da ka ben gari de win mi.

20 Kpa a bu Gusunōn woodaba tubusia ka swaa ye ba koo swīi, ka sōma ye ba koo ko.

21 Kpa a gabu gōsi be sō, be ba koo kpī bu bu kpara kpa yēroba n sāa be ba Gusunō nasie, ba gem swīi, ba ku ra nōm biran kēnu mwε. Kpa a ben gabu ko tōmbu nōrōbun (1.000) wirugibu, gabu maa wunōbun (100) wirugibu, gabu weeraakurun wirugibu, gabu maa wōkurun wirugibu.

22 Beya ba ko n da tōn be sirie baadomma kpa ba n da ka gari yi yi sē nε wunεn mi. A de bu nun wunεn sōmunu kawa, kpa bu ka nun sōbe.

23 À n kua mε, ma Gusunō u nun kpare swaa ye sō, kaa kura, kpa tōn be, bu maa turi mi ba dō ka bōri yēndu.

24 Mōwisi u win dokirin gere wura u kua kpuro nge mε u nūn sōōwa.

25 U tōn be gōsa Isireliba sō be ba koo sōmbu te kpī. Ma u ben gabu kua tōmbu nōrōbun (1.000) wirugibu, gabu maa wunōbun (100) wirugibu, gabu weeraakurun wirugibu, gabu maa wōkurun wirugibu.

26 Bera ba ra gari yi yi n sē siri. Yi yi sē kpa bu ka Mōwisi daawa.

27 Yen biru win dokiri u nūn nōō kana ma u doona u da win temō.

GUSUNO U KA ISIRELIBA ARUKAWANI BOKUA

Isireliba ba wāa Sinain guurun nuurō

19

1-2 Yen biru Isireliba ba doona Refidimun di. Ye n kua suru itasen tɔɔ gbiikuru saa mìn di ba yara Egibitin di, yera ba tura Sinain gbaburɔ. Ma ba ben sansani gira guu te ba mò Sinain nuurɔ.

3 Yera Yinni Gusunɔ u Mɔwisi soka guu ten wɔllɔ u ka nùn gari ko.

Ye u yɔɔwa mi, yera Yinni Gusunɔ u nɛɛ, amɛniwa kaa Yakɔbun bibu Isireliban bwese keri sɔ a nɛɛ,

4 i wa ye na Egibitigibu kua ka nge mɛ na bɛɛ tii gawe na sua ka nɛn nɔm damguu nge mɛ gunɔ bakeru ta ra ten binu sue.

5 Tɛ, ì n nɛn gere nua, ì kun nɛn arukawani kusie, i ko ko nɛn tiin tɔmbu n tɔmbu kpuro kere. Handunia kpuro sãawa nɛgia,

6 adama bɛɛ i ko n sãawa nɛn tɔn be na gɔsa na tii yiiye, kpa i n sãa nɛn yãku kowobu tɔn be ba tien sɔ. Gari yi kaa Isireliba sɔwa mi.

7 Yen biru Mɔwisi u sarama u tɔn ben guro gurobu sokusia u bu sɔɔwa kpuro ye Yinni Gusunɔ u nɛɛ u bu sɔ.

8 Ma tɔn be kpuro ba wura ba nɛɛ, ye Yinni Gusunɔ u gerua kpuro, yeya sa ko ko.

Ma Mɔwisi u maa ka tɔn ben gere wura Yinni Gusunɔn mi.

9 Ma Yinni Gusunɔ u Mɔwisi sɔɔwa u nɛɛ, wee, kon na wunɛn mi guru wii wuro te ta sinum mɔ sɔɔ, kpa tɔn be, bu nɔ sanam mɛ na ka nun gari mò, kpa ba n da n nun naanɛ sãa.

Saa ye sɔɔra Mɔwisi u den Yinni Gusunɔ tɔn ben gari yi tusia.

Gusunɔ u ka Mɔwisi yinna Sinain guuru wɔllɔ

10 Yera Yinni Gusunɔ u kpam nùn sɔɔwa u nɛɛ, a doo a tɔn be deema a bu sɔ bu ben beka teo bu tii dɛɛrasia gisɔ ka sia,

11 kpa ba n sɔɔru sãa ba n ka sɔɔ itase mara. Domi sɔɔ itase te sɔɔra nɛ, Yinni Gusunɔ kon sarama Sinain guurɔ be kpuro bu ka man wa.

12 Kaa tɔn be yĩreru kua mi ba koo yɔra guu ten bɔkuɔ, kpa a bu sɔ ba n tii sɛ bu ku raa guu te yɔ, bu ku mam susi ten gãarɔ bu tu bɛsu. Ben wi u tu bɛsu, yẽro koo gbiwa.

13 Ba ñ nùn sɛremɔ ka nɔma, kpena ba koo nùn kasuku, ñ kun mɛ bu nùn sɛɛnu twee bu ka go. Baa ñ n yaa saberun na, mɛya ba koo ka tu go. Kɔba yà n swĩwa ba koo susi guu ten bɔkuɔ.

14 Ma Mɔwisi u sarama guu ten min di, u tɔn be sɔɔwa u nɛɛ, bu tii dɛɛrasio bu ka Gusunɔ sã. Ma ba ben beka tea.

15 U kpam bu sɔɔwa u nɛɛ, i ku ra ka bɛɛn kurɔbu bakuna i n sɔɔru sãa i n ka sɔɔ itase te mara.

16 Sɔɔ itase ten bururu ba guru kukiribu nuɔ, ma ba guru maakinu ka guru wii wuro te ta sinum mɔ wa guu ten wɔllɔ. Ma kɔba ya sumɔ tãa tãa sere tɔn be ba wãa sansani ye sɔɔ kpuro bɛrum bu mwa ba diira.

17 Yera Mɔwisi u tɔn be yarama ben sansanin di bu da bu ka Gusunɔ yinna, ma ba yɔra guu ten nuurɔ.

18 Wiisu Sinain guu te wukiri, domi Yinni Gusunɔ u sarama ka dɔɔ u wãa ten wɔllɔ. Wii si, su yɔɔmɔ nge dɔɔ bokon wiisu. Ma guu te, ta yĩrumɔ ka dam.

19 Kɔba yen swĩi maa sosimɔ. Yera Mɔwisi u gari gerua, ma Gusunɔ u nùn wisa ka nɔɔgii te ta sãa nge guru kukiribu.

²⁰ Nge meya Yinni Gusunə u ka sarama guu ten wəllə, ma u Məwisi soka. Yera Məwisi u yəəwa u da mi.

²¹ Ma Yinni Gusunə u nùn səəwa u nεε, a saro a tən be kirə ko gem gem bu ku raa susima bu yīre te sara bu man mεeri, kpa ben dabiru tu ku raa kam ko.

²² Meya yāku kowobun tii, be ba ra man susi, bu de bu tii dεerasia kpa n ku ra ben gabu go.

²³ Ma Məwisi u Yinni Gusunə səəwa u nεε, tən be, ba n yəəmə guuru wəllu mi. Domi a sun kirə kua gem gem a nεε n bu yīreru kuo guu ten bəkuə mi ba koo yōra. Kpa su tu garisi guu te a tii yiiye.

²⁴ Yinni Gusunə u nεε, a saro a da kpa wunε ka Aroni i yəəma, adama yāku kowobu ka tən be ba tie, bu ku raa yīre te sara bu man mεeri, kpa n ku ra ben gabu go.

²⁵ Ma Məwisi u sara u da u tən be gari yi səəwa.

20

Wooda wəku te Gusunə u Isireliba wē (I maa mεerio Wooda Yiruse 5:6-21)

¹ Yen biru Gusunə u gari yini kpuro gerua u nεε.

² Nena Gusunə bεen Yinni wi u ra n wāa nε wi na bεε yarama Egibitin tem di, na bεε yakia saa yorun di.

³ Yen sō, i n ko i gāanu ganu sā nε baasi.

⁴ I ku ra tii bwāarokunu kua ni nu sāa gāanun weenasinu ni nu wāa wəllə, n kun mε temə, n kun mε nim səəwə.

⁵ I ku ra yiira i bwāaroku gagu sā, domi nena bεen Yinni wi u ra n wāa. Nε, Yinni nisinugiiwa, nε wi na ra baababan durum məoru mwe ben bibun mi be

ba man tusan suunu sɔɔ sere ka ben sikadominun bibɔ.

⁶ Adama be ba man kī, ma ba nen wooda nasie, na ra ben bibun bweseru wɔnwɔndu kue sere ka baadommaɔ.

⁷ Nɛna bɛɛn Yinni wi u ra n wāa. I ku ra nen yīsiru soku kam. Wi u tu soka kam, kon yēro sɛɛyasia.

⁸ I wēro tɔɔ wērarugiru sɔɔ, kpa i tu garisɩ te na yi nɛnɛm nɛn sɔ̄.

⁹ Sɔɔ nɔɔba tia i ko n da bɛɛn sɔma kpuro ko.

¹⁰ Adama sɔɔ nɔɔba yirusera ta sāa tɔɔ wērarugiru te i nɛ Gusunɔ bɛɛn Yinni derie. Tɔɔ te sɔɔ, i ku ra sɔmburu garu ko, bɛɛ ka bɛɛn bibu, n̄ kun mɛ bɛɛn yobu, n̄ kun mɛ bɛɛn yaa sabenu, n̄ kun mɛ sɔɔ be ba wāa bɛɛn yɛnusɔ.

¹¹ Domi sɔɔ nɔɔba tian baa sɔara na ka wɔllu ka tem ka nim wɔku kua ka baayere kpuro ye ya wāa mi sɔɔ. Ma na wēra sɔɔ nɔɔba yiruse. Yen sɔna na sɔɔ nɔɔba yiruse te domaru kua na tu yi nɛnɛm nɛn sɔ̄.

¹² I bɛɛn tundo ka mero bɛɛrɛ wɛɛyɔ kpa bɛɛn hunde yu wa yu dakaa da tem mɛ na bɛɛ wɛ sɔɔ.

¹³ I ku ra tɔnu go.

¹⁴ I ku ra sakararu ko.

¹⁵ I ku ra gbɛni.

¹⁶ I ku ra goo gari mani.

¹⁷ I ku ra bɛɛn tɔnusin diru binɛ ko, n̄ kun mɛ win kurɔ, n̄ kun mɛ win yobu, n̄ kun mɛ win yaa sabenu, ye n sāa wunen tɔnusin gāanu kpuro gesi.

¹⁸ Yen biru tɔn be kpuro ba guru kukiribu ka kɔban swī nua ma ba guru maakinu wa guu ten wɔllɔ te wiisu wukiri. Yera ba diira ba da ba yōra n dɛsire.

19 Ba Məwisi sɔɔwa ba nɛɛ, wunen tii, à n ka sun gari kua, sa ko nun swaa daki. Adama a ku de Gusunɔ u ka sun gari ko, kpa su ku ra gbi.

20 Ma Məwisi u tɔn be sɔɔwa u nɛɛ i ku bɛrum ko. Domi Yinni Gusunɔ u nawa u ka bɛɛn laakari mɛɛri kpa i n nùn nasie, i ku ra maa ka durum ko.

21 Ma tɔn be, ba yɔ n desire saa ye Məwisi u guru wii sinumgii te susi mi Gusunɔ u wãa.

Yăku yerun wooda

22 Yinni Gusunɔ u Məwisi sɔɔwa u nɛɛ, a Isireliba sɔɔwɔ a nɛɛ, bɛɛn tii i wa ma wəllun diya na ka bu gari kua.

23 Yen sɔ, i ku ra maa tii bwāaroku gagu kua ka wura, n̄ kun mɛ ka sii geesu, kpa i gu ko bɛɛn b̄u.

24 Adama i ko man yăku yeru bania ka tem. Kpa i bɛɛn yaa sabenu gɔsi i ka man yăku dɔɔ mwaararuginu ka siarabun yăkunu kua ten wəllɔ. Yam kpuro mi na gɔsa i ka man sã, ko na n wãa mi, kpa n bɛɛ domaru kua.

25 I n man yăku yeru baniammɛ ka kpenu, i ku tu bani ka kpee ni i dāka. Domi ì n kpee ni dāka, i nu disi dokewa mi.

26 I ku ra de ta n yɔɔtia mɔ, kpa bu ku raa ka bɛɛn tereru wa ì n yɔɔmɔ mi.

Wooda ye Yinni Gusunɔ u Isireliba wɛ̄yobun sɔ̄

21

1 Yinni Gusunɔ u Məwisi sɔɔwa u nɛɛ, a Isireliba wooda yeni wɛ̄ɛyɔ.

2 Ben goo ù n win Isirelisi dwa yoo, yoo wi, u koo win yinni sãwa wɔɔ nɔɔba tia, nɔɔba yiruse u koo yariwa yoo ten di u kun gāanu kəsie.

³ U kun kurɔ mə u ka dua yoo te sɔɔ, wi turowa u koo yari. U n maa kurɔ mə ba ka nùn dwa, sanna ba koo yari.

⁴ N n win yinnin na, u nùn kurɔ wɛ, ma u ka kurɔ wi bibu mara, dɔma te u yariɔ yorun di, u koo kurɔ ka win bibu win yinni deriawa kpa u yari wi turo.

⁵ Adama yoo wi, ù n gerua batuma sɔɔ u nɛɛ, u win yinni kī ka maa win kurɔ wi, ka win bibu, yen sɔ, u n̄ yariɔ,

⁶ saa yera yinni wi, u koo ka nùn da Yinni Gusunɔn sãa yerɔ. Miya u koo nùn sɛririsia sãa yee ten gamboɔ, u nùn swaa yaba ka sɔkura. Kpa n sãa yīreru ma yoo wi, u sãawa win yoo sere ka baadommaɔ.

⁷ Goo ù n maa win bii tɔn kurɔ dɔra yoo, ba n̄ nùn yakiamɔ nge mɛ ba ra yoo tɔn durɔbu yakie.

⁸ Win yinni ù n nùn sua kurɔ, ma u wa dākuru ya n̄ ka nùn naawɛ u koo kpī u nùn win tɔmbu yakie. Adama u ku raa nùn tɔn tuko yakie. Domi durɔ wi, u kua naanɛ sarirugii.

⁹ Goo ù n yoo tɔn kurɔ dwa u ka win bii tɔn durɔ wɛ, u nùn kuo nge mɛ ba ra bii wɔndia kue bà n nùn suamɔ.

¹⁰ Goo ù n yoo sua kurɔ, yen biru ù n maa kurɔ kpao sua, u ku raa yoo win dīanu ka win yã ni u ra raa nùn wɛ kawa. Mɛya maa ben wãasinaa sɔɔ, u ku raa de gãanu ganu kɔsi.

¹¹ U kun maa nùn gãanu ita yenin gaa kuammɛ, u de kurɔ wi, u yari yorun di u kun gãanu kɔsie.

Daa kɔsa ye tɔnu ù n kua ba koo nùn go

¹² Wi u tɔnu so u go, ba koo yēron tii gowa.

13 Adama wi u kun kī u ka tōnu go samba sō, nē Yinni Gusunō kon yam gam gōsi mi u koo kpikiru da u kuke.

14 Wi u win winsim mwa u go nuku kōsurun sō ka bwisi, bu yēro mō bu go, baa ù n dua nen sāa yerō u yāku yeru nenua u ka bōre.

15 Wi u win tundo so, ñ kun mē win mero, ba koo yēro mwa bu gowa.

16 Wi u tōnun tii gbena u dōra, ñ kun mē u nùn kua win yoo, ba koo yēro mwa bu gowa.

17 Wi u win mero, ñ kun mē win tundo kōsa gerusi, ba koo yēro gowa.

Wooda ye Gusunō u yi be ba tōmbu mēra kuan sō

18 Saa ye tōmbu yiru ba sannamō ma ben turo u win winsim so ka nām kuseru, ñ kun mē u nùn kara ka kperu u mēra kua, ma ya kun nùn go, ba ñ wi u nùn so mi goomō. Yà n nùn kpī,

19 ma u ra sanō kua u ka deka sīimō, wi u nùn mēra kua mi, ba ñ nùn gāanu kuamme. Adama durō win sōmbu te u koo raa ko ù n bwāa do, wi u nùn mēra kua mi, wiya u koo tu ko, kpa u maa mēra yen nōribun gobi kōsia.

20 Goo ù n win yoo so ka bokuru u go mii mii ba koo yēro gowa.

21 Adama yoo wi, ù n kua tō giriru ñ kun mē sō gira yiru u sere gu, ba ñ maa win yinni gāanu kuamme, domi yoo wi, u sāawa win gobi.

22 Tōn durōbu gabu bà n sannamō, ma ba guragii wōri sere win nukura ka yara, ma win gam kun mēra wa, yen mē kurō win durō u tōn be bure, meya ba koo kōsia siri kowobun wuswaa.

23 Adama kurə wi, ù n mɛɛra gaa wa, mɛɛra yen bwesera ba koo maa bu ko. U n maa gun na, ba koo bu gowa.

24 N n win nənin na ba wuna ba koo maa begii wunawa. N n win dondun na ba bua, ba koo maa beginu buawa. N n win nəman na ba bua, ba koo maa begia buawa. N n win naasun na ba bua, ba koo maa begisu buawa.

25 N n maa dɔɔn na ba nùn mɛni, ba koo maa be dɔɔ mɛniwa. Mɛɛra yèn bweseru ba nùn kua gesi, yen bwesera ba koo maa bu ko.

26 Goo ù n win yoo tən durə, n̄ kun mɛ tən kurən nənu kəra, u koo yoo wi karawa u doona nənu gen s̄s̄.

27 N n maa win dondun na u wuna, u koo nùn karawa u doona don ten s̄s̄.

28 Kɛtɛ yà n tənɔ kəba so ya go, ba koo yen tii kpenu kasuku bu gowa, ba n̄ yen yaa temmə. Yen biru ba n̄ maa yen yinni gāanu kuammɛ.

29 Adama kɛtɛ ye, yà n daa goo kəba səkure ma ba yen yinni s̄ɔwa ma u n̄ ka ye gāanu kue, ba koo win tii gowa ka kɛtɛ ye sannu.

30 Bā n̄ maa nùn gāanu buren na u wa u ka win wāaru yakia, u koo ni kpuro kəsiawa nge mɛ ba gerua.

31 Kɛtɛ yen bweseru yà n bii goo kəba səkə, siri tee biya ba koo ye kua mi, ka yen ȳɛro.

32 Adama kɛtɛ ye, yà n goon yoo so ya go, sii geesun gobi tɛna yen yinni u koo yoo win yinni w̄ɛ, kpa bu kɛtɛ ye kpenu kasuku bu go.

33 Goo ù n dəkə mə, n̄ kun mɛ u wəru gagu gba u deri u n̄ wukiri, ma goon yaa sabera wəri mi, ta gu,

³⁴ wi u dəkɔ ye mə ñ kun mɛ wɔru ge, u koo sabe ten kəsire wēwa kpa u sabe goo te sua.

³⁵ Goon ketɛ yà n googia mɛera kua ya go, ba koo ketɛ wasa ye dɔrawa bu yen gobi bɔnu ko. Kpa bu maa ye ya gu min yaa bɔnu ko.

³⁶ Ketɛ ye, yà n daa gɛɛ mɛera koore, ma yen yēro u yē adama u ñ gāanu kue, u koo ye ya gu min kəsire wēwa kpa wi, u goo te sua.

Yaa sabenun gbenan wooda

³⁷ Goo ù n ketɛ gbena u go, ñ kun mɛ u ye dɔra, ketɛ nɔɔbuwa u koo kəsia tia yen wəllɔ. N n maa yāarun na, yāanu nnɛwa u koo kəsia tee ten wəllɔ.

22

¹⁻³ Ye u gbena mi, bà n ye wa win nɔma sɔɔ, ñ n ketɛn na, ñ kun mɛ ketɛku, ñ kun mɛ yāaru, ma ya gesi wasi, yen yiruwa u koo wē. U kun maa gāanu mɔ, ba koo win tii dɔrawa.

Goo ù n gbena da wɔkuru, bà n nùn mwa wɔku te, ba so ba go, ba ñ goo win yɛm bikiamɔ. Adama yam mù n sāra ba sere nùn go, be ba nùn go mi, ba koo bu win yɛm bikia.

Goon gāa ni ba suan woodaba

⁴ Bɛɛn goo ù n win sabenu sure win winsim gberɔ, ñ kun mɛ win dāa gbaarɔ, ma nu dīanu asɔrɔ kua, win gberun dīa geena u koo yēro kəsire wē, ñ kun mɛ win dāa marum.

⁵ Goo ù n dɔɔ mɛnima, dɔɔ wi, ù n dua goon gberɔ, ma yēron dīanu kpuro dɔɔ mwaara, wi u dɔɔ mɛni mi, u koo dīa ni nu dɔɔ mwaaran kəsire wēwa.

⁶ Goo ù n win winsim gobi, ò kun me gāanu berusia, ma ba nu gbena mi u berua mi, bà n gbena wi wa ye u sua min non yiruwa u koo kasia.

⁷ Bà kun maa nùn wa, win mi ba gāa ni gbena u koo dawa Gusunon sāa yerō u noma sua wallo u bōre u nē, u ò gāanu ganu sue ni ba nùn berusia mi sō.

⁸ Tambu yiru bà n gāanu sikirinemo, ò n yaa saberun na, ò kun me yānu, ò kun me gāa ni nu kōra, be kpuro ba koo dawa Gusunon sāa yerō u bu siria. Ben wi u kun gem mō, ye ba sikirine min wasi yiruwa u koo kasia.

⁹ Goo ù n win winsim yaa saberu garu sabusia, ma ta bōra ò kun me ta gu ò kun me ba tu sere ba mwa goo kun wa,

¹⁰ wi ba tu sabusia mi, u koo dawa Gusunon sāa yerō u bōre u nē, u ò tu babe. Sanam meya, wi u sabe te mō mi, u koo durō win gere wura kpa wi ba sabe te sabusia u ku maa gāanu ganu kasia.

¹¹ Adama bà n sabe te gbenan na win yenuō, u koo ten kāsire wēwa.

¹² N n maa gbeeku yaan na ya tu mwa ya kasuka, u ka ten seeda na u sōsi. Saa ye, u ò maa ten kāsire wēemo.

¹³ Goo ù n maa win winsim yaa saberu bōkura, ma ta bōra ò kun me ta gu sanam me wi u tu mō u ò wāa mi, ba koo nùn ten kāsire wēwa.

¹⁴ Adama ù n wāa mi, ba ò maa nùn kāsire wēemo. Bà n maa tu due kuan na, ten due gobi yi, yi tura.

Tambun wāsinaan wooda ka sāruga

¹⁵ Goo ù n wōndia kōkura u nùn bekuru doke, ma ba ò daa wōndia wi durō kā, wi u nùn bekuru doke mi, u koo dokiriru kpuro kowa nge me ba ra ko, kpa u wōndia wi sua kuro.

16 Baa wāndia win tundo ù n yina bu suana, ka mε, durə wi, u koo dokiriru kpuro kowa nge mε ba ra ko bu ka wāndia sua.

17 Tən kurə səro ù n wāa bεen suunu sɔɔ, i nùn goowo.

18 Wi u maa ka yaa saberu kpuna, i yēro goowo.

19 Nε, Yinni Gusunə turowa i ko sã. Wi u yina u bũu goo sãamə, i yēro goowo.

20 I ku sɔɔ goo nəni sɔ. I ku maa nùn taki di. I yaayo ma bεen tii i raa səru di Egibitin temə.

21 I ku gəmini goo nəni sɔ, ñ kun mε gobeku goo.

22 Wi u bu nəni sɔmə ma ba man somiru kana, ka geema na bεε sɔmə, kon bu somi.

23 Kpa n de nən məru yu se bu bεε go tabu gberə, bεen kurəbu bu maa ko gəminibu kpa bεen bibu bu maa ko gobekuba.

24 Bεε Isireliba sɔɔ, bεen wi u sãaro gobi bəkura, u ku raa yi nim dokea nge mε bwese tukunu nu ra ko.

25 I n goon bekuru təruba mwa, i nùn tu wesia sɔɔ u sere du.

26 Domi beku tee tera u mə mi, u ka win wasi wukiri. Yen sɔ, à n tu neni mba u koo wukiri wəkuru. Sanam mε sɔɔ, ù n man wuri koosima, kon nùn wənwəndu kua, n nùn swaa daki.

27 I ku ra man kōsa gerusi, i ku ra maa bεen wirugii bōre.

28 I n bεen dīa gbiikinu gā i ku de n tε i sere ka neginu na.

I ku maa tε i ka bεen bii tən durə gbiikobu yakia domi ba sãawa nεgibu.

29 Mεya i ko maa man bεen yaa sabenun bii gbiikinu yiya nənem adama i ko de nu gina bəm

nɔwɔ sɔɔ nɔɔba yiru, nɔɔba itase i sere ka man nu yākuru kua.

³⁰ Bɛɛn tii maa, i ko n wāawa nɛnɛm nɛn sɔ, i n dɛɛre. Yen sɔ, i ku yaa gaa tem ye gbeeku yaa ya go ya deri. I ye bɔnu wɛɛyɔ domi ba ñ ye sake.

In da bwɛɛbwɛɛbu sirie dee dee

23

¹ I ku labaari weesugia kpara. I ku maa tɔn kɔso seeda weesugia diiya u ka yari.

² Bɛɛn goo u ku raa tɔn dabinun gere swīi u ka kɔsa ko. Mɛya u ku maa bu swīi bà n gem sīyamɔ siribu sɔɔ.

³ I ku goo siri ka wɔnwɔndu baa ù n sãa bwɛɛbwɛɛ.

⁴ I n bɛɛn wɛrɔbun saberu garu wa ta kɔɔrɔ, ketɛwa? N kun mɛ ketɛku? I tu mɔɔ i ka nùn wurama.

⁵ I n maa win ketɛku wa ga wɔrumɛ ka sɔmunu, i ku doona i nùn deri. I nùn somiɔ i ka gu seeya.

⁶ Siribu sɔɔ, i ku wi u gem mɔ gem bira win bwɛɛbwɛɛrun sɔ.

⁷ I ku seeda weesugia wura. I ku maa goo go wi u kun taare gaa kue. Domi wi u kua mɛ, nɛ, Yinni Gusunɔ kon yɛro sɛɛyasia.

⁸ I ku nɔm biran kɛnu mwa domi nu ra tɔnu nɔni wɔkewa gem swaa sɔɔ kpa u kpana u mu gere.

⁹ I ku wi u sɔru dimɔ bɛɛn suunu sɔɔ nɔni sɔ. Domi bɛɛn tii i yɛ nge mɛ u bwisikumɔ, yɛn sɔ i raa sɔru di Egibitiɔ.

Wɔɔ wɛraruguu ka tɔɔ wɛrarugiru

¹⁰ Wɔɔ nɔɔba tian baa sɔɔra i ko i n da bɛɛn gberun dīanu duure, kpa i nu gɛ.

11 Adama wɔ̃ nɔ̃ba yiruse, i ko i bɛɛn gbean tem kpuro deriwa mu wɛ̃ra, ka bɛɛn dɔ̃a gbaanɔ. Kpa i de be ba sɔ̃a sɔ̃arobu bu da bu dɔ̃anu kunɔnu ko be ka yaa sabenu.

12 Mɛya maa sɔ̃ nɔ̃ba tian baa sɔ̃ra i ko i bɛɛn sɔ̃ma kpuro ko. Adama nɔ̃ba yiruse i ko wɛ̃rawa ka bɛɛn yobu ka sɔ̃ be ba sɔ̃mburu mɔ̃ bɛɛn mi, ka sere bɛɛn yaa sabe ni i ra ka sɔ̃mburu ko.

13 Ye na bɛɛ sɔ̃wa kpuro, i ye mɛm nɔ̃wɔ̃ mam mam. Kpa i ku ra bɔ̃nu ganun yɔ̃siru sia i sere nɛɛ, ko i nu sɔ̃.

Tɔ̃ bakanu ita ni nu kp̃aru bo

14 Wɔ̃ baagere nɔ̃n itawa i ko i n da man tɔ̃ bakaru kue.

15 Pɛ̃ɛ ye ba n̄ seeyatia doken tɔ̃ bakara i ko gbi i ko. Sɔ̃ nɔ̃ba yiruwɔ̃ i ko pɛ̃ɛ di ye ya kun seeyatia mɔ̃ nge mɛ na raa bɛɛ yen wooda wɛ̃, wɔ̃n suru gbiikoo wi ba mɔ̃ Abibu sɔ̃, domi saa yera i yara Egibitin di. I n kanaru mɔ̃, goo u ku raa na nɛn wuswaa u kun kɛ̃ru nɛni.

16 Yiruse kpa i maa bɛɛn gbean dɔ̃a gbiikinun yaa kpaabun tɔ̃ bakaru di. Yen biru i n bɛɛn gberun dɔ̃anu kpuro gɔ̃ kpa i maa yen tɔ̃ bakaru di, i n wɔ̃a kunu sɔ̃.

17 Nge mɛya wɔ̃ baagere bɛɛ tɔ̃n durɔ̃bu i ko i n da ka mɛnnɛ nɔ̃n ita nɛn sɔ̃a yerɔ̃.

18 I n man yɔ̃kuru kua, i ten yaa gum dɔ̃ mɛniɔ̃ dɔ̃ma te. I n maa ten yaa dimɔ̃, i ku ye mɛnna ka pɛ̃ɛ ye ba seeyatia doke.

19 I n da ka man bɛɛn gberun dɔ̃a gbiikii ni nu gea sɔ̃a naawɛ nɛn sɔ̃a yerɔ̃. Domi nɛna na sɔ̃a Gusunɔ̃ bɛɛn Yinni. I ku boo buu yike ka gen mɛron bom.

Sɔ̃sinu ganu ka nɔ̃ mwɛnu

20 Yeniba kpuron biru Yinni Gusunə u Isireliba sɔɔwa u nɛɛ, kon bɛɛ nɛn ɔɔrado ɔɔriama u ka bɛɛ kpara kpa u n bɛɛ kɔsu bɛɛn sanum sɔɔ. U koo ka bɛɛ da tem mɛ na bɛɛ sɔɔru kua sɔɔ.

21 Yen sɔ, i de i n tii sɛ kpa i nɔn mɛm nɔɔwa, kpa i ku nɔn nuki sanku. Domi u n da bɛɛ suuru kuamme i n tora, yɛn sɔ nɛn yiiko ya waa wi sɔɔ.

22 Adama i n nɔn mɛm nɔɔwa mam mam, ma i mɔ dee dee ye na bɛɛ yiire, nɛna kon ka bɛɛn wɛrɔbu kpuro sanna.

23 Nɛn ɔɔrado wi, u koo bɛɛ swaa gbiiya u ka bɛɛ turi sere tem mi Amɔreba ka Hɛtiba ka Feresiba ka Kananiya ka Hefiba ka sere Yebusiba ba waa. Kpa n be kpuro go bɛɛn sɔ.

24 Adama i n tura mi, i ku ra ben bɔnu sɔ, i ku maa ben komanu saari. I ben bɔu turanu suririo kpa i ben bwaaɔrokunu kɔsuku muku muku.

25 Nɛ Gusunə bɛɛn Yinniwa i ko i sɔ kpa n bɛɛ domaru kua, i n dɔanu mɔ ka nim. Mɛya na kon maa bɛɛ baranu gbara.

26 Na n maa derimɔ tɔn kurɔ goon nukuru tu yari, mɛya bɛɛn goo kun maa mɔ wiro. Kon maa de bɛɛn hunde yu dɛɛya.

27 Ye kon maa wure n ko wee. Be ba nua i duɔ ben temɔ kpuro, kon de bu nanda, kpa bu yari bu doona bɛɛn sɔ.

28 Kon Hefi be, ka Kanani be, ka Hɛti be susunu kpare, kpa bu yari bu doona tem min di.

29 Adama na n be kpuro giramɔ wɔɔ tian baa sɔɔ, tem mɛ, mu ku raa ka ko bansu, kpa gbɛeku yɛɛ yi bɛɛ yibusi.

30 Fiiko fiikowa kon de ba n doonamɔ min di, sere i ka dabia i tɛria i sina tem mɛ kpuro sɔɔ.

³¹ Tem mε kon bεε wē mi, mεn nɔɔ bura yera ko n wāawa saa nim wōku ge ba mɔ Naa yarin di sere n ka girari Filisitiban nim wōkuɔ, ka maa saa Sinain gɔbaburun di, sere n ka girari daa te ba mɔ Efaratiɔ. Tɔn be ba wāa tem mi kpuro, kon bεε bu nɔmu beriawa kpa i bu gira.

³² I ku ra ka bu arukawani gaa bɔke. I ku maa ben būu goo sã.

³³ I n ben būnu sãamɔ, nu ko n sãawa bεεn yina. Yen sɔ, i ku de ben goo u n wāa bεεn suunu sɔɔ kpa u ku raa bεε torasia nen swaa sɔɔ.

Yinni Gusunɔ u win nɔɔ mwεεru sire

24

¹ Yinni Gusunɔ u Mɔwisi sɔɔwa u nεε, i yɔɔma Sinain guuru mini, nen mi, wunε ka Aroni ka Nadabu ka Abihu ka Isireliban guro gurobu wata ka wɔkuru, kpa i man kpuna sarun di.

² Wunε Mɔwisi, kaa man susima wunε turo. Be ba ka nun yɔɔma bu yɔro mi ba wāa mi. Tɔn be ba maa tie, bu ku raa yɔɔma mini.

³ Ma Mɔwisi u da u tɔn be Yinni Gusunɔn gari ka win woodaba kpuro sɔɔwa. Ma be kpuro ba wura ka gɔru teu ba nεε, sa ko ko ye Yinni Gusunɔ u gerua kpuro.

⁴ Mɔwisi u Yinni Gusunɔn gari yi kpuro yorua ma u seewa buru buru u yāku yeru bana guu ten nuurɔ. U maa kpenu wɔkura yiru gira nge mε Isireliban bwese kerin geera nε.

⁵ Ma u Isireliban aluwaasiba gabu gɔra bu ka Yinni Gusunɔ yāku dɔɔ mwaararuginu kua kpa bu naa kinenu go bu ka siarabun yākunu ko.

⁶ Məwisi u yaa yem mən bənu sua u doke gbēa sɔɔ. Ma u sukum mɛ n tie yēka yāku yee ten wəllɔ.

⁷ Ma u woodan tire te sua u tu gara tən ben wuswaaɔ. Ma ba nɛɛ, sa ko Yinni Gusunɔ mɛm nɔɔwa kpa su ko kpuro ye u gerua.

⁸ Ma Məwisi u yem mɛ sua u yēka tən ben wəllɔ u nɛɛ, yem mɛ wee, mɛ mu Yinni Gusunən nɔɔ mwɛɛru siremɔ te u bɛɛ kua sanam mɛ u bɛɛ wooda yeniba kpuro wɛ.

⁹ Ma Məwisi ka Aroni ka Nadabu ka Abihu ka Isireliban guro gurobu wata ka wəku te, ba guu te yɔɔwa.

¹⁰ Ma ba Gusunɔ, be Isireliban Yinni wi wa. N sãare nge u yɔ turaru garun wəllɔ te ba kua ka kpee boogu ni nu baalimɔ weenɛ. Nu dɛɛrewa nge wəllu te ta kun guru wiru mɔ.

¹¹ Gusunɔ u n̄ Isireliban guro guro be kɔsa gaa kue. Ba n̄n wa ma ba di ba n̄ra.

Məwisi u yɔɔwa Sinain guurɔ

¹² Yinni Gusunɔ u Məwisi sɔɔwa u nɛɛ, a yɔɔma a yɔra guuru mini. Kon nun kpee bɛsi wɛ m̄i sɔɔ na wooda kpuro yorua, tən be ka ben bibun bweseru ba n ka ye mɛɛrimɔ baadomma.

¹³ Ma Məwisi u seewa ka win bɔɔ Yosue. Adama u sere guu te yɔ,

¹⁴ u guro guro be sɔɔwa u nɛɛ, i yɔro mini, i sun ma sere su ka wurama bɛɛn mi. Wee Aroni ka Huri ba wãa ka bɛɛ. Bɛɛn goo ù n gari giri gɛɛ mɔ, u na ben mi.

¹⁵ Yen biru u yɔɔwa guu ten wəllɔ, ma guru wii wurora tu wukiri.

¹⁶⁻¹⁷ Yera Yinni Gusunən yikon girima ya sɔɔsira mi. Isireliba ba ye wa, ya sãa nge dɔɔ boko. Ma guru

wii wuro te, ta Sinain guu te wukiri sere sɔɔ nɔɔba tia. Sɔɔ nɔɔba yiruse Yinni Gusunɔ u Mɔwisi soka saa guru wii wuro ten min di.

¹⁸ Yera Mɔwisi u dua guru wii ten sɔɔwɔ ma u yɔɔwa guu ten wɔllɔ. Miya u wɔa sɔɔ sɔɔ weeru ka wɔkuru weeru.

YINNI GUSUNɔN KUU BEKURUGIRUN KPUNAA

Kɛɛ ni Isireliba ba koo wɛ bu ka Yinni Gusunɔn sɔa yeru ko

25

¹ Yinni Gusunɔ u Mɔwisi sɔɔwa u nɛɛ,

² a Isireliba sɔɔwɔ bu ka man kɛnu naawa. Ye ba wɛ ka nuku tia kpuro, a mɔɔ.

³ Kɛɛ ni ba koo wɛ, niya, wura ka sii geesu ka sii gandu,

⁴ ka ana bekunu ni ba wɔkua ka bura, ka maa gaadura ka ni ba swɛrasia ka sɛɛsu, ka ni ba wesa ka wɛɛ damgii ka yaa sansun beka,

⁵ ka yɔa gɔni yi ba swɛrasia ka sɛɛsu, ka gɔni sinumgii, ka dɔa damgia,

⁶ ka gum mɛ ba ra ka fitila sɔre ka gum mɛ mu turare mɔ mɛ ba ra kpuro tare bu ka sɔsi ma Gusunɔ u ye gɔsa nenɛm, ka turare ye ba ra dɔɔ doke,

⁷ ka kpee gobiginu nɛn nɔni sɔa berɔ wuru ka kpee gobiginu bwese bweseka ka ni ba koo doke yɔku kowo tɔnweron yabe tarakpe sɔɔ ka sere maa win bɔɔ baran wɔllɔ.

⁸ Yen biru i ka man ye kpuro kuu bekurugiru kuo na n ka wɔa bɛɛn suunu sɔɔ.

⁹ I ko tu kowa ka ten dendi yānu kpuro nge mε kon bεε sōsi.

Yinni Gusunən woodan kpakororu

¹⁰ Ba koo kpakororu ko ka dāa damgia. Ten dεbu bu ko n sāawa gəm soonu yiru ka bōnu. Ten yasum mu ko n maa sāawa gəm soo teeru ka bōnu kpa ten gunum mu n sāa gəm soo teeru ka bōnu.

¹¹ Kpa a tu wura pote ten sōwō ka tōwō. Kpa a ten goonu nne kpuro nōō bōka kua ka wura.

¹² Kpa a wuran sumi ko wasi nne a doke ten goo gookan yinna yenu sō, yiru ya n mεrine bee tia, yiru yeni ya n maa mεrine bee tia.

¹³ Yen biru a dāa pōsi kasu yiru a yi wura pote.

¹⁴ Kpa a yi wasi kpakoro ten sumi sōō beri berika, yi n sāa ten nenutii.

¹⁵ Sumi yi sōra dāa pōsi yi, yi ko n da n wāa. Ba n yi wunamō min di.

¹⁶ Yen biru kaa woodan kpee bēsi yi kon nun wē doke kpakoro te sō.

¹⁷ Kpa a kpakoro te wukiritia kua ka wura ya n ka tu saka nε.

¹⁸⁻¹⁹ Kpa a wōllun kōsobu yirun weenasibu ko ka wura a mani wukiritia yen goo piiminun wōllō gee ka gee.

²⁰ Kpa yi n kpakoro ten wukiritia ye kasa wukiri mam mam. Yi ko n wuswaa kisinεwa yi n mεrine.

²¹ Kaa woodan kpee bēsi yi doke kpakoro te sō, a sere ten wukiritia ye doke.

²² Yen wōllōwa ko na n da ka nun yinne kōsobu yiru yen baa sō, kpa n nun nen woodaba kpuro wē Isireliban sō.

Tabulu yèn mi ba koo pēyi, ye ba ka Gusunō naawa

23 Yinni Gusunə u kpam Məwisi səwə u nεε, kaa tabulu ko ka dāa damgia. Yen dēεbu ko n sāawa gəm soonu yiru, yen yasum mu ko n maa sāa gəm soo teeru, kpa yen gunum mu n sāa gəm soo teeru ka bənu.

24 Kpa a ye kpuro wura pote, kpa a maa yen goo gooka nəw bəka kua ka wura.

25 Yen biru kpa a dāa bəsi piiminu gore yen goo gooka mi, ni nu ka nəm tararu yasum nε, a ka sikerena, kpa a nin tii wura pote.

26 Kpa a maa sumi nne ko ka wura a doke tabulu yen goo gooka mi yen naasu gire gire.

27 Mi ba dāa bəsi piimii ni goren bəku bəkuka səwra sumi yi, yi ko n wāa, kpa bu dāa pəəsi wasi yi səw, ba n da ka tabulu ye sue.

28 Dāa pəəsi yi, yi ko n sāawa dāa damgia kpa a yi wura pote.

29 Yen biru kaa gbēa ko ka nəri ka pεrentiba ka gbēε yorukunu, ye kpuro ya n sāa wuragia kpa ba n da ka dendi ba n yāku tam wisimə.

30 Kpa a pēε ye ba ka man naawa səndi tabulu yen wəllə. A ku ra de pēε ye, yu biara mi. A de ya n da n wāa nen wuswaaə baadomma.

Fitilan dabu

31-32 Yinni Gusunə u kpam Məwisi səwə u nεε, kaa dabu ko ka wura gea, ga n kāasi mə nəəba tia, gen yēsi yēsikaə ita ita. Kpa gen yōratia ka gen pətura ka gen kāasi ka gen bura te ta ka dāa marum ka biibii weenε, ye kpuro ya n sāa bəri tia.

33 A de kāasi nəəba tia yen baayere ya n buranu ita ita mə ni nu ka biibii weenε.

34 Kpa dabu gen pəturan tii ya n buranu nne mə ni nu ka dāa marum weenε.

³⁵ Mi kāasi yiru yiru yi gbinne ka pɔtura, kaa nin temɔ buraru koosiwa te ta ka dāa marum weene.

³⁶ Bura te, ka kāasi yi, ye kpuro ya n sāa wuran bəri tia.

³⁷ Yen biru kaa fitilanu nɔɔba yiru ko, kpa a nu sɔndi sɔndi dabu gen wɔllɔ ka gen tiin wii kpiirɔ. Kpa ba n nu sɔre nu n yam bururasie.

³⁸ Baku piibu ge ba ko n da ka fitila nin dɔɔ sɔme ka mi sɔɔ nin torom mu ko n da wɔriki, kaa ye kpuro kowa ka wura gea.

³⁹ Dabu ge, ka gen dendi yānu kpuro, wuran kilo tenan sakawa kaa ka ye ko.

⁴⁰ Wune Mɔwisi, a de a n sɔmbu te nɔni doke kpa a kuu te ko ta n sāa nge te na nun sɔɔsi guuru wɔllɔ.

Kuu bekurugii tèn mi ba ra ka Yinni Gusunɔ yinne

26

¹ Yinni Gusunɔ u Mɔwisi sɔɔwa u nee, a bekunu wɔkuru wesio ka wɛe damgii ka wɛe yi ba wɔkua ka bura ka maa gaadura, ka maa wɛe wunɔmgii, kpa a beka ye buraru doke a ta n sāa wɔllun kɔsɔbun weenasibu. Kpa a ka man kuu bekurugiru kua.

² Beka ye kpuro ya ko n newa. Yen dɛebu bu ko n sāawa gɔm soonu tena yiru sari. Yen yasum maa gɔm soonu nne.

³ Beka yen nɔɔbu nɔɔbuwa ba koo sua bu swɛena.

⁴ Yen biru kpa a yen baayeren goo baka teerɔ wɛri doke ka wɛe yi ba wɔkua ka bura, yi ba koo ra ka ye sɔrena.

⁵ Wɛri weeraakuukuubuwa kaa doke beka ye ba swɛenan baayeren goo baka teerɔ yi n nɔɔ kisine.

⁶ Yen biru kaa saretinu weeraakuru ko ka wura bu ka beka ye kpuro sarena, kpa yu ko beku teeru kuu ten sã.

⁷ Kpa a maa bekunu wækura tia wesi ka boo sansu ni ba koo kuu bekurugii te wukiri.

⁸ Beka ye kpuro ya ko n nɛwa. Yen dɛɛbu bu ko n sãawa gɔm soonu tɛna. Yen yasum maa gɔm soonu nnɛ.

⁹ Beka yen nɔɔbuwa ba koo gbi bu swɛɛna kpa bu maa nɔɔba tia yeni swɛɛna. Kpa bu nɔɔba tiase ten sukum bue kuu ten wɔllɔ wuswaa gia.

¹⁰ Kpa a wɛri weeraakuukuubu doke beka ye ba swɛɛnan baayeren goo baka teerɔ.

¹¹ Yen biru kaa saretinu weeraakuru ko ka sii gandɔ, kpa a nu doke beka yen wɛri yi sɔɔ, a ka ye sarena, yu ko beku teeru.

¹² Bã n ka tu kuu te wukiri, beku te ta kuu te sare mi, a de ta n sãare kuu ten biruɔ.

¹³ Kuu ten yasum gia, beka ye ya maa tiara, a de ya n sãare beri berika gɔm soo teeru.

¹⁴ Kaa bekunu yiru ko bu ka kuu te wukiri, teeru ka yãa kinɛnun gɔni, yi ba swɛrasia, teeru maa ka yaa gɔni sinumgii, te ta ko n wãa kpuron wɔllɔ.

¹⁵ Akasian dãa besiya kaa gira a ka kuu te ko.

¹⁶⁻¹⁷ Dãa besi yi, yi ko n nɛwa. Yin dɛɛbu bu ko n sãawa gɔm soonu wækuru kpa yin yasum mu n sãa gɔm soo teeru ka bɔnu. Kpa a yin baayere saretinu yiru dokea yi n ka sarenɛ.

¹⁸ Kuu ten sɔɔ yɛsan nɔm dwaru gia dãa besi yenda kaa gira.

¹⁹ Kpa a yi yɔratii kua weeru ka sii geesu a doke yiru yiru, yin tia sɔɔ temɔ, yi n ka saretii ni neni.

20 Ten sɔɔ yɛsan nɔm geu gia bɛsi yɛnda kaa maa ko.

21 Kpa a maa yi yɔratii weeru kua ka sii geesu bu doke yiru yiru yin tia sɔɔ.

22 Ten sɔɔ duu yeru gia dɔa bɛsi nɔɔba tia kaa gira.

23 Dɔa bɛsi yiru yiruwa kaa doke ten goo gɔmkinu yiruɔ biru gia.

24 Dɔa bɛsi yi, yi ko n maninɛwa yiru yiru saa tem di sere ka wɔllɔ. Kpa a sumi doke yi n ka sɔrenɛ wɔllɔ. Mɛsuma kaa goo gɔmkinu yiru yen dɔa bɛsi yiru yiru ye kua.

25 Kpa yi kpuro yi n sɔa dɔa bɛsi nɔɔba ita. Kpa a yen baayere sɔɔ yɔratii doke yiru yiru yi ba kua ka sii geesu.

26-27 Yen biru kpa a ten yɛsi itaɔ akasian dɔa nɔɔbu nɔɔbu kare.

28 Dɔa karetia ye ya wɔa yɛsa baayeren suunu sɔɔ mi, yen nɔɔ ga koo yɔrawa dɔa gɔmkinɔ.

29 Kpa a maa dɔa bɛsi yi ka dɔa kareti yi wura pote. Kpa a maa wuran sumi ko yì sɔɔ ba koo dɔa kareti yi wasi wasi.

30 À n yeniba kpuro mɛnna a kpa, saa yera kaa den kuu bekurugii te gira ta n sɔa nge te na nun sɔɔsi guu te ba mɔ Sinaiɔ wɔllɔ.

31 Kpa a maa beku kareru ko ka wɛɛ damgii ka wɛɛ ye ba wɔkua ka bura ka maa gaadura ka wɛɛ wunɔmgii. Kpa a wɔllun kɔsobun weenasibu ko beku te sɔɔ, kpa ya n sɔa buraru.

32 Kaa akasian dɔa bɛsi sinumgii nɛ ko a wura pote kpa a sɔretii wuragii doke yi sɔɔ, yi ka beku kare te gaba. Kpa a dɔa bɛsi yi yɔratii dokea yi ba kua ka sii geesu.

33-34 Kpa a beku kare te bwẽ te ta ko n dii sɔɔ ge ga dɛere gem gem ka adɛrɔ ge ga dɛere bɔnu sãa.

À n beku kare te bwẽ a kpa, ten sɔwɔwa kaa ka kpakoro te da a yi tè sɔɔ woodan kpee bɛsi yiru ye, ya wãa. Kpa a kpakoro te wukiritia dokea dii te ta dɛere gem gem sɔɔ mi.

35 Kaa tabulu ye yiwa nɔm geu gia adɛrɔ ge sɔɔ à n duɔ kuu ten mi, kpa a dabu ge yi nɔm dɔwaru gia, tabulu ye ka dabu ge, nu n mɛɛrinɛ.

36 A kuu ten beku kɛnutiru wesio ka wẽɛ yi ba wãkua ka bura ka maa gaadura ka wẽɛ wunɔmgii ka wẽɛ damgii, kpa a beku te sɔma dokea.

37 Kpa a akasian dãa bɛsi sinumgii nɔɔbu wura pote kpa a yin baayere yɔratia kua ka sii gandu. Yen biru kpa a sɔretii wuragii doke yin baayere sɔɔ bu ka beku kɛnutii te bwẽ.

Yãku yeru

27

1 Yinni Gusunɔ u kpaM Mɔwisi sɔɔwa u nɛɛ, kaa yãku yeru ko ka akasian dãa. A de ten goonu nɛɛ kpuro nu n nɛ, nu n sãa gɔm soonu nɔɔbu nɔɔbu, kpa ten gunum mu n sãa gɔm soonu ita.

2 Kpa a ten wɔllun goo gɔmkinɔ kãanu doke kpa a nu sii gandu pote.

3 Kaa yãku yee ten dendi yãnu kpuro kowa ka sii gandu. Niya gbɛɛ ni ba koo ka torom gura, ka kaatonu ka kaato donnuginu, ka gbɛɛ ni sɔɔ ba koo yaa yɛm doke bu ka yẽka, ka dɔɔ guratii.

4 Kpa a kɔkɔsɔ ko ka sii gandu kpa a yen goo gɔmkinɔ sii gandun sumi doke.

⁵ Yen biru kpa a ye sua a doke yāku yee ten kākārō kpa yen nōō gu seema wōllō yāku yee ten suunu suunukāō.

⁶ Kpa a tu suatii yiru kua ka akasian dāa pōōsi a yi sii gandu pote.

⁷ Kaa dāa pōōsi yi wasi sumi yi sōō ba n da ka yāku yee te sue.

⁸ Kaa yāku yee te kowa ka dāa bēsi ta n wōru mō, nge te na nun sōōsi.

Kuu ten kara

⁹ Yeniba kpuron biru Yinni Gusunō u maa Mōwisi sōōwa u nēē, a kuu bekurugii te kara koosio. Yen sōō yēsan nām dwaru gia kpa a bekunu kare ni ba wesa ka wēē damgii. Bā n ni kpuro swēēna, nu ko gōm soonu wunōbu (100).

¹⁰ Ba koo beka ye sōrewa dāa bēsi sinumgii yendu sōō ka saretii ka sii dēki yi ba kua ka sii geesu. Kpa dāa bēsi yin yōratii yi n sāa sii gandu.

¹¹ Nge mēya ya ko n maa sāa sōō yēsan nām geu gia, kpa ye yiru ye, ya n dēēbu nē.

¹² Kara yen sōō duu yeru gia kaa bekunu kare dāa bēsi sinumgii wākuru sōō yi ba yōratii kua. Kara yen yasum mu ko n sāawa gōm soonu weeraakuru.

¹³ Mēya yen sōō yari yeru gia yen yasum ko n maa sāawa gōm soonu weeraakuru.

¹⁴⁻¹⁵ Yen suunu sōō kaa kōnnō wīa ga n sāa gōm soonu yendu. Kpa a kōnnō gen beri berikāō beka kare gōm soonu wākura nōōbu nōōbu dāa bēsi sinumgii ita ita sōō. Dāa bēsi yin baayere ya ko n yōratia mō.

¹⁶ Kara yen kōnnōn tii sōō, kaa beku kenutiru doke, tēn yasum ko n sāa gōm soonu yendu. Wēē damgiya kaa ka tu ko kpa a tu buraru kua ka wēē

wunəmgii ka yi ba wōkua ka bura ka maa gaadura. Kpa a maa tu gaba kua ka dāa besi sinumgii nne yi yi yōratii mə.

¹⁷ Kara yen beku soretii ka yen sii dēki yi, yi sōo ba koo beku ni sōresi, ye kpuro ya ko n sāawa sii geesu, kpa yen dāa besi sinumgii yin yōratii yi n sāa sii gandu.

¹⁸ Kara yen dēebu bu ko n sāawa gəm soonu wunəbu (100) kpa yen yasum mu n maa sāa gəm soonu weeraakuru, kpa yen gunum mu n sāa gəm soonu nōbu. Ba koo yen beka wesiwa ka wēε damgii kpa bu sii pōosi yin yōratii ko ka sii gandu.

¹⁹ Kuu bekurugii ten dendi yānu kpuro, sii ganda ba koo ka nu ko. Meya kuu te ka kara yen gabatian kurum kpuro ya ko n sāawa sii gandu.

Fitila gen gum

²⁰ Yera Yinni Gusunə u kpaM Mōwisi sōowa u nεε, a de Isireliba bu dāa ye ba mō olifin binun gum ko mε mu gea sāa, ba n da ka kuu ten fitila sōre baadomma.

²¹ Kuu bekurugii ten adērə ge sōora Aroni ka win bibu ba koo da bu fitila ni yi yi, beku kare ten biruə te ta woodan kpakororu berua. Meya fitila ni, nu ko n da n sōre saa yokan di sere ka bururu. Isireliba ba koo wooda yeni nenewa sere ka baadomma.

Yāku kowobun sāa yānu

28

¹ Yinni Gusunə u kpaM Mōwisi sōowa u nεε, a wunen mōo Aroni ka win bibu nne ye wunə nenem Isireliban suunu sōon di kpa ba n sāa nen yāku

kowobu. Bii bera Nadabu ka Abihu ka Eleasaa ka Itamaa.

² A de bu wunen mɔɔ Aroni wi sãa yãnu kua ni nu koo win yiiko ka win girima sɔɔsi.

³ Yen sɔ, be na yen bwisi wɛ, a bu wooda wɛɛyɔ bu ka nùn yãa ni kua ni u koo doke dɔma te ba koo nùn tusia tɔmbun wuswaaɔ ka sanam mɛ u win sɔmburu mɔ.

⁴ Yãa ni ba koo ko wee, bɔɔ bara ye u koo doke win tororun wɔllɔ, ka yabe tarakpe, ka yaberu ka tako ye ba sɔma kua ka dawani ka sere maa sɛkatia. Yeniba kpuro ya ko n sãawa yãa ni Aroni ka win bibu ba ko n da doke b̃a n yãkurun sɔmburu mɔ.

⁵ Ba koo yãa ni kpuro kowa ka beku ni ba wɔkua ka bura ka maa gaadura ka ni ba wunɔm doke, ka ni ba kua ka wɛɛ damgii ka wuran wɛɛ siiri.

Yabe tarakpe

⁶ Yinni Gusunɔ u maa Mɔwisi sɔɔwa u nɛɛ, kaa yabe tarakpe kowa ka beku te ba kua ka wɛɛ damgii kpa a ge buraru kua ka wɛɛ wunɔmgii ka yi ba wɔkua ka bura ka maa gaadura ka wuran wɛɛ siiri.

⁷ Kpa a gu sari kua yi ba koo ka gen senu sɔrena.

⁸ Kpa a sɛkatia ko ya n sãa beku nɔni tee ka yabe tarakpe ge. Kpa ya n yinusi ge sɔɔ.

⁹ Yen biru a kpee gobiginu yiru suo ñn ñni sãa berɔ wuru, kpa a Isirelin bibu wɔkura yiru yen yĩsa yore ni sɔɔ.

¹⁰ Teerɔ ben nɔɔba tian yĩsa. Teerɔ maa nɔɔba tia benin yĩsa. Kaa ye kpuro yorewa nge m̃sum ba keranɛ.

¹¹ Kaa yĩsa ye yorewa kpee ni sɔɔ, nge mɛ ba ra yore sisɔ. À n ye yorua a kpa, kpa a kpee ni wura gore a ka sikerena.

12 Kpa a nu mani tarakpe gen sari sɔɔ. Aroni ù n nu doke win senɔ, niya nu koo sɔɔsi ma ka Isireliban yĩsina u dua nen sãa yerɔ, kpa nɛ, Yinni Gusunɔ na n ka bu yaaye.

13 Mi ba kpee ni gore mu ko n sãawa wura,

14 kpa a yɔni wuragii yiru tari a yi sɔre wura ye sɔɔ.

Bɔɔ bara

15 Kaa bɔɔ bara ko ye Aroni u ko n da doke win tororɔ, u ka nɛ, Yinni Gusunɔn kĩru bikia. Ye ka tarakpe ge, ya ko n sãawa beku nɔni tee, ka bura teeru.

16 Bɔɔ bara yen goonu nnɛ kpuro nu ko n nɛwa, nu n sãa gɔm soonun bɔnu bɔnu.

17 Kpa a bɔɔ bara ye sɔɔ kpee gobigii bwese bweseka mani yu ko sĩa nnɛ. Kpee nin nɔni wee. Sĩa gbiikaa sɔɔ, swãaru ka dɔm buuru, ka wuru beku.

18 Yiruse sɔɔ maa, swãaru ka boogu ka sɔɔ tiro.

19 Itase sɔɔ, dɔm buuru ka nɔni bwese bweseka ka gaadura.

20 Nnɛse sɔɔ, wuru beku ka berɔ wuru, ka nɔni bwese bweseka. Kpa a ni kpuro wura gore gore.

21 Kpee bwese bweseka wɔkura yiru yen baatere sɔɔra kaa Isirelin bibun yĩsinu yore tia tia. Kaa nu yorewa nge mɛ ba ra yore sisɔ.

22 Kaa yɔni wuragii yiru ko bɔɔ bara ye sɔɔ.

23 Kpa a taaminu yiru ko ka wura, a sɔre bɔɔ bara yen soo wɔrikisɔ.

24 Taaminu yiru ye sɔɔra ba koo yɔni yi sɔre sɔre.

25 Kpa a bɔɔ bara yen yɔni yi gbinisi tarakpe gen sariɔ.

26 Yen biru kaa maa taaminu yiru ko ka wura, a nu doke bɔɔ bara yen soo temkisɔ si su yabe tarakpe ge girari.

27 Kpa a taaminu yiru ko a doke yabe tarakpe gen sarin nɔwɔ wuswaaɔ, sɛkatia yen wɔllu gia.

28 Yen biru kaa bɔɔ bara yen taamii ni sɔɔ wɛɛ gaaduragii doke kpa a yi gbinɛ yabe tarakpe gen taaminu sɔɔ. Nge meya kaa ka ye sɔre yabe tarakpe ge sɔɔ, kpa yu ku ka b̄ari.

29 Saa ye Aroni u duɔ kuu bekurugii ten mi, u ko n bɔɔ bara ye dokewa win tororɔ yɛ sɔɔ ba Isireliban bwese keri wɔkura yiru yen ȳisa yorua, kpa nɛ, Yinni Gusunɔ na n ka bɛɛ yaaye baadomma.

30 Kaa maa urimu ka tumimu doke bɔɔ bara ye sɔɔ, kpa ya n w̄aa Aronin tororɔ saa kpuro ye u duɔ nen s̄aa yerɔ, kpa u ka gia ye na k̄i Isireliban s̄ɔ.

S̄aa ȳaa ni nu tie

31 Yinni Gusunɔ u kpam M̄owisi s̄ɔwa u nɛɛ, yabe t̄en w̄ollɔ ȳaku kowo u koo yabe tarakpe ge s̄ondi, kaa tu kowa ka beku gaaduragiru.

32 Kpa a ten w̄irɔ s̄ama doke a sinum koosia tu ku raa ka ḡɛra. W̄i ten min diya u koo wiru wasi ù n yabe te sebumɔ.

33 Kpa a maa ten temɔ tusanu doke nu n ka d̄aa marum gam weenɛ ni ba kua ka w̄ɛɛ yi ba w̄ɔkua ka bura ka maa gaadura ka w̄ɛɛ wunɔmgii, ka sere maa yangire piiminu wuraginu a ka sikerena.

34 Kpa a de d̄aa marum weenasim mɛ ka yangire ni, nu n kpasa s̄aa.

35 Yabe tera Aroni ko n da n sebuɔ ù n s̄omburu m̄ò kuu bekurugii te sɔɔ. M̄ɛn nɔɔ u duɔ, ka m̄ɛn nɔɔ

u yariɔ na kon da n yangire nin wəkinu nəməwa, kpa n ku nùn go kuu bekurugii te sɔɔ.

³⁶ Kpa a maa wuran batani ko a yore ye sɔɔ, wini sãawa Yinni Gusunɔgii. Kaa ye yorewa nge mɛ ba ra yore sisɔ.

³⁷ Kpa a batani ye sɔresi Aronin dawanin wuswaɔ ka wɛɛ gaaduragii.

³⁸ U ko n ye dokewa baadomma ù n dɔɔ nɛn sãa yerɔ, kpa nɛ, Yinni Gusunɔ n ka Isireliban yākuunu mwa baa bà n toranu ganu kua saa ye ba yāku ni mɔ.

³⁹ Kpa a maa tako ka dawani ko ka wɛɛ damgii, ka sɛkatia ye ba sɔma doke.

⁴⁰ Kaa maa Aronin bibu takoba kua ka maa sɛkatii ka furɔsu, ya n sãa ben buraru te ta ben girima sɔɔsimɔ.

⁴¹ Yen biru kaa Aroni ka win bibu yãa ni sebusia, kpa a bu gum tāre wirɔ a ka sɔɔsi ma na bu gɔsa ba n sãa nɛn yāku kowobu.

⁴² A bu sokoto kpirinu kuo kpa bu ku ka ben tereru wan sɔ. Kaa ye kpuro kowa ka wɛɛ damgii.

⁴³ Aroni ka win bibu ba ko n nu dokewa bà n dɔɔ kuu bekurugii te sɔɔ, ñ kun mɛ bà n susiɔ yāku yerɔ bu ka ben sɔmburu ko. Yera ya koo de na kun bu go nɛn sãa yerɔ, domi ba ñ wãa mi tereru. Yeni ya ko n sãawa wooda sere ka baadommaɔ Aroni ka win bibun bweserun sɔ.

Nge mɛ ba koo ka sɔɔsi ma Yinni Gusunɔ

u yāku kowobu gɔsa

29

¹ Yinni Gusunɔ u kpaɛ Məwisi sɔɔwa u nɛɛ, wee nge mɛ kaa koosina a ka sɔɔsi ma na Aroni ka win

bibu gɔsa na yi nenem bu ka ko yāku kowobu nen sāa yerɔ.

A naa kinε kpendu suo ka yāa kinenu yiru. A ku de yen gaa ya n alebu mɔ.

² Kpa a pɛɛ ko ka alikaman som, a ku seeyatia doke, kpa a maa kira wɔɔranu ko nɛn somɔ ba n seeyatia doke, ka kira nɛn som ba ka gum burina.

³ Kpa a nu doke bireru sɔɔ a ka da yāku yerɔ ka naa kinε kpen te, ka yāa kinenu yiru ye, kpa a ka ye kpuro yākuru ko.

⁴ Kpa a de Aroni ka win bibu bu na kuu ten kɔnnɔwɔ mi nε, Yinni Gusunɔ na ra ka Isireliba yinnε, kpa a bu wobure ka nim.

⁵ Kpa a Aroni nɛn win sāa yāa ni sebusia. Niya tako ye, ka yabe boogugii te, ka yabe tarakpe ge, ka bɔɔ bara ye. Kpa a sɛkatia ye sɛke yabe tarakpe gen wɔllɔ.

⁶ Kpa a maa dawani sua a doke win wirɔ, kpa a wuran batani ye sua yɛ sɔɔ ba yorua, wini sāawa Yinni Gusunɔgii, a doke win dawani yen wuswaaɔ.

⁷ Yen biru kpa a maa gum sua a tāre win wirɔ a ka sɔɔsi ma na nɛn gɔsa na yi u n sāa nen yāku kowo.

⁸ Kpa a maa win bibu soku a bu tako be sebusia,

⁹ a bu ben sɛkatii sɛkea kpa a bu ben furɔsu dokea nge mε a Aronin tii kua. Saa dɔma ten diya ba koo ko yāku kowobu sere ka baadommaɔ.

Yeniba kpuron biru, ameniwa kaa de bu ka sɔmbu te tore.

¹⁰ Naa kinε te a gɔsa mi, kaa ka tu nawa kuu ten kɔnnɔwɔ, kpa Aroni ka win bibu bu ben nɔma sɔndi naa yen wiru wɔllɔ.

¹¹ Kpa a ye saka nen wuswaaɔ kuu ten kɔnnɔ mi.

12 Kpa a yen yem dɛka ka niki bia a tɛni yāku yee ten kāanɔ. Mɛ mu tie kpa a yēka ten temɔ.

13 Kpa a yen bɔsɔnun gum sua ka yen worun bɛsi baka ka yen gabu swii ka yen gum sannu, kpa a ye kpuro mɛnna a dɔɔ doke yāku yee ten wɔllɔ.

14 Adama naa kinɛ ten yaa ka ten gɔna ka ten bɔsɔ bisu, ye kpurowa kaa dɔɔ doke bɛɛn sansanin biruɔ. Yāku te, ta ko n sãawa te ta koo ben durum wukiri.

15 Yen biru ba koo ka yāa kinɛ nin teeru na, kpa Aroni ka win bibu bu ben nɔma sɔndi ten wiru wɔllɔ.

16 Bã n kua mɛ ba kpa, yera kaa tu saka kpa a ten yem sua a yēka yāku yee ten goo gookaɔ.

17 Kpa a ten yaa bɔɔri bɔɔri a yi ka ten wiru sannu, kpa a maa ten bɔsɔnu tea ka ten kɔri kpa a ye kpuro sɔndi wii te ka ye a bɔɔra min wɔllɔ.

18 À n kua mɛ a kpa, kpa a ye kpuro dɔɔ sɔre yāku yee ten wɔllɔ. Ya ko n sãawa yāku dɔɔ mwaararugiru tèn nubura koo nɛ, Yinni Gusunɔ dore.

19 Kpa a maa yāa kinɛru yiruse teni sua. Kpa Aroni ka win bibu bu kpam ben nɔma sɔndi ten wiru.

20 Yen biru, kpa a tu saka a ten yem sua a tɛni Aronin soo nɔm geuguuɔ, ka win bibun soo nɔm geugisɔ, ka ben nɔm geun niki bii bakanɔ, ka sere ben nɔm geun naa niki bii bakanɔ. Yem mɛ mu tie, kpa a mu yēka yāku yee ten goo gookaɔ.

21 Kpa a maa yem mɛ mu wāa yāku yee ten wɔllɔ sua a mɛnna ka gum mɛ ba ra kpuro tāre ye Gusunɔ u gɔsa nenɛm kpa a mu wisi Aroni ka win bibun sãa yāa ni ba sebuan wɔllɔ. Nge mɛya Aroni ka win bii

be, ka ben sãa yãa ni kpuro, ba ko n sãa nenem nen sã.

²² Kpa a yãa ten gum sua ka ten siru ka ten bɔsɔnɔn gum ka ten worun besi baka, ka ten gabu swii yiru ka yin gum sannu, ka ten nɔm geun nɔmu. Domi yãa kinε te, ta ko n sãawa te ba ka sãosi ma na Aroni ka win bibu gɔsa nenem nen sã.

²³ Kpa a maa pɛε tia sua ye ba ñ seeyatia doke, ka kira wãora teeru ka kira teeru tèn som ba ka gum burina, saa birerun di te ta yii sãa yerɔ.

²⁴ Kpa a ye kpuro Aroni ka win bibu nɔmu beria kpa a ben nɔma sua a ka sãosi beri berika nε, Yinni Gusunɔn wuswaaɔ.

²⁵ Yen biru kpa a ye kpuro mwa ben nɔman di a ye sɔndi yãku dãɔ mwaara ten wɔllɔ kpa a dãɔ doke kpa ya n sãa yãku dãɔ mwaararugii te ta man nuburu dore.

²⁶ Kpa a maa yãa kinε te ba ka sãosi ma na Aroni ka win bibu gɔsa nenem min guroguro ru sua a sãosi beri berika nen wuswaaɔ. Å n kua mε a kpa, yaa ye, ya ko n sãawa wunεgia.

²⁷ Kpa a yãa kinε ten nɔmu sua a yiya wɔllɔ nen wuswaaɔ. Nge mεya kaa ka sãosi ma guroguro te ka nɔmu ge, ya sãawa nεgia.

²⁸ Mεya maa Isireliba bà n siarabun yãkunu mð ba ko n da yaan guroguro ru ka yen nɔm geun nɔmu wunε nenem nen sã kpa bu ye Aroni ka win bibun bweseru wε kpa ya n sãa wooda sere ka baadommaɔ.

²⁹ Aroni ù n maa gu, win bibun bweseru sɔra ba koo turo wuna bu sãa yãa ni sebusia bu nùn gum tãre wirɔ dɔma te ba koo sãosi ma u sãa win kɔsire.

³⁰ Wi, wi u kua Aronin kɔsire mi, u ko n yãa ni

dokewa sere sɔɔ nɔɔba yiru. Wiya u ko n da du kuu ten mi, mi Yinni Gusunɔ u ra ka Isireliba yinne kpa u sɔmburu ko adɛrɔ ge ga dɛɛre sɔɔ.

³¹ Kaa yāa kinɛ te ba ka sɔɔsi ma na Aroni ka win bibu gɔsa nɛnɛm yaa sua a yike sāa yerɔ.

³² Kuu ten kɔnnɔwɔra Aroni ka win bibu ba koo yaa ye ka pɛɛ ye ya wāa bireru sɔɔ mi mɛnna bu tem.

³³ Be tɔnawa ba koo yāku dīa ni di, ni ba ka ben durum wukiri sanam mɛ ba sɔɔsi ma na bu gɔsa nɛnɛm nɛn sɔ. Tɔn tuko goo u ku raa nu di, domi nu sāawa dīa ni ba wuna nɛnɛm nɛn sɔ.

³⁴ Nū n tiara sere sisiru bu ku maa nu di. Bu nu wisio dɔɔ sɔɔ nu dɔɔ mwaara.

³⁵ A Aroni ka win bibu kuo mam mam nge mɛ na nun sɔɔwa. Sɔɔ nɔɔba yirawa kaa bu yen yāku yāki kua a ka sɔɔsi ma na bu gɔsa nɛnɛm nɛn sɔ.

³⁶ A n da naa kinɛru go yen tɔɔ baatere yāku yee ten wɔllɔ, yen yɛm mu ka tɔmbun durum wukiri. Yāku niya nu koo yāku yee te disi wɔka. Yen biru kpa a gum tāre ten wɔllɔ a ka sɔɔsi ma ta wāa nɛnɛm nɛn sārɔn sɔ.

³⁷ Mɛya kaa n da ko sere sɔɔ nɔɔba yiru ye, yu ka yibu, kpa yāku yee te, ta n sāa nɛnɛm ta n dɛɛre. Yen sɔ, ye n koo tu ture kpuro, baa n n tɔnun na, u de u n dɛɛre.

Yāku ni ba ko n da ko tɔɔ baatere

³⁸ Yinni Gusunɔ u Mɔwisi sɔɔwa u nɛɛ, wee ye kaa n da ko baadomma. Kaa ka yāa kinɛ kpɛmmɛnu yiru wɔɔ tiaginu yākuru ko tɔɔ baatere,

³⁹ teeru bururu, teeru maa yoka.

⁴⁰⁻⁴¹ Bururu ka yokan yāku nin baateren wɔllɔwa kaa som kilo ita ye ya ka olifin binun gum yarum ditiri tia ka bɔnu burinɛ doke, ka maa tam ditiri tia

ka bɔnu, kpa a ye kpuro dɔɔ doke. Yen nubura koo ne, Yinni Gusunɔ dore.

⁴² Yaku dɔɔ mwaararugii tera beɛn bibun bwe-seru ba ko n da ko kuu bekurugii ten kɔnnɔwɔ nen wuswaaɔ sere ka baadommaɔ. Miya beɛ Isireliba i ko ka man yinna, kpa n ka nun gari ko.

⁴³ Kpa yam mi, mu n sãa nenɛm mu n dɛere nen yiikon sɔ.

⁴⁴ Nen tiiwa kon kuu te dɛerasia ka yaku yee te, n yi nenɛm ka sere maa Aroni ka win bibu ba n ka sãa nen yaku kowobu.

⁴⁵ Kpa na n wãa beɛ Isireliban suunu sɔɔ i n man sãamɔ.

⁴⁶ Kpa i n yẽ ma nena na sãa Gusunɔ beɛn Yinni ne wi na beɛ yarama Egibitin di. Kpa na n ka beɛ wãa. Nena Gusunɔ beɛn Yinni.

Kpakoro tɛn wɔllɔ ba ko n da turare dɔɔ doke

30

¹ Yinni Gusunɔ u kpaɛ Mɔwisi sɔɔwa u neɛ, kaa kpakororu garu ko tɛn wɔllɔ ba ko n da turare dɔɔ doke. Kaa tu kowa ka akasian dãa.

² Ten dɛɛbu ka ten yasum mu ko n newa, mɛ kpuro mu n sãa gɔm sooru tia tia, kpa ten gunum mu n sãa gɔm soonu yiru. Kpa a de ten goo gɔmkinu nɛn dãa yu nɔɔ yari nge kãanu.

³ Kpa a ten baama kpuro wura pote sere ka ten kãanɔ. Kpa a ten goonu nne nɔɔ bɔka kua ka wura a ka sikerena.

⁴ Kpa a maa ten goo gɔmkinɔ wuran sumi doke ten nɔɔ bɔkan temɔ, kpa ba n da dãa wasi yi sɔɔ, bu ka tu sua.

⁵ Dãa ye kaa wasi sumi yi sɔɔ, ya ko n sãawa akasian dãa ye ba wura pote.

⁶ À n kua mɛ a kpa, kpa a kpakoro te sua a yi aderɔ ge sɔɔ beku kare ten deedeeru te ta nɛ, Yinni Gusunɔn woodan kpakororu berua dii sɔɔ ge ga dɛere gem gem sɔɔwɔ. Miya ko na n da ka nun yinnɛ.

⁷⁻⁸ Bururu baatere saa ye Aroni u fitilanu gum dokemɔ ka yoka baayere saa ye u nu sɔramɔ, u ko n da turare dɔɔ dokewa kpakoro ten wɔllɔ. Nge mɛya wi ka win bibun bweseru ba ko n da ko sere ka baadommaɔ.

⁹ Adama i ñ ko turare tuka dɔɔ doke kpakoro ten wɔllɔ. Mɛya i ñ maa yãku dɔɔ mwaararuginu mɔ mi, ñ kun mɛ i dɛanu ganu sɔndi mi, ñ kun mɛ i tam wisi mi, i ka yãkuru ko.

¹⁰ Wɔɔ ka wɔɔwa Aroni u ko n da ten kãa ni sɔɔ yãku yem tɛni mɛ ba ra ka durum wukiri u ka tu disi wɔka. Nge mɛya wi ka win bibun bweseru ba ko n da ko sere ka baadommaɔ, kpa ta n yii nenɛm nen sɔ.

Gobi yi ba koo wɛ kuu bekuruɣii ten sɔ

¹¹ Yinni Gusunɔ u kpam Mɔwisi sɔɔwa u nɛɛ,

¹² a Isireliba gario. Be ba wɔɔ yendu turan diya kaa gari kpa a de ben baawure u gobi gee wɛ u ka win wãaru yakia. Kpa n de wahala yu bu suuri saa ye a bu garimɔ mi.

¹³ Wi ba gara, sii geesun bɔri piibuwa u koo wɛ. Yi kpuro yi ko n nɛwa. Gobi yi, yi ko n sãawa nge mɛ ba ra sãa yerun gobi di.

¹⁴ Be ba wɔɔ yendu tura ka be ba kere mɛ, beya ba koo gobi yi wɛ.

15 Gee tee tera baawure u koo wē. Gobiḡii kun wēemə n s̄aro kere, u ka win w̄aru yakia. Domi hunde tia be kpuro ba m̄.

16 Gobi yiya kaa n da ka kuu bekurugii ten s̄mburu ko. Nge meya kon ka yaaya ma Isireliba ba ben w̄aru yakia.

Boo gèn mi ba ko n da s̄a yerun nim take

17 Yinni Gusunə u kḡam M̄wisi s̄əwa u nεε,

18 kaa boo ko ka gen s̄waritia, ye kpuro ya n s̄a sii gandu. À n gu kua a kpa, a gu yiiyo ȳku yeru ka kuu bekurugii ten baa s̄ə kpa bu gu nim take.

19 Nim meya Aroni ka win bibu ba ko n da ka ben n̄ma ka naasu kḡakie bu ka d̄era,

20 bu sere du kuu ten mi, bu ka ben s̄mburu ko, n̄ kun m̄ bu sere susi ȳku yerə bu ka ȳkuru ko kpa bu ku raa gbi.

21 Yeni ya ko n s̄awa wooda sere ka baadomm̄ə b̄en bibun bweseru s̄ə.

Gum m̄ ba kua s̄arun s̄

22 Yinni Gusunə u kḡam M̄wisi s̄əwa u nεε,

23 a turare bwese bweseka ye ya nuburu do suo, miru kilo n̄əbu, ka sinam̄mu kilo yiru ka b̄nu, ka kan̄li kilo yiru ka b̄nu

24 ka kasi kilo n̄əbu, ka sere olifin gum ditiri n̄əba tia.

25 Ye kḡurowa kaa de wi u turare kobu ȳ u m̄nna u ka gum ko m̄ ba ko n da kpuro tāre bu ka s̄əsi ma na ye ḡsa n̄n̄m.

26 Gum meya kaa kuu te ȳka, ka n̄n woodan kḡakoro te,

²⁷ ka tabulu ye, ka yen dendi yānu, ka dabu ge, ka gen dendi yānu, ka sere kpakoro tèn wǎllǎ ba ra turare dǎo doke,

²⁸ ka yāku yee tèn mi ba ko n da yāku dǎo mwaararuginu ko, ka ten dendi yānu, ka boo ge, ka gen sǎwaritia.

²⁹ Nge mēya kaa ka sǎa yǎa ni kpuro dεerasia kpa nu n yii nεn sǎ. Ye n koo nu besu kpuro, a de ya n dεere.

³⁰ Kpa a maa Aroni ka win bibu gum mε tāre ba n ka sǎa nεn yāku kowobu.

³¹ Mēya kaa Isireliba sǎ a nεε, gum mε, mu ko n sǎawa dεeram mε ba ko n da kpuro tāre bu ka sǎosi ma ya wǎa nεnεm nεn sǎarun sǎ. Yeni ya ko n sǎawa wooda bεε sǎo sere ka baadommaa.

³² Goo u ku raa mu sawa. Goo u ku raa maa mεn bweseru ko. I ko nu yiwa nεnεm nεn sǎarun sǎ.

³³ Yen sǎ, goo ù n yina u mεn bweseru kua, ù kun mε u tǎn diro goo mu tεeni, ba koo yǎro wunawa bεen suunu sǎon di.

Turare ye ba koo dǎo doke sǎa yerǎ

³⁴ Yera Yinni Gusunǎ u kpam Mǎwisi sǎowa u nεε, a turare bwesenu ita kasuo ye ya nuburu do, ka maa turare ye ba mǎ ansam, ye kpuro ya n saka nε.

³⁵ Wi u turaren kobu yǎ kpa u ye kpuro menna u bǎru doke yu ko turare dεera ye ba kua nεnεm nεn sǎarun sǎ.

³⁶ Kpa a yen sukum buuru wuna, a da a yi kuu bekurugii te sǎo, woodan kpakoro ten wuswaa mi ko na n da ka nun yinne. Kpa i ye yi nεnεm nεn sǎarun sǎ.

³⁷ Yen sǎ, goo u ku raa turare yen bweseru ko win tiin sǎ. I ko ye yiwa nεnεm nεn sǎarun sǎ.

³⁸ Wi u yina, u yen bweseru kua win tiin sã, ba koo yẽro wunawa beɛn suunu sãn di.

Kuu bekuruɗii ten sãm kowobu

31

¹ Yinni Gusunɔ u kɔam Mɔwisi sãɔwa u nɛɛ,

² wee na Besaleli, Urin bii, Hurin debubu gɔsa Yudan bweseru sɔɔ.

³ Na nùn nɛn Hunde yibie u n ka sãm bwese bwesekan bwisi mɔ, kpa u n yen asansi kpuro yẽ.

⁴ U koo kpĩ u yen kpunaaba yi. U wuran sãmburu yẽ, ka sii geesu ka sii gandu.

⁵ Ka nge mɛ ba ra kpee gobiginu sɔɔ yore ni ba koo gore, ka sere maa dãa dākubu, ye kpuro gesi ye n sãa burarun sãmburu.

⁶ Ma na nùn Oholiabu, Ahisamakin bii wi u sãa Danun bweseru nɔmu sãndia u ka nùn somi. Yen biru na maa gabu bwisi kã be ba sãmbu te yẽ. Be kpurowa ba koo menna bu sãmbu te ko te na nun sãɔwa mi.

⁷ Tera kuu bekuruɗii te, ka nɛn woodan kpakoro te, ka ten wukiritia, ka sere maa kuu ten dendi yãa ni nu tie,

⁸ ka tabulu ye, ka yen dendi yãnu, ka dabu wuragu ge, ka gen dendi yãnu, ka kpakoro tèn wallo ba kò n da turare dãɔ doke,

⁹ ka yãku yee te, ka ten dendi yãnu, ka boo ge, ka gen sɔwaritia,

¹⁰ ka sere yãa ni Aroni ka win bibu ba ko n da sebe bu ka yãkurun sãmburu ko,

¹¹ ka gum mɛ ba ko n da gãanu yẽke bu ka sãɔsi ma ya wãa nɛnɛm nɛn sãarun sã, ka sere turare nubu

durorugia ye. Ye kpurowa ba koo ko nge mε na nun sɔɔwa.

Tɔɔ wɛrarugiru

12 Yinni Gusunɔ u kpam Mɔwisi sɔɔwa u nεε,

13 a Isireliba sɔɔwɔ a nεε, i ko tɔɔ wɛrarugirun wooda mεm nɔɔwawa mam mam. Domi ta ko n sɔɔwa nen arukawanin yɛreru ye na bɔkua ka bεε sere ka baadommaɔ. Yɛre tera ta koo sɔɔsi ma nena na bεε gɔsa na yi nenεm nen sɔ.

14 I n da wɛre tɔɔ wɛrarugii te sɔɔ. I ku tu garisi nge sanam dirum. Wi u yina ma u sɔmburu kua te sɔɔ, ba koo yɛro wunawa bεen suunu sɔɔn di bu go.

15 Yen sɔ, alusuma tia sɔɔ, sɔɔ nɔɔba tia i ko n da sɔmburu ko, adama nɔɔba yiruse te, ta ko n sɔɔwa tɔɔ wɛrarugiru te na yi nenεm nen sɔ. Bεen wi u sɔmburu kua tɔɔ te sɔɔ, ba koo yɛro gowa.

16 A de bεε Isireliba i n tɔɔ wɛrarugii ten wooda mεm nɔɔwammε, sere ka bεen bibun bweserɔ, domi arukawani ye, ya ko n wɔɔwa sere ka baadommaɔ.

17 Tɔɔ te, ta sɔɔwa yɛreru te ta ko n wɔɔ nε ka bεen suunu sɔɔ. Domi sɔɔ nɔɔba tia sɔɔra na wɔllu ka tem taka kua na kpa. Nɔɔba yiruse ma na sɔmburu deri na wɛra.

18 Ye Yinni Gusunɔ u ka Mɔwisi gari yi kua guu te ba mɔ Sinaiɔ u kpa, yera u nɔn kpee bεsi yiru wɛ yi sɔɔ win tii u woodaba yorua.

ISIRELIBA BA GUSUNɔN ARUKAWANI KUSIA

Ba naa buu wuraguu kua ba sɔɔwa

32

¹ Sanam me tɔn be, ba wa Mɔwisi u tɛɛmɔ u n̄ saramɛ saa guu ten wɔllun di, ba da ba menna Aronin mi, ba n̄n sɔɔwa ba nɛɛ, a seewo a sun yinni kua wi u ko n sun swaa gbiiye. Domi Mɔwisi wi u sun yarama Egibitin tem di, sa n̄ yɛ ye n n̄n deema.

² Yera Aroni u bu sɔɔwa u nɛɛ, i bɛɛn kurɔbun swaa tonku wuraginu potirima ka bɛɛn bibuginu i ka na.

³ Ma be kpuro ba ben swaa tonku wuraginu potira ba ka Aroni naawa.

⁴ U nu mwa u yania ma u kuura kua ye ya ka naa buu weenɛ, u wura ye wisi mi, ma ya kua bwāaroku.

Ma ba nɛɛ, bɛɛn yinni wee, wi u sun yarama saa Egibitin di.

⁵ Ye Aroni u ye wa, yera u yāku yeru gira bwāaroku gen wuswaaɔ. Ma u kpara u nɛɛ, sia sa ko Yinni Gusunɔ tɔɔ bakaru kua.

⁶ Yen sisiru, ba seewa buru buru yellu ma ba yāku dɔɔ mwaararuginu kua ka siarabun yāku. Tɔn be, ba sina ba di ba nɔra, ma ba seewa ba kom bereteke mɔ.

⁷ Saa yera Yinni Gusunɔ u Mɔwisi sɔɔwa u nɛɛ, a saro fuuku domi wunen tɔn be a yarama Egibitin di mi, wee ba disu duura.

⁸ Ba swaa ye deri kɔ ye na nɛɛ bu swi. Wee ba tii wuran bwāaroku kua ge ga ka naa buu weenɛ. Ma ba yiira ba gu yākuru koosi. Ba nɛɛ, geya ga ben yinni wi u bu yarama saa Egibitin di.

⁹ Ma u kpam nɛɛ, na tɔn be wa, ben swaa tau, ba n̄ kī bu wiru kpī.

10 Tē nen mǎru ya seewa. A de n bu kam koosia. Adama wunε, kon de wunen tǎmbu bu ko bwese bakaru.

11 Mǎwisi u Gusunǎ win Yinni suuru kana u nεε, Yinni, mban sǎna a ka wunen tǎmbu mǎru mǎ be a yarama Egibitin di ka wunen dam bakam.

12 Mban sǎna kaa de Egibitigibu bu gere bu nεε, kǎsa a kī a wunen tǎmbu kua. Yen sǎna a ka bu yarama kpa a bu go guunun bera gia, a bu kpeerasia ba kun maa wǎa handuniaǎ. A wunen mǎru ye suresio, a ku maa kǎsa ye ko, ye a kī a bu kua mi.

13 A wunen bwǎabu Aburhamu ka Isaki ka Yakǎbu yaayo be a nǎǎ mwεεru kua ka bǎri a nεε, kaa de ben bibun bweseru tu dabia nge wǎllun kperi, kpa a bu tem mε kpuro wē mēn gari a ka bu kua, ba n ka mu mǎ ka baadommaǎ.

14 Ma Yinni Gusunǎ u kǎsa ye deri ye u raa nεε u koo win tǎmbu kua mi.

15 Saa yera Mǎwisi u sarama guu ten wǎllun di u woodan kpee besi yiru ye nenǎ yēn beri yiru yiru kpuro ba yorua.

16 Kpee besi yi, yi sǎawa yi Gusunǎn tii u kua. Win tiiwa u maa yorua yi sǎǎ.

17 Ye ba saram wee, Yosue u tǎmbun wurenu nua nge mε ba gbisimǎ. U Mǎwisi sǎǎwa u nεε, tabun wurenu wǎa sansaniǎ.

18 Mǎwisi u nεε, n n be ba nasara suan wurenu mi. N n maa mǎ be ba dεsiru mwεεraginu. Be ba womusu mǎn wurena na nǎǎmǎ.

19 Ye Mǎwisi u sansani ye turuku kua, u naa buu wuraguu ge wa ka tǎn be ba yaamǎ, ma u mǎru besira u kpee besi yi sura u kǎsuka guu ten nuurǎ.

20 Ma u naa buu ge sua u dɔɔ mɛni. Ma u ge munia muku muku u wisi nim sɔɔ. Ma u dera ba nim mɛ nɔra.

21 Ma u Aroni bikia u nɛɛ, mba tɔn be, ba nun kua a ka bu durum baka yen bweseru koosia.

22 Aroni u nùn wisa u nɛɛ, a ku de wunen mɔru yu kpɛa. A yɛ ma tɔn be, ba ra n bɔ kɔsan kobu sɔɔ.

23 Ba man sɔɔwa ba nɛɛ, n bu yinni kuo wi u ko n bu swaa gbiye, domi wunɛ wi a bu yarama Egibitin tem di, ba n̄ yɛ ye n nun deema.

24 Ma na bu sɔɔwa na nɛɛ, ben wi u wuran gãanu mɔ u nu tama. Ye ba ka na, ma na nu kpɛɛ dɔɔ sɔɔ. Yera naa buu wuragu ge, ga yarima.

Ba Isireliba sɛɛyasia

25 Mɔwisi u wa ma Aroni u kpana u tɔn be nɔni doke, ma u dera ba mɔ ye ba kɪ. Yera n dera ben yiberɛba ba bu yaa kasikimɔ.

26 Sanam mɛya u yɔra sansani yen duu yerɔ u nɛɛ, baawure wi u ka Yinni Gusunɔ yɔ, u na nɛn bera gia.

Ma Lefiba kpuro ba menna win mi.

27 Ma u nɛɛ, ameniwa Yinni Gusunɔ u gerua. Bɛɛn baawure u win takobi suo u n nɛni, kpa u n sirene sansani ye sɔɔ duu yee teerun di sere ten tensim mi. Kpa u win dusi ka win beruse ka win kpaasi go.

28 Ma Lefi be, ba kua nge mɛ Mɔwisi u bu yiire. Be ba gu dɔma te, ben suunu sɔɔ, ba tura tɔnu nɔrɔbun suba itan saka (3000).

29 Yera Mɔwisi u nɛɛ, gisɔra i bɛɛn tii Yinni Gusunɔ wɛ mam mam, ye bɛɛn baawure u ka win bii tɔn durɔ ka win dusi seesi. Yen sɔ, u bɛɛ domaru kua gisɔ.

Məwisiŋ kanaru

³⁰ Yen sisiru u tən be sɔɔwa u nɛɛ, wee, i durum baka kua. Yen sɔ, kon yə guu ten mi, n Yinni Gusunə suuru kana bɛɛn durum yen saabu.

³¹ Yera u gəsira u da Yinni Gusunən mi, u nɛɛ, kuku, tən be, ba durum baka kua. Ba tii bwāaroku kua ka wura.

³² Na nun kanamə a bu suuru kuo. À kun maa suuru mɔ, a nɛn yīsiru wunə tire te sɔɔn di, tən mi a wunen təmbun yīsa yorua.

³³ Yinni Gusunə u Məwisi wisa u nɛɛ, wi u man torari, yēron yīsira kon wuna nɛn tireru sɔɔn di.

³⁴ Yen sɔ, a doo a tən be kpara i da sere yam mi na nun sɔɔwa. Wee nɛn gərado u ko n nun gbiiye mi. Adama saa ya sisi yè sɔɔ kon tən be noma doke n bu sɛɛyasia ben durum sɔ.

³⁵ Yen biru u tən be baranu kpɛɛ yèn sɔ ba dera Aroni u bu naa buu ge kua.

Yinni Gusunə u Isireliba wooda wɛ bu ka doona Sinain guurun di

33

¹ Yinni Gusunə u kɔam Məwisi sɔɔwa u nɛɛ, i seewo i doona minin di, wunɛ ka tən be a yarama Egibitin di, kpa i da tem mi, mɛn nɔɔ mwɛɛru na kua ka bɔri na nɛɛ, kon mu Aburhamu ka Isaki ka Yakəbu ka ben bibun bweseru wɛ.

² Kon nɛn gərado goo gəri u n nun gbiiye kpa n nun Kananiba ka Aməreba ka Hɛtiba, ka Feresiba ka Hefiba ka Yebusiba gira.

³ I doo tem mɛ sɔɔ. Tim ka bom yiba mi. Adama na n ka bɛɛ dɔɔ. Kpa n ku ra bɛɛ kam koosia swaaɔ, domi bɛɛn swaa tau.

4 Ye tɔn be, ba labaari kɔsa ye nua, ben wasi dwiiya. Ba n̄ maa ben bura yānu ganu doke nuku sankiranun s̄s̄.

5 Yinni Gusunɔ u Mɔwisi s̄ɔwa u nɛɛ, a Isireliba s̄ɔwɔ a nɛɛ, ben swaa tau. Nà n ka bu s̄imɔ nɔni kpaki teeru s̄ɔ mam, kon bu kam koosia. Bu ben bura yānu potirio t̄ɛ, kpa n wa ye kon bu kua.

6 Ma ba n̄ maa ben bura yāa ni doke saa m̄in di ba doona Horebun guu ten di.

Yinni Gusunɔn kuru

7 Mi Isireliba ba ben sansani gira kpuro, Mɔwisi u ra ka kuu bekurugii te dewa u gira mi n ka sansani ye desire. U tu soka Yinni Gusunɔn kuru. Be ba k̄i bu Yinni Gusunɔ gāanu bikia bera ba ra yari sansanin di bu da kuu ten mi.

8 Mɔwisi ù n yariɔ u d̄ɔɔ kuu ten mi, tɔn be kpuro ba ra sewa bu ȳra ben kunun k̄annɔwɔ ba n Mɔwisi m̄ɛra sere u ka du kuu te s̄ɔ.

9 U n dua mi, saa yera guru wii wuro te, ta ra saramɛ tu ȳra kuu ten k̄annɔwɔ kpa Yinni Gusunɔ u ka n̄n gari ko.

10 Tɔn be kpurowa ba ra guru wii wuro te wa, ta ȳ kuu ten k̄annɔwɔ. Kpa ben baawure u yiira win kurun k̄annɔwɔ.

11 Yinni Gusunɔ u ra ka Mɔwisi gari kowa nɔni ka nɔni nge mɛ tɔnu u ra ka win b̄rɔ gari ko. Yen biru Mɔwisi u ra ḡsiramɛ u na sansaniɔ. Adama win b̄ɔ aluwaaasi Yosue, Nunin bii, u ku ra yari kuu ten min di.

Yinni Gusunɔ u win t̄mbu n̄ɔ m̄wɛru kua ma u ko n ka bu w̄a

12 Mɔwisi u Yinni Gusunɔ s̄ɔwa u nɛɛ, wee, a nɛɛ, n ka tɔn be doo tem mɛ s̄ɔ. Mɛya a maa nɛɛ, a man

yē sāa sāa. Kaa n ka man nōnu geu mēera. Adama a ñ man sōwa wi u koo man yōsiri.

¹³ N n mēn na, tē, a man wunen himba sōsio kpa n nun gia, kpa n kpa m wunen durom wa. A yaayo ma tōn be, ba sāawa wunen tōn be a gōsa.

¹⁴ Ma Yinni Gusunō u nē, nēn tii kon ka nun da kpa n nun nasara wē.

¹⁵ Mōwisi u wisa u nē, à kun ka sun dō wunen tii, a ku de su doona minin di.

¹⁶ Amōna ba koo ka tubu ma sa wunen kī geeru wa, nē ka wunen tōmbu, ma n kun mō a ka sun da. À n ka sun da, saa yera sa ko n sāa nēnem handunian tōn be ba tie sō.

¹⁷ Yinni Gusunō u Mōwisi sōwa u nē, kon ko nge mē a man bikia. Domi na nun yē sāa sāa, a maa nēn kī geeru wa.

¹⁸ Mōwisi u nē, a man wunen yikon girima sōsio.

¹⁹ Yinni Gusunō u wisa u nē, kon na n sara wunen wuswaa ka nēn girima kpuro, kpa n nun nēn yīsiru sō, nē, Yinni Gusunō. Be na kī n durom kua, beya na ra durom kue. Be na maa kī n wōnwōndu kua, kpa n bu wōnwōndu kua.

²⁰ Adama na ñ derimō a nēn wuswaa wa, domi goo sari wi u koo nēn wuswaa wa kpa u n wā.

²¹ Yen sō, ayeru garu wee nēn bōkuō kpee baa sō, mi kaa kpī a n wā.

²² Sanam mē na sarō ka nēn yikon girima, kon nun nēn nōma wukiri kpee baa ye sō.

²³ Yen biru kon nēn nōma wuna kpa a nēn biru wa, adama a ñ nēn wuswaa wasi.

Kpee besi yiru yen kāsire

34

¹ Yinni Gusunə u Məwisi səwə u nəε, a kpee bəsi yiru mənə a dāku nge yiənə. Kon kpam gari yi yore mi, yi yi raa wāa kpee bəsi yi səw, yi a kəsuka.

² A səwru koowo sia bururu yellu, a yəwma Sinain guuru mi, kpa a yōra nən wuswaaə ten wəllə.

³ A ku de goo u ka nun yəwma mi. A ku ra maa de n goo wa guu ten gam gum. Meya a ku maa de keteba ka yāanu, yen gaa yu yakasu di guu ten turuku.

⁴ Ma Məwisi u kpee bəsi yiru mənə u dāka nge yiənə. U seewa buru buru yellu u yəwə Sinain guurə u kpee bəsi yiru ye nən nge mε Yinni Gusunə u nən səwə.

⁵ Yera Yinni Gusunə u sarama guru wii wuroru səw u yōra win bəkuə. Ma u win tiin yīsiru gerua u nəε, nənə na Yinni Gusunə.

⁶ Ma u sara Məwisin wuswaaə u nəəgiru sua u nəε, nənə Yinni Gusunə durom ka wənwəndugii. Na ra saku n sere məru ko. Nən tən geeru ka nən bəwəkiniru ta kpā.

⁷ Na ra təmbu nən kīru səwsi sere ka baadomməə. Na ra tən be ba kōsa kua bu ben durum suuru kue, adama na ku ra taaregii garisi dεero. Na ra baababan durum məwru mwe ben bibun mi sere ka ben sikadominun bibə.

⁸ Yera Məwisi u yiira fuuku u nən sāwə.

⁹ Ma u nəε, Yinni, à n ka man nənə geu mεera, na nun kanamə, a de a ka sun da. Wee, tən be, swaa taoba. Adama a sun bəsən daa kōsa ka bəsən durum suuru kuo kpa a sun ko wunəgibu.

Gusunə u wure u ka Isireliba arukawani bəkuə

¹⁰ Ma Yinni Gusunə u nəε, wee, na ka bεε arukawani bəkumə. Kon səm maamaakigia ko wunən tən be kpuron wuswaaə, yən bweseru goo

kun koore tem gam. Tɔn be kpuro bɛn suunu sɔɔ i wãa, ba koo nɛ, Yinni Gusunɔn sɔmburu wa. Domi gãa nanumgina kon bɛɛ kua.

11 Wooda ye na bɛɛ wɛɛmɔ mi gisɔ, i ye mem nɔɔwɔ. Wee, kon Amɔreba ka Kananiba ka Hɛtiba ka Feresiba ka Hefiba ka Yebusiba gira bɛɛn wuswaan di.

12 Wunɛ, Mɔwisi, a n tii sɛ, kpa a ku ra ka tem min tɔmbu arukawani bɔke, mi i ko i du kpa bu ku raa ko bɛɛn yina.

13 Adama i ko ben yãku yenu sura kpa i ben bũu wi ba mɔ Asitaaten sãa yerun dãnu wukiri, kpa i win bwãarokunu kɔsuku.

14 I ku ra bũu goo sã domi nɛn yĩsira nisinugii. Na ku ra wure bu maa yinni goo sã.

15 A n tii sɛ kpa a ku ra ka tem min tɔmbu arukawani bɔke. Domi bɔn ben bũnu gasirimɔ ba sãamɔ ba yãkunu mɔ, ba koo bɛɛ soku i ka bu ko. Kpa ben yãku yaa yu bɛɛ binɛ ko i di.

16 Sɔrɔkudo i ko bɛɛn bii tɔn durɔbu kurɔbu sua ben bii wɔndiaba sɔɔ, kpa kurɔ be, bu de bɛɛn bii be, bu nɛn sãaru deri bu tɔn ben bũnu sã.

17 I ku ra sisu sua i ka tii bwãaroku kua i sã.

18 I n da pɛɛ ye ba n seeyatia doken tɔɔ bakaru ko saa ye na yi, suru wi ba mɔ Abibu sɔɔ. Kpa i pɛɛ ye di sɔɔ nɔɔba yiru nge mɛ na bɛɛ yiire. Domi suru wi sɔara i yarima Egibitin di.

19 Bii gbiikoo tɔn durɔ baawure u ko n sãawa nɛgii, mɛya maa yaa sabenu kpuron bii gbiikii dwanu, n n ketɛn na, n n maa yãarun na, n kun mɛ boo.

20 N n ketɛkun na, i ka gen buu gbiikuu yãa buu kɔsinɔ kpa gu ko yãku yãaru. I kun maa kue mɛ,

i gen wīi suma buo i go. I ko bii gbiikoo tən durə baawure yakiawa ka gobi.

I ku de goo u na nen wuswaaə u kun kēru neni.

²¹ Alusuma səə, səə nəəba tia i ko səmburu ko, kpa i wēra səə nəəba yiruse, baa n n duurbun saan na, n kun me gēebun saa.

²² I n da gēebun təə bakaru ko sanam me i alikama yè ya gbia ya ye gēebu torua, kpa i Kunun təə bakaru ko sanam me i bēen dāa binu sərīmə, wəə gā n kpeeyə.

²³ Wəə tia səə, nən itawa tən durə baawure u koo na ne Gusunə, Isireliba Yinnin sāa yerə.

²⁴ I ku berum ko. Kon bwese ni gira bēen wuswaan di, kpa n bēen tem yasia. Goo kun kākə u mu binε ko sanam me i man təə bakaru diiyamme nən ita ye, wəə ka wəə.

²⁵ I ku man yāku yaan yem wē ka pēe ye ba seeyatia doke sannu. I n Gəə sararibun təə bakaru mə, i ku de ten yaa yu tiara sere sisiru bururu.

²⁶ Wəə ka wəə i n da ka bēen gbean dāa gbiikinu ne, ne, Yinni Gusunən sāa yerə.

I ku ra boo buu yike ka gen meron bom.

²⁷ Ma Yinni Gusunə u Məwisi səəwa u nee, a gari yi yoruo domi yiya nen arukawanin wiru ye na ka bēe bəkumə, wunε ka Isireliba.

²⁸ Məwisi u wāa mi ka Yinni Gusunə səə səə weeru ka wəkuru weeru. U n dīanu di, u n maa nim nəra. Ma Yinni Gusunə u arukawani yen gari yorua kpee besi yi səə, yiya wooda wəku te.

Məwisi u sarama Sinain guurun di

²⁹ Ye Məwisi u ka Yinni Gusunə gari kua u kpa, u sarama Sinain guurun di u woodan kpee besi yiru

ye neni, win wuswaa ya ballimɔ. Adama win tii u n̄ yē mε.

³⁰ Aroni ka Isireliba kpuro ba n̄n mεera ba wa wee, win wuswaa ballimɔ ma ba berum bara bu n̄n susi.

³¹ Adama u bu soka, ma Aroni ka Isireliban guro gurobu ba na win mi, u ka bu gari kua.

³² Yen biru Isireliba kpuro ba n̄n susi, ma u bu wooda ye kpuro saaria ye Yinni Gusunɔ u n̄n wē Sinain guuru wəllu mi.

³³ Ye u ka bu gari kua u kpa, u win wuswaa sɔnditia wukiri.

³⁴ U n̄ da Yinni Gusunɔn kuu ten mi u ka n̄n gari ko, u ra sɔnditia ye wunεwa sere ù n̄ kɔam yarima. U n̄ yarima min di, yera u ra Isireliba sɔ ye Yinni Gusunɔ u n̄n sɔɔwa.

³⁵ Kpa bu win wuswaa wa ya ballimɔ. Yen biruwa u ra ye sɔnditia wukiri sere ù n̄ kɔam duɔ u ka Yinni Gusunɔ gari ko.

YINNI GUSUNɔN KURUN SɔMBURU

Tɔɔ wērarugiru

35

¹ Mɔwisi u Isireliba kpuro menna u bu sɔɔwa u nεε, wee ye Yinni Gusunɔ u sun sɔɔwa su ko.

² Alusuma tia sɔɔ, sɔɔ nɔɔba tia sa ko n̄ da besen sɔma kpuro ko. Adama sɔɔ nɔɔba yiruse ya ko n̄ sɔawa tɔɔ wērarugiru te sa ko Yinni Gusunɔ deria. Yen sɔ, besen wi u sɔmburu kua te sɔɔ, ba koo yēro gowa.

³ Baa dɔɔ i ku ra sɔre tɔɔ te sɔɔ, besen yenusɔ.

Kēε ni ba koo ka na Yinni Gusunɔn kuu bekurugii ten sɔ

⁴ Mɔwisi u kpam Isireliba sɔɔwa u nɛɛ, wee ye Yinni Gusunɔ u bɛɛ yiire.

⁵ U nɛɛ, i ka nùn kɛnu naawa ka nuku tia bɛɛn ye i mɔ sɔɔ. Kɛɛ nìn bweseru i ko i ka na wee. Niya wura ka sii geesu ka sii gandu,

⁶ ka beka ye ba wɔkua ka bura ka maa gaadura, ka beku wunɔmginu ka maa ni ba wesa ka wɛɛ damgii ka sere ye ba kua ka boo sansu,

⁷ ka yāa kinɛnun gɔni yi ba sɛɛsu doke ka gɔni damgii ka akasian dāa,

⁸ ka gum mɛ ba koo ka fitilanu sɔra, ka gāa nubu duroruginu ni ba ko n da doke gum sɔɔ mɛ ba ra kpuro tāre bu ka sɔɔsi ma Gusunɔ u ye gɔsa nɛnɛm, ka turare sɔɔ ye ba ra dɔɔ doke

⁹ ka kpee gobiginu nìn nɔni sāa bɛrɔ wuru ni ba koo doke yabe tarakpe ge sɔɔ, ka ni ba koo doke bɔɔ bara yen wɔllɔ.

¹⁰ Bɛɛn baawure wi u maa sɔmbu ten bwisi mɔ, u na u tu ko nge mɛ Yinni Gusunɔ u gerua,

¹¹ ye u nɛɛ, su kuu bekurugiru koowo mi sa ko n da nùn sã, kpa su ten wukiritii ko yi ba kua ka boo sansu ka yaa gɔni, ka sɔretii ni, ka dāa bɛsi yi, ka dāa karetii yi, ka ten dāa bɛsi sinumgii ka yin yɔratii,

¹² ka woodan kpakororu ka ten wukiritia ka ten dāa pɔɔsi yi ba ko n da ka tu sue, ka beku kare te ta ko n tu berua dii te ta dɛere gem gem sɔɔ,

¹³ ka tabulu ye, ka yen dendi yānu kpuro, ka sere dāa pɔɔsi yi ba ko n da ka ye sue, ka pɛɛ ye ba koo yi yen wɔllɔ,

¹⁴ ka dabu ge, ka gen dendi yānu kpuro, ka gen fitilanu, ka nin gum,

¹⁵ ka kpakoro tèn wɔllɔ ba ko n da turare dɔɔ

doke, ka sere ten dāa pɔɔsi yi ba ko n da ka tu sue, ka gum mɛ ba ko n da kpuro tāre bu ka sɔɔsi ma Gusunɔ u ye gɔsa nɛnɛm ka turare ye ba ko n da dɔɔ doke, ka beku kenutii te ba koo doke kuu ten kɔnnɔwɔ,

¹⁶ ka yāku yeru ka ten kɔkɔsɔ ye ba koo ko ka sii gandɔ, ka ten dāa pɔɔsi yi ba ko n da ka tu sue ka ten dendi yānu, ka boo ge, ka gen sɔwaritia,

¹⁷ ka kuu ten karan bekunu, ka yen sii pɔɔsi ka yin yɔratii ka sere maa kara yen kɔnnɔn beku kenutiru

¹⁸ ka kuu ten gabatian kurumba ka ten wɛɛ,

¹⁹ ka beka ye ba koo ka kuu ten dendi yānu kpuro bɔke, ka sere sāa yāa ni Aroni ka win bibu ba ko n da doke bu ka sɔmburu ko kuu ten mi.

²⁰ Ye Mɔwisi u gari yi gerua u kpa ma Isireliba kpuro ba doona win min di.

²¹ Yen biru, be ba gari yi gɔru doke, ba ka kɛɛ ni na ka nuku tia bu ka Yinni Gusunɔn kuu te ko, ka ten dendi yānu kpuro ka yāa ni yāku kowobu ba ko n da doke bu ka sɔmburu ko kuu ten mi.

²² Tɔn durɔbu ka tɔn kurɔbu be ba gɔru doke bu ka Yinni Gusunɔ kɛru naawa, ba ka swaa tonkunu ka sumi ka taaminu ka sɛɛnin bataniba, ye ya sāa wuran gāanu kpuro gesi, ben baawure u ka na ma u yi ka kɛɛ wɛɛbun wororu.

²³ Be ba maa beka mɔ ye ba wɔkua ka bura ka maa gaadura, ka beku wunɔmginu ka maa ni ba wesa ka wɛɛ damgii ka sere maa ye ba kua ka boo sansu, ka yāa kinɛnɛn gɔni yi ba sɛɛsu doke, ka gɔni damgii, ye kpurowa ba ka na Yinni Gusunɔn kuu ten sɔ.

²⁴ Be ba maa sii geesu mɔ, ka sii gandɔ, ba ka na ba yi ka kɛɛ wɛɛbun wororu. Be ba maa akasian dāa

mə ba ka na səmbu ten sō.

²⁵ Tən kurə be ba maa wēε taribu yē, ba wēε bwese bweseka tara, gaaduragii, ka boogugii ka wunəmgii, ka wēε damgii, ba ka na.

²⁶ Ma ben gabu be ba səmbu ten yēru ka ten kīru mə, ba boo sansun wēε tara.

²⁷ Be ba maa sāa wirugibu ba ka kpee gobiginu nīn nōni sāa bərə wuru na bu ka yabe tarakpe ge ka bəə bara ye buraru koosi.

²⁸ Ma gaba ka gum na mε ba koo ka fitilanu sōra, ka gāa nubu duruginu ni ba ko n da doke gum səə mε ba ra kpuro tāre bu ka sōsi ma Gusunə u ye gəsa nənem, ka turare səə ye ba ra dō doke.

²⁹ Isireliba səə, be ba tii wē bu ka somi səmbu te səə, te Yinni Gusunə u Məwisi səəwa mi, ba ka ben kēε ni nawa ka nuku tia.

Bəsələli ka Oholiabu ba səmbu te torua

³⁰ Məwisi u kpam Isireliba səəwa u nεε, wee, Yinni Gusunə u Bəsələli Urin bii gəsa wi u sāa Hurin debubu Yudan bweseru səə.

³¹ Ma u nūn win Hunde yibia u bwisi ka laakari ka yēru wa u ka səm bwese bweseka ko.

³² U koo kpī u səmbu ten baayeren kpunaa yi. Ye u koo ko, yera wura ka sii geesu ka sii gandun səmburu,

³³ ka kpee gobiginun dākubu ka nin gorebu ka dānun dākubu, sāa yee ten bura yānu baaniren səmburu gesi.

³⁴ Yen biru Gusunə u maa bu bwisi kā, wi ka Oholiabu wi u sāa Ahisamakin bii Danun bweseru səə, bu ka gabu səmbu te sōsi.

35 Bera u yēru wē bu ka sāa yee ten bura yānu ko kpa bu beka ye kpuro buraru kua. U bu yēe te wēwa sāa yee ten sōma baayere kpuron sō.

36

1 Besaleli ka Oholiabu ka tōn be Yinni Gusunō u bwisi ka yēru ka laakari wē bu ka kuu ten sōmburu kpuro ko, ba koo tu kowa nge me u gerua.

2 Ma Mōwisi u Besaleli ka Oholiabu sokusia ka sere be Yinni Gusunō u maa sōmbu ten bwisi ka yēru kã ma ba tii wē ka nuku tia.

3 Ma ba kēe ni mwēera Mōwisin min di, ni Isireliba ba wē Yinni Gusunōn kuu ten sō. Adama bururu baatere ba ra n maa ka kēe ni naamōwa Mōwisin mi ka kīru.

4 Ma tōn be ba sōmbu te mō mi, ben baawure u gina win sōmburu deri,

5 ma ba na Mōwisin mi, ba nūn sōōwa ba nēe, tōmba ka kēnu naamō n kere mēn bukata sa mō su ka sōmbu te kō te Yinni Gusunō u gerua.

6 Yera Mōwisi u dera ba kpara ba nēe, goo u ku maa ka kēnu na kuu ten sō. Mēsuma u kua u ka kēe ni yōrasia.

7 Domi ni ba wē kō nu koo turi nu tiara.

Ba kuu ten sōma mō

8 Tōn be ba sōmbu ten yēru mō mi, ba kuu te kua ka beka wōku te ba wesa ka wēe damgii ka wēe yi ba wōkua ka bura ka maa gaadura, ka wēe wunōmgii. Ma ba wōllun kōsobun weenasibu kua ya kua buraru beka ye sōō.

9 Beku nin teerun dēebu bu sāawa gōm soonu tēna yiru sari. Ten yasum maa gōm soonu nne.

10 Yen biru ba beka yen nōōbu sua ba swēena. Nge mēya ba maa kua ka nōōbu ye ya tie.

11 Ma ba yen baayeren goo baka teerɔ wēri doke ka wēε yi ba wōkua ka bura, yi ba koo ra ka ye sɔrena.

12 Wēri weeraakuukuubuwa ba doke beka ye ba swεenan baayeren goo baka teerɔ yi n nɔɔ kisinε.

13 Yen biru ba sɔretinu weeraakuru kua ka wura ba ka beka ye kpuro sɔrena ma ya kua beku teeru kuu ten sɔ.

14 Ba maa bekunu wōkura tia wesa ka boo sansu bu ka kuu bekuruḡii te wukiri.

15 Beku nin baateren dēebu bu sãawa ḡm soonu tena, ten yasum ḡm soonu nne.

16 Ma ba beka yen nɔɔbu sua ba swεena. Ma ba maa nɔɔba tia ye ya tie swεena nenem.

17 Ma ba wēri weeraakuukuubu doke beka ye ba swεenan baayeren goo baka teerɔ.

18 Ma ba sɔretii kua weeraakuru ka sii gandu bu ka beka ye kpuro sɔrena, kpa bekunu wōkura tia ye, yu ko beku teeru.

19 Ma ba yãa kinenun ḡni swērasia ba swεena bu ka kuu te wukiri. Ma ba maa yaa ḡni sinumḡii ḡεε swεena yi ba koo sɔndi ye kpuron wɔllɔ.

20 Yen biru ba akasian dãa besi kasu yi ba koo gira yi ka ko kuu ten dãa.

21 Dãa besi yin dēebu bu sãawa ḡm soonu wōkuru, yin yasum maa ḡm soo teeru ka bɔnu.

22 Ma ba yi sɔretii dokea yiru yiru yi biru kisinε.

23 Dãa besi yenda ba kua bu ka gira kuu ten sɔɔ yēsan nɔm dwaru gia.

24 Ma ba yen baayere yōratii yiru kua ka sii geesu. Ma ba yi doke mi sɔretii yi, yi wãa.

25 Ma ba maa dãa besi yendu kua bu ka gira ten sɔɔ yēsan nɔm geu gia.

26 Ma ba yen baayere yōratii yiru dokea yi ba kua ka sii geesu.

27 Dāa besi nōba tia ba kua bu ka gira ten biruō sōo duu yeru gia.

28 Ba maa dāa besi yiru kua bu ka doke tia tia ten goo gōmkinō biru gia,

29 yi n ka yionō manine saa tem di sere ka wōllō ma ba yi sumi wasi wōllō. Mesuma ba goo gōmkinu yiru ye kpuro kua.

30 Nge meya ba dāa besi nōba ita kua bu ka gira kuu ten biru gia, yin baayere ka yen yōratii yiru yi ba kua ka sii geesu. Ma yi kua yōratii wōkura nōbu ka tia.

31-32 Yen biru ba ten yēsi itaō akasian dāa nōbu nōbu kare. Ma ba sōo yari yerugia deri.

33 Dāa karetia ye ya wāa yēsa baayeren suunu sōo mi, yen nōo ga yōra dāa gōmkinō.

34 Ma ba dāa besi yi ka dāa karetii yi wura pote. Ma ba wuran sumi kua yì sōo ba koo dāa karetii yi wasi wasi.

35 Ma ba beku kareru kua ka wēε damgii ka wēε yi ba wōkua ka bura ka maa gaadura, ka wēε wunōmgii. Ma ba wōllun kōsobun weenasibu kua beku te sōo, ya kua ten buraru.

36 Yen biru ba dāa besi sinumgii nne kua ba wura pote, ma ba sōretii wuragii doke yi sōo yi ka beku kare te gaba. Ma ba dāa besi yi yōratii dokea yi ba kua ka sii geesu.

37 Ma ba kuu ten beku kenutiru wesa ka wēε damgii ka wēε yi ba wōkua ka bura ka maa gaadura, ka wēε wunōmgii ma ba beku te sōma dokea.

38 Ba akasian dāa besi sinumgii nōbu kua bu ka beku kenutii te bwē, ka sōretii yi yi koo tu gaba, ma

ba dāa besi yi furəsu ka sii dēki kua ba ye kpuro wura pote. Ma ba yin baayere yōratia kua ka sii gandu.

Woodan kpakororu

37

¹ Besaleli u Yinni Gusunən woodan kpakoro te kua ka akasian dāa. Ten dēebu bu sāawa gəm soonu yiru ka bənu. Ten yasum ka ten gunum mu nɛwa, ye kpuro gəm soo teeru ka bənu bənu.

² Ma u tu wura pote ten səwə ka təwə. Ma u ten goonu nne ye, nə bəka kua ka wura.

³ Ma u wuran sumi kua wasi nne u doke ten goo gookan yinna yenu sə, yiru ya mɛrinɛ bee tia, yiru yeni ya maa mɛrinɛ bee tia.

⁴ Ma u dāa pəsi kua yiru u yi wura pote.

⁵ Ma u yi wasi kpakoro ten sumi yi sə beri berika. Yiya ba ko n da ka tu sue.

⁶ Yen biru u kpakoro te wukiritia kua ka wura. Wukiritia yen dēebu bu sāawa gəm soonu yiru ka bənu, yen yasum maa gəm soo teeru ka bənu.

⁷⁻⁸ Ma u wəllun kəsobun weenasibu yiru kua ka wura u mani wukiritia yen goo piiminun wəllə gee ka gee.

⁹ Ma yi kpakoro ten wukiritia ye kasa wukiri mam mam. Yi wuswaa kisinɛwa yi mɛrinɛ.

Tabulu mi ba ra pɛɛ yi

¹⁰ U tabulu ye kua ka akasian dāa. Yen dēebu bu sāawa gəm soonu yiru, yen yasum maa gəm soo teeru. Ma yen gunum maa sāa gəm soo teeru ka bənu.

11 U ye kpuro wura pote ma u ye nɔɔ bɔka kua ka wura.

12 Ma u dɔa besi piiminu gore yen goo gooka mi, ni nu ka nɔm tararun yasum nɛ u ka sikerena ma u maa nin tii wura pote.

13 Ma u sumi nɛ kua ka wura u doke yen goo gookaɔ mi yen naasu gire gire.

14 Sumi yi, yi wɔa mi ba dɔa besi piimii ni goren bɔku bɔkukaɔ. Yi sɔɔra ba koo dɔa pɔasi wasi bu ka tabulu ye sua.

15 Ma u dɔa pɔasi yiru kua u wura pote.

16 Yen biru u tabulu yen dendi yɔnu kua. Niya pɛrɛntiba ka nɔri ka gbɛa ka gbɛɛ yorukunu nì sɔɔ ba ko n da tam doke bu ka yɔkunu ko. U ye kpuro kuawa ka wura.

Fitilan dabu

17 Ma ba dabu ge seka ka wura. Gen yɔratia ka gen pɔtura ka gen kɔasi ka gen bura te ta ka dɔa marum ka biibii weenɛ, ye kpuro ya sɔawa bɔri tia.

18 Kɔasi nɔɔba tia ga mɔ. Gen yɛsi yɛsikɔ kɔasi ita ita.

19 Gen kɔasa baayere, buranu itawa ya mɔ. Nu ka dɔa marum ka biibii weenɛ.

20 Dabu gen pɔturan tii ya buranu nɛ mɔ ni nu ka dɔa marum ka biibii weenɛ.

21 Mi kɔasi yiru yiru yi gbinɛ ka pɔtura, u min temɔ buraru koosiwa te ta ka dɔa marum weenɛ.

22 Bura ni ka kɔasi yi, ye kpuro ya sɔawa wuran bɔri tia.

23 Yen biru ba fitila nɔɔba yiru ye kua ka nin baku ka mi torom mu ko n da wɔriki. Ye kpurowa ba kua ka wura.

24 Wura ye ba ka dabu ge ka gen dendi yɔnu kpuro kua, ya sɔawa kilo tena.

Kpakoro tèn wəllə ba ko n da turare dɔɔ doke

²⁵ Yen biru ba maa kpakororu kua tèn wəllə ba ko n da turare dɔɔ doke. Ten dɛɛbu bu sãawa gəm soo teeru. Ten yasum maa gəm soo teeru. Ten goonu nne ye, ya nɛwa. Ten gunum maa gəm soonu yiru. Ma ba dera ten goo gəmkinu nneɛn dāa ya nɔɔ yara nge kãanu.

²⁶ Ma ba kpakoro te kpuro wura pote, sere ka ten kãanɔ ma ba tu nɔɔ bɔka kua ka wura ba ka sikerena.

²⁷ Ma ba sumi nne kua ka wura ba doke ten goo gəmkinɔ nɔɔ bɔka yen temɔ yi mɛɛrinɛ yiru yiru. Sumi yi sɔɔra ba koo dāa pɔɔsi yiru wasi beri berika yi ba ko n da ka tu sue.

²⁸ Ma ba dāa pɔɔsi yi kua ka akasian dāa ba yi wura pote.

²⁹ Yen biru be ba ra turare ko ba gum mɛ kua mɛ ba ko n da kpuro tāre bu ka sɔɔsi ma Gusunɔ u ye gɔsa nɛnɛm, ka sere maa turare ye ba ko n da dɔɔ doke.

Yāku yeru ka boo sii ganduguu

38

¹ Ma ba yāku yee te kua ka akasian dāa. Ten goonu nne ye kpuro ya nɛwa. Ya sãa gəm soonu nɔɔbu nɔɔbu. Ten gunum maa gəm soonu ita.

² Ma ba dera kãanu nu yara ten wəllun goo gəmkinɔ ma ba yāku yee te kpuro sii gandu pote.

³ Ma ba ten dendi yānu kpuro kua ka sii gandu. Niya gbɛɛ ni ba koo ka torom gura, ka kaatonu, ka kaato donnuginu, ka gbɛɛ nì sɔɔ ba koo yaa yem doke bu ka yɛka, ka dɔɔ guratii.

⁴ Ma ba kəkəsə kua ka sii gandu, ba ye sua ba doke yāku yee ten kəkərə ma yen nəə ga seema wəllə yāku yee ten suunu suunukaə.

⁵ Ma ba yen goo gookaə sumi doke yi səə ba koo dāa pəəsi wasi.

⁶ Ma ba akasian dāa pəəsi yiru kua ba sii gandu pote.

⁷ Ma ba dāa pəəsi yi wasi sumi yi səə beri berika yi ba ko n da ka yāku yee te sue. Ba tu kuawa ka dāa bəsi ma ta wəru mə.

⁸ Ma ba boo ge kua ka gen səwaritia, ye kpuro ya sāawa sii gandu. Ba nu mwɛɛrawa tən kurəbun mi be ba ra sinɛ sāa yee ten kənnəwə. N deema sii gan niya nu ra n sāa ben digi.

Kuu ten kara

⁹ Ba kuu te kara koosi ka beku damginu. Yen səə yəsan nəm dwaru gia yen dɛɛbu bu sāawa gəm soonu wunəbu (100).

¹⁰ Ma ba dāa bəsi sinumgii yendu sua yi kua kara yen dāa. Ma ba yin yəratii kua ka sii gandu. Yen biru ba maa yin beku sərətinu kua ka sii geesu. Ma ba sii geesun dɛki kua bu ka beka ye taare.

¹¹ Kara yen səə yəsan nəm geu gia, yen bekunun dɛɛbu sāawa gəm soonu wunəbu (100). Ma ba nu sərə kara dāa səə nge mɛ ba səə yəsan nəm dwarugii ni kua.

¹² Səə duu yeru gia kara yen bekunun dɛɛbu sāawa gəm soonu weeraakuru. Ma ba nu sərə kara dānu wəkuru səə ye ya sərətii mə nge mɛ ba səə yəsan nəm dwarugii ni kua.

¹³ Yen səə yari yeru gia maa, yen dɛɛbu bu sāawa gəm soonu weeraakuru.

14-15 Kara beku ni nu wãa kara yen kãnnãn beri berikaã, nin dɛɛbu bu sãawa gãm soonu wækura nãabu nãabu. Ma ba nu kara dãnu kua ita ita, ten baatere ka ten yõratia.

16 Ba kara yen bekunu kpuro kuawa ka wɛɛ damgii.

17 Kara dãa nin yõratii, sii ganda ba ka yi kua. Yen soretii ni nu wãa dãa ye sãã, ka sii dɛki yi, ye kpuro ya sãawa sii geesu. Ma ba dãa nin wãllã sii geesu pote. Dãa ni kpuro nu sãrenɛwa ka sii dɛki yi.

18 Ba kara kãnnã gen beku kenutii te kuawa ka wɛɛ damgii ma ba tu buraru kua ka wɛɛ wunãmgii ka yi ba wõkua ka bura ka maa gaadura. Ten yasum sãawa gãm soonu yendu, ten gunum maa gãm soonu nãabu nge mɛ kuu ten beku teera yasum nɛ.

19 Dãa bɛsi sinumgii nɛ sããra ba beku kare te sãre, ma ba yin yõratii kua ka sii gandu. Ba yin wii wãllã sii geesu pote nge furã. Ma ba yin soretinu ka sere yin sii dɛki yi kua ka sii geesu.

20 Kuu bekurugii te, ka kara yen gabatian kurum kpuro ya sãawa sii gandu.

Sii si kuu bekurugii te, ta di

21 Mõwisi u Lefiba sããwa bu sisun dooru ko si kuu bekurugii te, ta di, tɛ sãã ba koo Yinni Gusunãn woodan kpakoro te doke. Itamaa, Aroni yãku kowon biiwa u sãa ben wirugii.

22 Bɛsalɛli, Urin bii, Hurin debubu, Yudan bweseru sãã, u kuu ten sãmburu kua kpuro te Yinni Gusunã u Mõwisi sããwa u ko.

23 Oholiabu, Ahisamakin bii, Danun bweseru sãã, wiya u Bɛsalɛli somi u ka sãmbu te kua. Wiya u gãa dabinu kua kua. U sãman kpunaaba kua, u kpee

gobiginu dāka, ma u bekunu buraru kua ka wēε wunəmgii ka yi ba wōkua ka bura ka maa gaadura.

²⁴ Wura ye Isireliba ba wē ba ka kuu bekurugii te, ka ten dendi yānu kpuro kua ya sāawa kilo nεnε ka wata ka wōkura nōɔbu ka yirun (875) saka. Ba ye yīirawa ka ben sāa yerun sakaku.

²⁵ Sii gee si Isireliba ba maa wē sanam mε ba bu garimə, su kuawa kilo nərɔbun suba ita ka wōkura nōɔbu ka yirun (3.017) saka. Ba su yīirawa ka ben sāa yerun sakaku.

²⁶ Tən be ba sii gee si wē, ben geera sāawa tōnu nərɔbun suba nata ka ita, ka nεera wunɔbu ka weeraakuru (603.550). N deema be ba wōɔ yendu tura, ka be ba kere mε, bera ba gara. Ben baawure u wēwa garamu nōɔbu.

²⁷ Sii geesun kilo nərɔbun suba itawa (3.000) ba ka kuu bekurugii te ka ten beku kare ten dāa besin yōratii wunɔbu (100) kua. Yen baayere, kilo tεna.

²⁸ Ma ba maa ka sii geesun kilo wōkura nōɔbu ka ita ye ya tie sɔretii ni, ka dāa besin yin furɔsu, ka sii dεki yi kua.

²⁹ Sii gan ni Isireliba ba maa menna, nu kuawa kilo nərɔbun suba yiru ka wunaa teeru ka nne (2.124).

³⁰ Sii gan niya ba ka kuu ten kənnən dāa besin sinumgiin yōratii kua ka yāku yee te, ka ten kəkəsə ye, ka ten dendi yānu.

³¹ Ka niya ba maa kuu ten kara dānun yōratii, ka yen kənnən pəsin yōratii ka sere kuu te, ka kara yen gabatian kurum kpuro kua.

Yāku kowon yabe tarakpe

39

¹ Ba yāku kowobun yāa ni kua ka yāa sansun beku ni ba wōkua ka bura ka maa gaadura ka ni ba wunəm doke. Ma Mōwisi u dera ba Aronin sāa yāa ni kua nge mε Yinni Gusunə u gerua.

² Ba yabe tarakpe ge kua ka beku te ba kua ka wēε damgii, ma ba ge buraru kua ka wēε yi ba wōkua ka bura ka maa gaadura ka wēε wunəmgii ka wura.

³ Ba wura ye besukawa teere teere ba doke doke yabe tarakpe gen bekuru sɔɔ.

⁴ Ma ba gu sari yiru kua bu ka gen senu sɔrena.

⁵ Yabe tarakpe ge ka gen sēkatia ya sāawa beku nɔni tee, ma ba sēkatia ye yinusi yabe te sɔɔ. Ba ye kuawa nge mε Yinni Gusunə u Mōwisi sɔɔwa u ko.

⁶ Ma ba kpee gobiginu yiru nɔn nɔni sāa berɔ wuru wura gore ni sɔɔ ba Isireli bibun yīsa yorusi nge mε ba ra yore sisɔ.

⁷ Ma ba nu mani sari yi sɔɔ nu ka sɔɔsi ma Isirelin bwesenu kpuron yīsa Aroni u sɔɔwa sanam mε u duɔ sāa yee ten mi. Meya ba ye kpuro kua nge mε Mōwisi u gerua.

Yāku kowon bɔɔ bara

⁸ Ba maa bɔɔ bara ye kua. Ye ka yabe tarakpe ge, ya sāawa beku nɔni tee ka bura teeru.

⁹ Bɔɔ bara yen yasum ka yen dēebu mu nɛwa. Ye kpuro gəm soonun bɔnu bɔnu.

¹⁰ Ma ba ye kpee gobiginu bwese bweseka mani sīa nnε. Kpee nin nɔni wee. Sīi gbiikaa sɔɔ, swāaru ka dəm buuru ka wuru beku.

¹¹ Yiruse sɔɔ maa, swāaru ka boogu ka sɔɔ tiro.

¹² Itase sɔɔ, dəm buuru ka nɔni bwese bweseka ka gaadura.

13 Nn̄ese s̄o, wuru beku ka ber̄o wuru ka n̄oni bwese bweseka. Ba ye kpuro wura gore gorewa ba sere mani b̄ō bara ye s̄o.

14 Ma ba nin baatere s̄o Isirelin bibun yĩsinu yorua tia tia, domi ben baawuren yĩsiru ta s̄aawa Isireliban bwese k̄era tian yĩsiru.

15 Ma ba b̄ō bara ye wuran ȳoni yiru kua.

16 Ma ba taaminu yiru ka s̄oretinu yiru kua ka wura, ma ba taamii ni doke b̄ō bara yen soo w̄arikis̄o.

17 Taaminu yiru ye s̄ora ba wuran ȳoni yiru ye s̄ore.

18 Ma ba b̄ō bara yen ȳoni yi gbinisi yabe tarakpe gen sarīo mi wuran s̄oretii ni, nu w̄a, kpa ya n ka s̄ondi tororu w̄ollo.

19 Ma ba maa wuran taaminu yiru kua ba doke b̄ō bara yen soo temkis̄o si su yabe tarakpe ge girari.

20 Ma ba maa taaminu yiru kua ka wura ba nu doke yabe tarakpe gen sarin n̄ōw̄o wuswaāo s̄ekatia yen w̄ollu gia.

21 Yen biru ba b̄ō bara yen taamii ni s̄o w̄ε gaaduragii doke ba yi gbinua yabe tarakpe gen taaminu s̄o. Nge m̄eya ba ka ye s̄ore yabe tarakpe ge s̄o yu ku ka b̄ari. Ba ye kuawa nge m̄e Yinni Gusun̄o u M̄owisi s̄ōwa.

Ȳaku kowon s̄a ȳa ni nu tie

22 Yabe t̄en w̄ollo ba yabe tarakpe ge s̄ondi, ba tu wesawa ka w̄ε gaaduragii.

23 Ma ba ten w̄ir̄o s̄oma doke ba sinum koosia kpa tu ku raa ka ḡera.

24 Ma ba ten tem̄o tusanu doke ni nu ka d̄a marum gam weene. Ba nu kua ka w̄ε damgii

ka yi ba wōkua ka bura ka maa gaadura ka wēε wunəmgii.

²⁵ Ma ba maa wuran yangire piiminu kua ba nu doke ba ka sikerena, nu kpasa s̄aa ka tusa ni.

²⁶ Ba ye kuawa nge mε Yinni Gusunə u Məwisi s̄əwa.

²⁷ Ma ba Aroni ka win bibu takoba kua ka wēε damgii.

²⁸ Meya ba maa dawani ye kua ka furəsu si su s̄aa ben buraru te ta ben girima s̄əsimə, ka sokoto kpirinu. Ba ye kpuro kua ka wēε damgii.

²⁹ Ba maa s̄ekatia ye wesa ka wēε damgii ba buraru koosi ka wēε yi ba wōkua ka bura ka maa gaadura ka wēε wunəmgii. Meya ba ye kpuro kua nge mε Yinni Gusunə u Məwisi s̄əwa.

³⁰ Ba batani wuragia ye kua ba yorua ye s̄ə, wini s̄awa Yinni Gusunəgii. Ba ye yoruawa nge mε ba ra yore sisə.

³¹ Ma ba ye s̄oresi dawani yen wəllə ka wēε gaaduragii nge mε Yinni Gusunə u Məwisi s̄əwa.

Ba Yinni Gusunən kuu bekurugii ten s̄əmburu kua ba kpa

³² Isireliba ba Yinni Gusunən kuu bekurugii te kua ba kpa. Ba ye kpuro kuawa nge mε Yinni Gusunə u Məwisi s̄əwa.

³³ Ma ba ka Məwisi ten yānu kpuro naawa. Niya beka ye ka yen s̄oretinu ka d̄aa b̄esi yi ka d̄aa karetii yi ka d̄aa b̄esi sinumgii yi ka yin ȳratii

³⁴ ka yā kinənun ḡəni yi ba sw̄erasia ka yaa ḡəni sinumgii yi ka beku kare te

³⁵ ka Yinni Gusunən woodan kpakoro te ka ten n̄enutii ka ten wukiritia,

36 ka tabulu ye ka yen dendi yānu ka p̄εε ye ba ra yi
yen w̄oll̄o,

37 ka dabu wuraguu ge ka gen fitilanu ka nin dendi
yānu ka nin gum,

38 ka kpakoro wuragiru t̄en w̄oll̄o ba ko n da turare
d̄ō doke, ka gum m̄ε ba ko n da kpuro tāre bu ka
s̄ōsi ma Gusun̄o u ye ḡosa nen̄em, ka turare nubu
durorugia ye

ka kuu ten k̄ann̄on beku k̄enutiru,

39 ka yāku yee te ba kua ka sii gandu ka ten k̄ak̄as̄o
sii gandugia ka ten nen̄utii ka sere ten dendi yānu
kpuro

ka maa boo ge ka gen s̄owaritia,

40 ka kuu ten karan bekunu ka yen dānu ka nin
ȳratii ka yen k̄ann̄on beku k̄enutiru ka yen w̄εε ka
yen gabatian kurumba,

ka sere s̄aarun dendi yānu kpuro ni ba koo dendi
kuu te s̄ō,

41 ka s̄āa yāa ni Aroni ka win bibu ba ko n da doke
b̄a n s̄amburu m̄ò s̄āa yee ten mi. Niya nu koo ben
girima s̄ōsi.

42 Isireliba ba s̄ambu te kuawa mam mam nge m̄ε
Yinni Gusun̄o u M̄owisi s̄ōwa.

43 Ye M̄owisi u yāa ni m̄εεra u kpa, yera u wa ba
nu kuawa nge m̄ε Yinni Gusun̄o u gerua. Ma u bu
domaru kua.

Yinni Gusun̄o u M̄owisi s̄ōwa u kuu te giro

40

1 Yinni Gusun̄o u M̄owisi s̄ōwa u n̄εε,

2 suru gbiikoon t̄ō gbiikiru s̄ōra kaa nen̄ kuu te
gira.

³ À n tu gira a kpa, kpa a woodan kpakoro te sua a doke te sɔɔ, kpa a tu gandi ka beku kare te.

⁴ Kpa a tabulu ye duusia ka yen dendi yānu, ka maa dabu ge, kpa a gen fitilanu doke nin ayenɔ.

⁵ Kaa maa de bu kpakoro wuragiru tèn mi ba ko n da turare dɔɔ doke yi woodan kpakororun deedeeru. Kpa a maa beku kenutiru doke kuu ten kɔnnɔwɔ.

⁶ Kpa a ma yāku yee te yi ten ayerɔ kuu ten kɔnnɔn deedeeru.

⁷ Kpa a boo ge yi yāku yee te ka kuu ten baa sɔɔ kpa a gu nim yibia.

⁸ Kpa a kuu ten kara ye gira a ka sikerena, kpa a yen kɔnnɔn beku kenutiru doke.

Yinni Gusunɔ u Mɔwisi sɔɔwa u kuu te gum yɛka ta n ka sã nenem

⁹ Yen biru kaa gum yɛka kuu te sɔɔ ka ten dendi yānu kpuro sɔɔ. Nge meya kaa ka sɔɔsi ma ta sã sãarugiru.

¹⁰ Meya kaa maa yāku yee te gum me yɛka ka ten dendi yānɔ. Nge meya kaa ka sɔɔsi ma ta sã sãarugiru.

¹¹ Kaa maa boo gen tii ka gen sɔwaritia gum me yɛka a ka sɔɔsi ma ga sã sãaruguu.

¹² Yen biru kaa ka Aroni ka win bibu na kuu ten kɔnnɔwɔ, kpa a bu wobure ka nim dirum.

¹³ Kpa a Aroni sã yā ni sebusia a nùn gum me tãre a ka sɔɔsi ma u sã nen yāku kowo.

¹⁴ Meya kaa maa win bibu sɔ bu susima kpa a bu tako be sebusia.

¹⁵ Yen biru kpa a maa bu gum me tãre nge me a ben tundo kua. Nge meya kaa ka sɔɔsi ma ba sã

nɛn yāku kowobu, be ka ben bibun bweseru sere ka baadommaɔ.

Mɔwisi u kuu te gira

16 Mɔwisi u kua kpuro nge mɛ Yinni Gusunɔ u nùn sɔɔwa.

17 Ye n kua wɔɔ yirusen suru gbiikoon tɔɔ gbiikiru saa mìn di ba yarima Egibitin di, yera Mɔwisi u Yinni Gusunɔn kuu te gira.

18 U gbia u dāa bɛsi yin yɔratii gira ma u dāa bɛsi yi doke sɔɔ, ma u yi dāa kare. Ma u dāa bɛsi sinumgii gira. Ma u beka ye wukiri yin wɔllɔ.

19 Ma u boo sansun beka ye sɔndi beka yen wɔllɔ. Ma u yaa gɔni yi sua u ka ye kpuro wukiri nge mɛ Yinni Gusunɔ u nùn sɔɔwa.

20 Ma u woodan kpee bɛsi yi sua u doke yin kpakoro te sɔɔ. Ma u dāa pɔɔsi yi ba ra ka tu sue wasi yin bɛri yenɔ. Ma u ten wukiritia doke.

21 Ma u ka kpakoro te na u yi kuu ten dii te ta dɛere gem gem sɔɔ, ma u beku kare te doke u ka kpakoro te gandi nge mɛ Yinni Gusunɔ u nùn sɔɔwa.

22 Ma u tabulu ye doke nɔm geu gia adɛrɔ ge sɔɔ, à n duɔ kuu ten mi.

23 Ma u pɛɛ ye yorua tabulu wɔllɔ mam mam, ye ba ka Yinni Gusunɔ naawa, nge mɛ u nùn sɔɔwa.

24 Ma u dabu ge doke nɔm dwaru gia tabulun deedeeru.

25 Ma u gu fitilanu sɔndi u sɔra Yinni Gusunɔn wuswaɔ nge mɛ u nùn sɔɔwa.

26 Ma u kpakoro wuragii te doke adɛrɔ ge sɔɔ beku kare ten bɔkuɔ te ta woodan kpakoro te gandi.

27 Ma u turare dɔɔ doke ten wɔllɔ, nge mɛ Yinni Gusunɔ u nùn sɔɔwa.

28 Ma u beku kenutiru doke kuu ten kənnəwə.

29 Ma u yāku yee te yi kuu ten kənnəwə. Ma u yāku dɔ̄ mwaararugiru ka abəru garu kua mi, nge mɛ Yinni Gusunə u n̄n sɔ̄wa.

30 Ma u boo ge doke yāku yee te ka kuu ten baa sɔ̄. Ma u gu nim yibia, mɛ ba koo ka tii dɛɛrasia s̄arun s̄.

31 Mɛya Məwisi ka Aroni ka win bii tən durəbu ba ra ka ben nəma ka naasu kpakie,

32 bā n duə kuu ten mi, n̄ kun mɛ bā n yāku yee te susiə, nge mɛ Yinni Gusunə u Məwisi sɔ̄wa.

33 Ma Məwisi u kuu te ka yāku yee te kara koosi. Ma u beku kenutiru doke yen kənnəwə. Nge mɛya u ka səmbu te wiru go.

Guru wii wuro te, ta ȳra kuu ten wəllə

34 Sanam mɛya guru wii wuro te, ta kuu te wukiri ma Yinni Gusunən yiikon girima ya tu yiba.

35 Məwisi u n̄ maa kp̄ia u kuu te du yèn s̄ guru wii wuro te, ta ȳ ten wəllə ma Yinni Gusunən yiikon girima ye, ya yiba te sɔ̄.

36 Saa ye Isireliba ba w̄a gbaburə, guru wii wuro te, t̄a n seewa kuu ten wəllun di yera ba ra se bu swaa wəri.

37 Adama t̄a kun seewe, ba ku ra swaa wəri.

38 Isireliban sanum mɛ kpuro sɔ̄, Yinni Gusunən guru wii wuro te, ta ra n w̄awa win kuu ten wəllə s̄ sɔ̄. N n kua w̄kuru, d̄əwa ta ra n ka weenɛ.

Bibeli Gusunɔn Gari
The Holy Bible in the Baatonum language of Benin,
also called the Bariba language

copyright © 2013 SIM

Language: Bariba (Baatonum)

Translation by: SIM International

Bariba, Bibeli Gusunɔn Gari

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

PDF generated using Haiola and XeLaTeX on 18 Apr 2025 from source files
dated 29 Jan 2022
00601790-b883-5da1-83f2-d05a7fa289a8